

L.V. A. 60-61.

BIBLIOTECA NAZ.
Vittorio Emanuele III


LV

A

60-61

NAPOLI






JTINERARIUM

R. D.

THOMÆ CARVE
TRIPPERARIENSIS.



ITINERARIUM

R. D.

THOMÆ CARVE

TRIPPERARIENSIS,

Sacellani maioris

*In fortissimâ iuxta & Nobilissimâ
Legione*

Strenuissimi Domini Colonelli

D. WALTERI DEVEROUX

sub

SAC. CÆSAR. MAIESTATE

stipendia merentis

cum

Historiâ facti Butleri, Gor-
don, Lesly & aliorum

Opera studio

Et

Impensis Authoris

MOGUNTIAE,

Imprimebat NICOLAUS HEYLL,

Anno Christi, 1639.





Illustrissimo Domino
Domino

IACOBO BUTLERO
COMITI ORMONIÆ
& Ossoria, Vice-Comiti de Turlo,
Baroni de Arcloë, &c.

THOMAS CARVE.

Felicem in rebus omnibus progressum
& prosperitatem, ex totis animi Precor-
dijs precatur.



Commentariolum de
rebus in Germania,
per proximum retro
decennium gestis, quæ

A 3

inter

DEDICATIO.

inter fastidiosas viarum molestias, infestumque Literis, ac lucubrationi seriæ inimicum armorum strepitum, subeifuiis horis compilavi, Tuis manibus, Comes Illustrissime, quam possum demisse ingero, atque ad Tholum humanitatis Tuæ, servorum tuorum postremus lubens volens appendo, orbi testem vniverſo & propensissimæ meæ in te tuosque voluntatis, nullis alijs ante hac testatæ monumentis, & Tuæ singularis in me nunquam satis de prædicandæ benevolentia Mnemofynon.

Non indignaberis a. (quod tua mihi prudentia pollicetur) quod inter tam multos Illustrissime Dominationi Tuæ pacificos annos blandissi-

D E D I C A T I O.

blandissimis formulis exoptantes, ego vnus quasi extremæ inurbanitatis homulus, immemor cōmunis ritus, & consuetæ humanitatis defertor in altissimâ quiete pacis, à Marte Donarium apparem. Apage, forte Dices, pessimi ominis, & contra Læta auspicia inquietum Commentarium, sed nec Itinerariū Perillustri Nomini nostro obtrudi sinam, qui cum subdito mihi populo quietos exigere annos in summa tranquillitate mavelim, quam multis itinerum molestijs defatigari.

Sed vt dicam quod res est, non ab eo à cæterorum pacificam faustitatem voventium consuetudine multo ab hinc tempore prolata, verum quod vulgus Comitum.

DEDICATIO.

fui promerendi gratia, ego idem
Maiori affectu licet tectiori ser-
mone, plenâ manu repræsentô.
Offero quidem de bello & cum
bello commentariolum, sed in eo
non domesticum sed bellum exte-
rum concludo, cōcludo in quam
bellum sed bellissimum, quippe
quod dum alibi immaniter sæviſt,
domi induxit tranquillissimam
pacis serenitatem. Et sane nisi
eiusmodi ad Te mitterem bellum,
pacem Tibi gratulari neutiquam
possem. Totus itaque Libellus
iste quantus, quantus Tibi Comi-
tum humanissimo dicatus meris-
sima est pacis congratulatio.

Quod verò ad te potius quam
ad quemvis alium suo impetu no-
ſter feratur calamus, non id qui-
dem

D E D I C A T I O.

dem temerè evenit. Complexus est enim ipse heroica Tuorum facta, quæ ad tuam quoque Totiusq; Perillustris stemmatis laudem spectant, portat Nobilissimos Maiores & Consanguineos tuos Butleros, qui ut in Patriâ semper fuerunt summi nominis, ita apud exteros ob egregiam virtutem præcipuè auctoritatis. Age, vade, si Labet, in extremam usque Germaniam, Poloniam, Lituaniam, Hungariam, Bohemiam penetra si vacat, & audi, si non Butlerorum tuorum fama Imperatori Romano alijsque Regibus æquè fida, quam nobilissimæ prosapiæ tuæ gloriosa ubique celebretur? Utinam (cum intimo id affectus mei sensu inge-

DEDICATIO.

nuè proloquor) vtinam, inquam, manes Iacobi Tui, cui annis plusculos individuus fui Comes, in vitale corpus remigrare possent, & se tibi in armis præsentrare, videres vtique virum inter arma potius ad amicam pacem, quàm hostilia bella propensum, spectares virum in armis fortem, omni bellico apparatu nil potius spectantem, quam vt Imperio Romano pristinam restitueret pro virili sua, tranquillitatem.

Hunc igitur & plures ipsius similes, dum tibi in paucularum pagellarum angustijs circumscriptam exhibeo maiestatem, ne putes, Generose Comes, me Belli Duces ad turbandam in tuis terris.

DEDICATIO.

terris pacem in Ormoniam inducere, adduco Equidem, nec enim inficias ire possum armatos Heroës, sed confectis prope bellis pacificos, qui arma quidem portant, domi defensiva foris offensivâ. Verbo. Volunt ipsi se sistere amplissimo conspectui tuo, ut videas tuam gentem tam esse amplam, ut se intra Patriæ terminos continere haud queat, sed Augustiores in alienis terris non sine immortalis familiæ gloria & quærere debuisse & obtinere potuisse habitationes.

Dabit quoque itinerarium hoc nostrum soboli tuæ, si quam tibi hominum sator DEUS concessit, aut porro concessurus est, stimu-

DEDICATIO.

stimulos nomen suum, ad imitationem Maiorum suorum amplificandi, & genus ad ultimas usque terras dilatandi, dum videbunt Avos, Proavosque suos solo nixos DEO, relictâ Patriâ externorum Principum, Regum ac Imperatorum fide & Constantiâ suâ obtinuisse favores, titulosque Perillustri prosapiæ suæ nusquam pudendos.

Vellem hoc loco, nisi Lconicâ uti cuperem brevitate, nec tibi vllam legendo nauseam creare, syllabum pertexere eorum, qui si in Patriâ hæssissent, obscurum & ignobile exegissent, ævum, dum vero in eas partes ubi animos suos exerere, viresque ac fortitudinem ostentare poterant

DEDICATIO.

rant egressi sunt, toti mundo in-
claruerunt. Tu animo ipse per-
curre (Liberæ enim sunt Cogi-
tationes) non tantum grandia
tuæ familiæ decora, sed & alia
belli Germanici fulmina, qui sa-
ne in omni suo splendore igno-
biles fuissent, nisi in Imperium
Romanum extendendi nominis
causa profecti essent.

Videbis, Perillustris Comes,
videbis, inquam, Tu ipse diem
illum quo se Patriotæ tui, sed
& amicitia imo sanguine iuncti
Patriæ præsentabunt æque glo-
ria quam opibus conspicuos, &
Conterraneis testatum facient,
quid ei præstare voluissent, qui
pro exteris Principibus san-
guinem & vitam exposuerint,
Quam-

DEDICATIO.

Quamque parati etiamnum sint pro tranquillitate Patriæ ad extremam usque sanguinis guttam belligerare, qui pro natione ignotâ pacificanda tam nobilia statuerunt sibi toti familiæ, omnique Patriæ suæ trophæa.

Ita igitur est, Comes Illustrissime, si verè loqui volumus, hic commentariolus meus pacis potius quam belli est prodromus, quem tibi ego clientum tuorum postremus toto cordis affectu do, dico consecroque: Quod si in eo parum concinna videantur omnia, scias ea non domi in muscolo, sed belli sub tentorijs, vbi rauca tuba solenne suum taradandara insonat, vbi tympana bellum perstreptentia negotiosum


DEDICATIO.

triosum calamum infestant, vbi sæ-
va tormentorum bellicorum to-
nitrua horrendum immugiunt,
vbi fatalis plumbeorum globu-
lorum grando chartam circum-
volat & cum affectu scribendi vi-
tam prope excutiunt, esse fusa.
Dabuntur quandoque quietiora
tempora, quando pro facultate
& otio longiore & concinniore
serie minutatim calamo com-
plectar omnia enucleatius, quæ
vel ipse oculis inspexi vel alio-
rum fide digna narratione ac-
cepi. Hæc nunc breviuscula qua-
lia qualia, optimo sane affectu
tibi inscripta, æqui bonique con-
sulas, & me tibi Devotissimum
Tuo favore complectere. Da-
bam

DEDICATIO.

bam Fridbergæ in Wetteraviâ
Calendis Maij Anno immortalitatis stabilitæ. M. DC. XXXIX.

LECTO-



LECTORI BENEVOLO
& Pio Pacem & salutem
in Domino.



Vid enim malevolo & studiis nostris contrario optem pacem? cum sacro eloquio attestante impiis nulla sit pax. Illi igitur qui meam insectabitur scribendi Methodum & rationem, non voveo aliud, nisi quas ipse iam animo fovet turbas & inquietudinem. Scripserunt ait iam plures alij de bello, opera illa sumptusque rectius in alios impenderentur usus. Tibi quidem in quem voles laborum tuam impendere operam integrum sis, mihi honestus iste videtur labor, qui non de

B

polien-

AD LECTOREM.

poliendis armis quæ nulla gero nisi spi-
 ritualia, non de uxore, quam mihi
 ultroneâ Lege interdictam volui, re-
 mendâ, non de calicibus supra debi-
 tum exsiccandis quod honestatem de-
 decet, Sacerdotiumque meum dedeco-
 rat, debito esse sollicitus. De sumptu ne
 Labores, cum ille non tuo impendio,
 sed bonorum & benevolorum virorum
 gratia suggeratur. Absoluam omnia
 paucis, ita mihi lubebat & volupe erat,
 hanc pecuniolam quæ brevis admodum
 fuit, non in alium quam huic usum
 collocare. Quod vero multi alij de bel-
 lis variis scripserint historias, id qui-
 dem non sum nescius, sed & illud cer-
 to scio, nullum huc usque meum iter,
 quod hoc Commentariolo complexus
 sum, scripsisse. Dein, scripserint alij;
 & ego scribam, Te quantum vis, ô Zoi-
 le, con-

AD LECTOREM.

le, contradicente: Quod si Libellum
meum legere nolis, ab icias licet, non
ideo totus quantus pessum ibit, erunt
qui eum mihi honorem facient, ut le-
gant & probent. Sed, inscripsi Viro à
nostris castris alieno & externo? Rê-
cède. quid vero hoc tua interest, & cui
alteri, quam viro in paucis humano,
humanitatem hanc defram, cui But-
leriana facinora, quàm Butlero, qui
in pariem & amicitia & sanguinis &
laudis venit, inscribam? cui bellorum
externorum successus explicem nisi qui
eos coram non spectarit? forte volebas
eum tibi dedicari: sed nondum de me
id quidem es meritis. ubi de mirabi-
libus & à communi tuoque sensu re-
motis rebus scripsero, tunc quidem i-
stum expectare possis honorem, cum
quid scripsero quod tibi non desipiet,

AD LECTOREM.

*tunc tibi oggere: integrum erit. Odi si
scire vis tam delicatos alieni nominis
observatores, odi Catonianum super-
cilium moroso omnia notans asterisco.
Odi Aristarchos illos perpetim in alio-
rum facta Lynces, in sua talpas.*

*Te vero, Benevole Lector, pauca
volo, te enixè postulo, ut hunc meum
Laborem facili admittas oculo, si quæ
exilia sunt quæ scripsi, ne illa contem-
nenda putes, magna omnes notant mi-
nuta omnes prætereunt, ita fit, ut il-
lorum sæpe nulla posteritati relinquatur
memoria, omnia igitur, magna &
parva, gravioris leuiorisque momen-
ti in codiculum meum referenda puta-
ui, quæ quidem vel ipse coram vidi,
vel à videntibus & præsentibus au-
divi.*

*Quod si fortè tibi displiceat stylus
noster*

AD LECTOREM.

noſter, noueris illum adoleuiſſe in campis, quid mirum ſi ſe comere non potuerit? Educatum eſſe inter milites, nil nouum ſi rudioſorem didicerit aſperitatem: formatum eſſe ad ænearum fiſtularum fragores, veniam itaque ſpirat, ſi hinc inde tumultuetur.

Si porro petas, quis mihi iſtud ſcribendi inſtitutum iniecerit, dicam, & rem ipſam ſincere ediſſeram. Luxerunt omni ætate variæ varios morte ſublatoſ, Nuper Eccleſia Gregorium XIII. Pontificem Maximum: Imperium Ferdinandum II. Cæſarem ſemper Auguſtum: Hiſpania Philippum III. Regem Catholicum: Gallia Ioſephum Capuzinum Conſiliarium Monachum; Exercitus Catholicus Pappenheimium & Tyllium noſtræ militiæ Columnas & huius æui Scipiones;

AD LECTOREM.

Exercitus aduersarius Gustavum Adolphum Suecorum Regem me iam etiam aliorum dolore tristem, domesticum quoque funus optimi Buleri mei tangebatur plurimum, quocum dulcissimos dies, eosque plusculos in omni confidentiâ exegeram, à quo suavissime semper tanquam Frater habitus, cultus ut Pater fueram; cuius tantæ benevolentiae cum parere non possem, nollem tamen ingratus mori, hoc tandem succurrit animo, ut praeclara eius facta mundo vulgata inter homines Libello, aperirem. Videram quanta cum inuidiâ multas saepe expeditiones optimis auspiciis susceperat, videbam eius nomen ipso adhuc vivente iniquè tractum post mortem primum effulgere clarius: videbam verò etiam aliorum doctus exemplo, quam literis, maxime


AD LECTOREM.

ximè inter milites mortuorum sit recordatio. Hac omnia ut in Butlero meo virorum omnium amantissimo cauerem, Historiolam seu Itinerarium potius hoc scribendum suscepi, ut dum de multis, quæ mihi memoranda contigerunt, scriberem etiam Butleri mei recordarer, ac amorem meum quantum locumq; hoc opusculo saltem publico affectus monumento testatum relinquerem. Voluissem quidem omnia eius & Butlerorum aliorum facta uno solo ad id suscepto Libello complexus esse, sed cum inter bellicos tumultus id fieri difficulter possit, & id tranquillius otium requirat, cogitationem illam in commodiora tempora deposui. Sufficiat nunc in decursu itineris mei obiter tantum & per transennam velut

AD LECTOREM.

*aliud agens de ipso fecisse mentionem.
Tu vero Ingenue Lector Fruere Labo-
re meo quem tibi ex animo dedico, &
bene piis Butleri Manibus precare. Nil
ultra te retineo. Vale.*

INDI-



INDICVLVS,

In omnia Capita Itinerarij huius.

CAP. I. Ingressus in Historiam, & series primorum è Germanis Imperatorum.

CAP. II. Vbi compendiosè agitur de bello Gustavi Adolphi Suecorum, Gothorum ac Vandalorum Regis, contra Cæsarem.

CAP. III. De progressu Gustavi Adolphi Suecorum Regis in Imperium.

CAP. IV. De Nostro ex Ibernîâ per Britanniam, in Germaniam Itinere.

CAP. V. De Itinere meo Gedaniâ versus.

CAP. VI. Rationem Itineris nostri ex Poloniâ in Germaniam ostendit.

CAP. VII. Commigratio mea ad Butlerum.

CAP. VIII. Butleri ante obitum Heroica facta, & egregia erga Cæsarem fides, maxime verò quæ Francofurti ad Oderâ contigere.

CAP. IX. De Successibus Alberti Wallenstein Ducis Fridlandiæ.

CAP. X. De Amplitudine & Pompâ Fridlandiæ ducis.

CAP. XI. De morte Wallensteinij, re-

INDICVLVS.

liq̃uorumq; Proditorũ Tertzky, Ilo, Kynsky & Nieman tribuni Equitum.

CAP. XII. De Elogijs Wallensteinio à morte varijs in Locis pro cuiusque affectu positis.

CAP. XIII. Pacta quædam inter Fridlandiæ Ducem & Principes cum eo paciscentes, Ducem scilicet Saxoniz & Marchionem Brandenburgensem Electores, vtro citroque missa & proposita.

CAP. XIV. Copia Literarum quibus Fridlando Fidem suam obligant peditum Equitumque præfecti Pilsæ 12. Ianuarij Anno 1634. Et Cæsareum Mandatum de remotione eiusdem Fridlandi ab Imperio militari.

CAP. XV. Ostendit commorationem meam cum D. Colonello Waltero Deveroux. Item Augustanæ vrbis expugnationem.

CAP. XVI. De bello Ducis Lotharingiæ contra Gallos.

CAP. XVII. De Progressu Ducis Lotharingiæ contra Gallum.

CAP. XVIII. De Initijs & causis belli à Lotharingiæ Duce contra Gallum suscepti.

CAP. XIX. De Progressibus nostrorum contra Gallos.

CAP. XX. De vltiore progressu nostro contra Gallos,

CAP. XXI.

INDICVLVS.

CAP. XXI. De vltioribus contra Gallos progressionibus.

CAP. XXII. De successibus nostris in Hassiâ & alijs partibus inferioris Germaniæ.

CAP. XXIII. De progressu nostro contra Bannier.

CAP. XXIV. De vltioribus progressibus contra Suecos.

CAP. XXV. De progressu nostro contra Suecos in Pomeraniâ.

CAP. XXVI. De miseriâ Pomeranicâ.

CAP. XXVII. De Pomeraniâ.

CAP. XXVIII. Quid in hybernis sub initium Anni 1638. actum sit.

CAP. XXIX. De progressu nostro aduersus Suecos.

CAP. XXX. Describit iter nostrum in Comitatum Schaumburgensem.


CAP. XXXI. De origine & causis belli Germanici, rebusque alijs in Imperio gestis.

CAP. XXXII. De Rebus bellicis gestis hoc anno in Imperio, & de nostro successu cōtra Carolum Ludovicum Principē Palatinum.

CAP. XXXIII. De deditioe Brisacensi alijsque quibusdam rebus in Imperio exactis.

CAP. XXXIV. Quid in Hybernis Anno 1639. actum, & de Iudaicis quibusdam Ceremonijs.

Censu-




Censura & Approbatio.

EGo infra scriptus auctoritate mihi à Reverendissimo Domino summae sedis Nuncio Apostolico consignatâ & Imperiali diplomate confirmatâ, testor me hunc Librum inscriptum Itinerarium Reverendi Domini Thomae Carve Tripperariensis legisse nec quidquam Religioni orthodoxa aut bonis moribus adversans reperisse, imo multa bona documenta, verasque ab oculato teste scriptas Historias invenisse; Quare eadem auctoritate ubique locorum eundem Librum Typis vulgari & ab omnibus Historia & veritatis amantibus legi posse existimo & permitto. Franc. prid. Cal. May. Anno Christi M. D C. XXXIX.

ALOYSIVS MAR:
L. C. A.

C A P V T.



CAPVT I.

*Ingressus in historiam, & series primorum
è Germanis Imperatorum.*

A Primo mundi exordio, omnis
terræ ambitus, hodie tot bel-
lorum mortisque cladibus
exercitus, in quatuor partes distermi-
natus est; In Asiam à filiâ Oceani &
Thesbidis sic dictam (quamvis alij Fi-
liam Manæ Lydorum Regi proгна-
tam volunt) quæ ab Europâ Oceano
Maiorico, & parte Mediterranei maris
separatur: ab Africâ verò Nilo fluvio
seu mari rubro discernitur; occupat in
longitudinem quinque millia ducenta
milliaria, in latitudinem quatuor mil-
lia quingenta sexaginta. In Africam;
quæ in Longum quadringentis centum
quingenta quinque, in Latum mille
nongentis viginti milliariibus proten-
ditur. In Americam, ab Americo vespu-
tio pri-

tio primo eius Inventore sic appellatam, cuius Longitudo & Latitudo omnibus orbis partibus maior, nec hodie quidem tanta quanta innotuit. Et Europam denique ab Agenoris Phœnicis filia sic vocitatam, à Tauro viro militari inuentam olim, probabilis Historiæ fert fides, determinatur hæc ab Asiâ & Africâ mari mediterraneo; in Longum duobus millibus octingentis, in Latum mille ducentis milliaribus protenditur. De hac nobis sermo potissimus suscipitur, quam multis viarum molestijs fracti bonam partem emensi sumus, Sectantes militiam, pro Libertate Germaniæ & Cæsare: viro in paucis prudente & strenuo fortunas, vitam & sanguinem paciscentes.

Dictam porro Europam à cascâ gentilitate Imperatorum sceptris moderatam, non nisi vetustatis ignari nesciunt; Quomodo vero vicissitudine rerû hæc potestas à gentilitate ad Christianos Reges ac Principes translata sit, historijs prolixio-

prolixioribus exequendum relinquo. Ego ab Henrico Aucupe primo ex Germanis Imperatore duco initia, continuam seriem vsque ad modernum Imperatorem Ferdinandum eius nominis III. Semper Augustum protrahens. Erat hic Henricus ex Serenissimâ Ducum Saxoniae domo, adiitque Imperium Anno per Christum restauratae Salutis Nongentesimo Vigesimo; cui successit Otto Magnus Aucupis Filius imperavitque ab Anno Christi Nongentesimo Tricesimo Tertio. Fundavit hic Otto seu complevit potius iam ante à pio Parente suo ceptas Ecclesias Brandenburgensem & Mörsburgensem, erexitq; ipse insuper à fundamentis non degener oprimi Patris soboles Havelburgensem, Misnensem & Magdeburgensem. Hic ipsus quoque Ludovicum Gallorum Regem à suis subditis iniquissimè regno pulsum, in eius solium restituit; verusque Augustus Burgundia & Belgio Imperium auxit. Anno
post

post natum Christum Nongentesimo
quadragesimo sexto hoc Imperatore è
vivi sublatò moles Imperij ad Otto-
nem II. devoluta est, qui tenuit sce-
ptrum vsque ad annum Christianum
nongentesimum septuagesimum quar-
tum, sibi que successorem reliquit Fi-
lium Ottonem III. qui ius eligendi
Romani Imperatoris penes Germanos
esse voluit. Anno millesimo secundo
Imperium gubernare cepit Henricus
II. & post hunc Conradus II. Romæ
est coronatus Anno millesimo vicesi-
mo septimo, qui Arelatense regnum
mortuo Rudolpho eius Rege, & pulso
Ottone sororis eius filio Germano Im-
perio adiecit Anno reparati per Chri-
stum orbis millesimo trigesimo secun-
do. Dein Cathedralem Spirensium Ec-
clesiam condidit atque fundavit, in
qua cum coniuge, Filio, Nepote, ac
Pronepote Henrico III. IV. & V. eius
nominis Imperatoribus humari voluit,
quorum monumenta etiam nunc illic
spectan-

ſpectantur. Henricus autem III. Anno milleſimo quadrageſimo imperavit. Henricus IV. Anno milleſimo octogeſimo primo. Henricus V. milleſimo centeſimo ſeptimo. Hos ſecutus eſt Lotharius II. Anno inſtauratae ſalutis milleſimo ceteſimo vicesimo ſexto, & poſteum Conradus II. ſub Annum Chriſti milleſimum centeſimum triceſimum nonum. Hinc ad Fridericum Barbaroſſam Imperij gubernacula deducta ſunt Anno milleſimo centeſimo quinquageſimo ſecundo, quem ætatis ſuæ anno trigeſimo octavo. Adrianus IV. coronavit octavo decimo Iunij Anno milleſimo centeſimo quinquageſimo quinto. Succeſſio dein ad Barbaroſſæ filium Henricum VI. tranſijt Anno milleſimo centeſimo nonageſimo. Ab huius morte ſceptrum accepit Anno milleſimo ducenteſimo octavo Otto IV. Quo imperante concilium Lateranenſe ſub Innocentio III. Pontifice Maximo Romæ eſt celebratum Anno

millesimo ducentesimo decimo quinto, cuius decreta passim iuri Canonico inserta extant. Post hunc Romæ coronatus est Fridericus II. Anno millesimo ducentesimo vigesimo. Friderico mortuo Rudolphus Habsburgi Comes maior animo quam fortunis, cum varij Principes Imperium oblatum renuissent, Sceptum Cæsareum non sine omine suscepit Anno millesimo ducentesimo septuagesimo tertio. Ab huius obitu Nassoviæ Comes Adolphus Imperio Leges tulit Anno millesimo ducentesimo nonagesimo secundo. In cuius demortui locum substitutus est Albertus Austrius Rudolphi Filius Anno millesimo ducentesimo nongesimo octavo. Post eum floruit Anno millesimo trecentesimo septimo Henricus VII. cui Successor designatus Anno millesimo trecentesimo decimo quarto Ludovicus IV. Quem pone secutus Anno millesimo trecentesimo quadregesimo sexto Carolus IV. Carolum extrusit Wen-

fit Wenceslaus Filius Anno millesimo trecentesimo septuagesimo nono. Sedem Imperij de hinc occuparunt Rupertus Comes Palatinus Anno 1490. qui Heidelbergensem Basilicam Honori S. Spiritus erexit in qua etiam & sibi & coniugi tumulum statui imperavit; Sigismundus Caroli I V. filius Anno millesimo quadringentesimo undecimo; Albertus II. Anno millesimo quadringentesimo tricesimo octavo; Fridericus III. Anno millesimo quadringentesimo quadragesimo. His adnumeratus est Anno millesimo quadringentesimo nonagesimo quarto Maximilianus I. Archidux Austriæ Filius Friderici III. Hic genuit Philippum Burgundionum Ducem & Hispaniæ Regem Parentem Caroli V. Qui Carolus orphanus relictus à patris obitu ad Imperij Gubernacula evocatus est, Adjit Imperium Anno millesimo quingentesimo decimo nono, tenuitque triginta novem annis multaq;

egregia facinora imperio digna perpetravit: laboribus denique fractus cum se imperio abdicare statuisset, Philippum Filium Regem Hispaniarum renunciavit, in Ferdinandum vero fratrem Imperium Romanum transferri fecit. Colonia Agripinæ die quinto Ianuarij. Ferdinando postmodum successit Maximilianus II. Ferdinandi Filius Anno millesimo quingentesimo sexagesimo quarto. Fuit Maximilianus Parens sex nobilissimorum filiorum, quorū quilibet imperare merebatur si fata ita voluissent, scil. Rudolphi, Matthiæ, Ernesti, Maximiliani, Wenceslai, & Alberti. In eius locū erectus est Rudolphus, deinde Matthias. Post Matthiæ mortē Ferdinandus II. An. millesimo sexcētesimo decimo septimo Francofurti Electus est; Quo imperante immane hoc belli incendium in Imperio exarsit; cuius ad decennium prope spectator fui, ideoque posteritati quæ vidi, certis monumentis relinquere volui.

Ferdinan-

Ferdinandus cum videret se paulatim virtute in tantis calamitatibus destitui, coacto Ratisponæ concilio Electorali petijt Regem Romanorum creari, qui sibi paulatim deficienti sine turbis à morte succederet in Imperio. Electus est vnanimi septem viroꝝ consensu Anno 1637. Ferdinandus III. qui optime de Imperio merito Parenti substitutus est, cum is paulo post Viennæ vitam felicissimè pacatissimèq; posuisset. Plura non adijcio nisi quod Imperij habentæ semper DEI nutu singulari talibus concessæ sint, qui vel maxime eas renuebant: vnde ego nostri temporis iniquissimam conditionem incusans detestor, cum varios principes ambitioso ductos fastu ad potentiaꝝ imperialis fastigium, nil pensi ducentes iurene an iniurià id fiat, sine DEO sine conscientia eniti video. Quam vero id periculosum sit, nostra docebit narratio recentibus omnino casibus facta. Tu amice Lector alieno periculo sape.

sciasque me non nisi visa loqui, quippe qui multis tragædijs vel actor vel spectator non otiosus interfui.

CAPVT II.

Vbi compendiosè agitur de bello Gustavi Adolphi Suecorum, Gothorum ac VVandalorum Regis contra Cæsarem.

GLadius Aquilonaris me iterum ac tertium Iberniam excivit sub annum Christi supra sequimillesimum trigessimum: Quo eodem tempore Gustavus Adolphus Suecorum, Gothorum ac Wandalorum Rex varijs Regis Galliae Legationibus Principum ac Ducum Germaniae pollicitationibus evocatus, magno cum exercitu, nec minoribus animis in Cæsarem movit, magnisque passibus quam mari tam terra circa S. Ioannis Baptistæ natalitia Stockholmio Stralsundam perrexit; quam leviter petens patentibus portis bonam civitatis veniam ingressus est. Substitit illic parum-

parumper quoad propugnaculis, vallis, fossisque, partim instauratis partim de novo erectis urbem quàm optimè munivit: inde postea ad alias civitates tendit, quas facile in potestatem redegit, cum Cæsareani in fugam versi hosti nil quidquam obluſtarentur. Vices Generalis inter Imperatorios tunc forte gerebat Excellentissimus Dominus Tuccatocont, quicum exercitu Pomeraniam insidebat, Gartziumque ad Oderam in arctissimo aditu situm occupabat; Hic cum militum animos in hostem magis quam Cæsarem propensos, panicoque Gustavi metuante cladem excordes animadverteret, desertâ urbe quantumvis munitâ mox se militiâ & dignitate abdicavit. In eius locum cum potestate subvectus est Perillustris Dominus Comes de Schaumburg animosus magis quàm fortunatus miles. Hic cum se à Suecorum exercitu peti videret viribusque haud parem agnosceret Francofurtum ad Oderam cita-

tis itineribus perrexit, illudque somni armorum genere cæteroque apparatu bëllico quò facilius hostem sustineret, munivit. Est Francofurtum non minus Pallade quàm Marte inclyta, ad decorem & amœnitatem loco iucundissimo exstructa, hortis, pomerijs, vinetisq; dives, potestati Serenissimi Principis Marchionis de Brandenburg subdita. Huc opportunissimè advolavit Illustrissimus Dominus Iacobus Butlerus una cum Vicetribuno suo Waltero Butler Legionem insignem quindenorum manipulorum in Polonia proprijs impensis collectum adducens, Walensteinius quidem ipsi omnique militi ipsius integram solutionem pactus fuerat, sed præter verba, postquam Imperatori fidelissimè adstitissent à Walensteinio morte prævento (ut suo Loco dicitur) pro Labore & impensis recepere nihil.

Interea Ratisponâ ex comitijs optimatum Imperij Excellentissimus Dominus

minus

minus Comes de Tyllſy expeditur, qui
vtrique exercitui, Cæſaris nimirum &
Principum in Germaniâ Conſœdera-
torum, (Ligæ vocabant) cum aucto-
ritate præſſet; Qui nihil cunctatus v-
niverſalem militum delectum, non
procul Francofurto indixit, cumque
militiæ robur vidiffet, ſine morâ hoſtē
varijs locis non ſine adverſariorum cla-
de audacter aggreditur, tum Roſto-
ckio, NovoBrandenburgo, alijsque
ad mare ſitis civitatibus in fidem acce-
ptis ad Magdeburgenſem obſidionem
exercitum applicuit. Erat Magdebur-
gum civitas æquē populo quàm fortu-
nis & facultatibus nobilis, ſitu & mu-
nitione celebris, quippē quæ denſiſſi-
mo muro, duplicibus ſoſſis, aggeri-
busq; contra cuiuſvis hoſtis impetum
circumcincta; Inexpugnabilis merito
dici poterat virgo, niſi à virgine expu-
gnari voluiſſet. Hanc ergo cum ali-
quanto tempore obſediſſet Tyllius,
multo quidem ſed non vano labore,

armatâ manu, in Imperatoris cui multa cum pervicacia diu restiterat redegit potestatem. Quis mihi hoc loco referat tam potentis ac validæ vrbis excidium? Magdeburgum quod olim fuerat vniversi orbis spectaculum, nunc miseriarum calamitatumque omnium mœstissimum visitur amphitheatrum. Ecce quomodo sedet sola civitas plena olim populo, facta est velut vidua Domina gentium Princeps populorum facta est sub tributo: Plorans ploravit in nocte & lacrymæ eius in maxillis eius, non est qui consoletur eam ex omnibus charis eius: omnes amici eius spreverunt eam, & facti sunt ei inimici. Quot putas (dic sodes) hac vnâ expugnatione fortissimi nuptarum innuptarumq; fœminarum animi militum insano furore expugnati cesserunt libidini? Quot foci quantumvis luculenti vnico hoc rogo sunt consopiti? Quantæ opes scelerata Vulcani audacia direptæ in favillâs & fumum exspiravêre? sed & imbelles mu-

les mulierum mentes cæteroqui ad omnem metum pronæ masculos induerunt animos, subiectoque pirio pulvere ædibus, ad motoque igne in aëra gloriosâ morte evolare maluere, quam prædantium militem iniquissimis votis cedere? Hoc sincere & sine fraude orbitestatum constanter facio plures hac obsidione & expugnatione propria manu, quam militum macheris machinisque bellicis occubuisse. Sic scilicet erat in fatis ut qui legitimo imperio ad nullius Principis nutum adduci poterant, suomet iussu in perniciem quam sibi struxerant, ruerent. Quis credat auctoratos vrbi milites sibi crudeles hoc in excidio extitisse, qui licet à nostris Ducibus sine negotio in fidem & tutelam recipi possent, omnem tamen clementiam excluderunt, cum se velut murum in fori medio opponerent, eligentes patrio busto implicari potius quam incolumitatem cum hoste pacisci? vnde miles Cæsareus in iustissimas

atissimas iras effervescens, obvia quævis sternere, ædes opulentissimas diripere, susq; deq; sacra profanis confundere, omnem petulantiam & crudelitatem exercere, nobiles pariter & ignobiles, aris simul & areis dicatos in vincula trahere. Ipsum etiam cleri caput Archiepiscopum captum Cæsari ceu hostem plectendum committere.

Finita tam funesta Tragœdia, Illustrissimus Tyllius aliquantisper illi substitit, vix ipse suis oculis credens, tam nobilem urbem, nulli illuc vsque hosti subditam à se suisque in potestatem Imperatoris esse reductam.

Postquam verò tot funeribus pie parentasset, victoriarumque Auctori DEO debitas laudes dixisset, in Saxoniam commigravit, ut fidem Ducis Saxonie probaret: quem ut in Cæsaria iussa nutare animadvertit, hinc inde levibus velirationibus aggressus, ad fraudes & dissimulationes adegit. Simulabat enim mirari se cur velut hostis
impe-

impeteretur à Cæsareano milite, cum in Cæsarem nullū, vnquā militem eduxisset, cum verò militem quem penes se haberet, non in Imperij Imperatorisq; excidium, sed ad sui suorumq; in columitatem conservandam conscriptum esse: Qua quidem in sententia perstitit quod Suecorum Rex intercepto ad Oderam Francofurto in subsidium appropinquaret. Hic Tyllius demum intelligens quā vanis illuc vsq; spebus latus esset, ad Lipsiam exercitum admovit, urbemque (citra arcem tamen) subegit. Interea Saxo coniunctis cum Sueco armis, quod diu tectum sub pectore foverat odium, vno impetu in Cæsarem & Cæsareanos evomuit, instructaq; acie, in larissima circa Lipsiam planitie adversarios in prælium invitavit. Quid hic faceret masculus Tyllij miles, pugnam detrectare tot victorijs clarus sine famæ iniuria non poterat, decerrare cum duplici hoste ne cordatissimi quidem Herculis esse probe videbat,

debat, opponere tamen signa sua hostilibus maluit quam metum prodere, coactis igitur in cumulum agminibus fidenter hostem aggreditur. Fit prælium præludent maiora utrimque tormenta bellica. Cæsariani dum forte pluribus victorijs contra Daniæ Regem, Comitem Palatinum & Mansfeldium aliosq; Imperij hostes se plus efferunt quam parerat, victorias alias partas fœdissima strage miserandum in modum commacularunt. Discite milites aliena clade docti, nusquam hostem quantumvis imbellem esse aspernandum, induit nonnunquam trepidans etiam damula audaciam & in adversarios insultum parat, ut si qua ipsa vitæ discrimen evadere nequeat, in eandem saltem perniciem simul hostem impellat. Ac licet prima pugnae auspicia Imperatorijs copijs favissent hostisq; gravi strage accepta cederet, ubi tamen vidit se temerè contemptum, militemque Cæsareum partim prædæ patim quieti intentum, revocat

revocat in prælium animos, nostrosq; in cautiore, nec tale quid cogitantes opprimit fœdèque fundit. Hic dum animosus Cæsarianorū Ductor Tyllius in prima acie obequitat, suosq; in hostem qua verbo qua factò animat globulo plumbeo graviter sauciatur, vidensq; hostilia prævalere arma, honestam fugam vltiori militum cladi præposuit, relictisq; post se tormentis impedimentisq; omnibus in tutiora se loca transtulit. Contigit hæc in opina clades aliàs semper Victori hostium Tyllio Anno partæ salutis supra sesquimillesimum centesimo tricesimo primo, mensis Augusti die sexto decimo.

Hac victoria vterque hostis erectior agmina bipartito dividit. Et Gustavus quidem suum militem per Misniam in Franconiam ac postea in Archiepiscopatum Moguntinensem duxit, vbi veluti desperatis omnibus Principes fugam arripuere, relictà opima hosti præda, quam amico ante militè in stipendia

dia negaverant, simulq; munitiones vrbesq; fortissimas, solo auro argentoq; instructas sine milite fœdissimè destituere. Dux vero Saxoniz cum suo exercitu in Bohemiam movens bonam eius partem cum nobilissimis vrbibus & arcibus Brixa, Egra, Elenbogen, Brandusio, ipsoq; Bohemiz capite Praga victoriosis armis suis subiecit. Fuit hoc tantorum in Germania calamitatum primum exordium, quod ex sola armorum præcipitatione natum in sævissimas miserias excrevit. Si enim Cæsariani sustentare voluissent prælium, quoad Comes de Tieffenbach & Generalis Aldringer vterq; cum suis copijs accessisset, illuc res Imperij nunquam descendissent. Sed ita erat in Fatis.

Hæc dum ad Lipsiam aguntur Tieffenbach Silesiâ excedit per Lusatiam, & cum tribus millibus selectorum militum occupat Gôrlitz, Sittau, & Bautzen civitates Saxoni duci subiectas, fecissetq; vltiores progressus, nisi insperata Tyllij

Tyllij clade perculsus viam in Bohemiam relegere fuisset coactus. Itaque cum copijs suis Equo-pedestribus Lymburgensem ciuitatem ingreditur. Est Lymburgum vrbs omnino venustissima, duplici muro cincta, quam circumquaq; Albis allabitur. Huc Saxonice copiae decem millia militum magnis passibus contendunt, citerioremq; Albis ripam insident, eo loco quo ponte ligneo fluuius insternitur. Quoniam vero Saxonicum exercitum à Cæsariano flumen diuidebat, Comes de Tieffenbach aditum pontis occupandum ratus, quo Saxo ne in vltiorem ripam suos exponeret: Mittit igitur cum legione Hybernorum Dominum Iacobum Butlerum, qui tumultuario opere propugnacula turriculasq; humiliores excitat. Quod dum vidēt hostes quam mox magnis aggrediuntur animis dictam legionem, sed haud minoribus repelluntur. Erexerat Iacobus in primo huius pontis aditu propugnaculum,
D paruum

parvum id quidem, sed egregiè omni bellica arte munitum, in quod subsidarios abdiderat plusculos, quos vetuit sub pœna capitis ante exonerare fistulas tormentarias, quam hostis omnis in dictum propugnaculū enixus esset: Huc dum Saxones multo cum ardore concurrunt, nil tale metuentes semel iterumq; maxima cum clade repelluntur. Quia tamen impetus aduersariæ partis invalescebat, coacti sunt Butleriani deserta statione pontem transire, quem post se partim demoliti sunt partim igne iniecto exusserunt. Hinc hostis ultimum capiendæ vrbs medium ignitos globos in ciuitatem eiaculatus est, eo successu, vt vrbs varijs in partibus accensa bonam partem conflagrarit. Nec tamen vel sic in deditiōem cogere potuit, soluta itaq; obsidione multa suorum clade aliò commigravit.

Butlerus autem post multa in seruitio Cæsaris obsequia præstita, maleuolorum retulit odium, (nec mirum cum
virtus

virtus semper æmulos pariat) quibus tamen ut se liberaret, deposuit militiam Germanicā & in Poloniam postl. minio reversus est, virtutemque suam contra Moscovitas (qui tum Polonos bellis laceſcebant) exeruit.

Hoc eodem tempore Albertus de Wallenstein Generalissimi titulum adeptus est ut suo loco pluribus exponetur.

CAPUT III.

*De Progressu Gustavi Adolphi Suecorum
Regis in Imperium.*

PARTA ad Lipsiam nobili victoria fuisseq; Cæsarianis copijs, in vltiorem Germaniam promouit Gustavus Adolphus Suecorum Rex; Transitoq; Würceburgi Mœno Francofordiam aggressus, nec magna opera in deditio- nem accepit. Dein Moguntiam excur- rens intra pauculos dies, Præsidij re- rumque omnium ad diuturnum obſi-
dionem

dionem sustinendum necessarium defectu, sibi subiecit, sicut & alias quasdam ciuitates quas liberas seu Imperiales vocitant. Vnde facilis ei per Ducatum Wirtenbergensem in Sueviam patuit aditus. Mox Donavverdæ Danubium ponte nauali strauit. Est Danubius Fluviorum totius fere Germaniæ Princeps, & præter aliorum fluminum ordinem contrario fluxu ex Occidente in Orientem labitur; Ducens scaturiginem primam ex Arnoba monte in Hercinia Sylua prope pagum Done singito, allabiturq; nobilissimas Baviariæ & Austriæ ciuitates, sibi semper cognominis, quoad se exonerans in Illicum nomen mutat Isterque dicitur. Hunc dum Suecus traicere cum milite sibi subdito omnibus viribus connititur, ex aduersâ pontis parte oppositas Tyllij phalanges fortiter traiectum ipsius viginti quatuor horis prohibētis animaduertit, quoad tandem pilis plumbeis vltro citroque emissis fortissimum legionum

num Cæsarianorum Ductorem Tyl-
lium lethali vulnere strauit, ex quo non
multo post Ingelstadium delatus ani-
mam Deo reddidit, atq; æternā post se
memoriam tot hostium victor apud se-
ram posteritatem reliquit. Sublato
campi ductore, facile est vel coniecturā
assequi, quanta celeritate se eius exerci-
tus in tutiora loca receperit, quem non
seguiter insecutus hostis, totam late Ba-
variam infestauit, iniectoque igne pa-
gos, oppida ac vrbes exurendo; sacras
Deo diuisq; ædes, monasteria virorum,
fœminarumq; Parthenones depopu-
lando, Sacerdotes & Religiosos mise-
rum in modum mactando, Deo deuo-
tas virgines sacrilege incestando, tan-
dem Ingolstadio omnē exercitum suum
admouit; qui tunc munitioni illi cum
potestate præerant, haud multum ab
hoste discedebant, cui etiam eam tra-
didissent omni bellici apparatus muni-
tionisque genere instructissimam, nisi
tempore fraus fidelioribus quibusdam

Ducibus detecta fuisset; coniecti sunt in vincula proditores, ex quibus quidam Brussia Comes de Farenbach qui cum Suecis colluserat. Latebat tunc hostem de dolis detectis, cum vrbi ipse approximat, portasque consulto patentes ingreditur, sed mox à disposito Cæsariano milite quinque vel sex milia capitum nil tale opinantium sternuntur. Sed & ipse Gustavus Adolphus Suecorum Rex capitis periculum adiit, dum enim propior urbem mœnia specularatur, Globus ex vrbe libratus in caput Equi qui Regem vehibat impingitur. Quo quidem periculo percussus solvissè obsidionem quantocyus putatur.

Hoceodem Anno M. DC. XXXII. Generalissimus Cæsarianarum copiarum, numerosissimum militem in campum eduxit, ciuitatemque Pragensè Imperio reddidit, idq; triduo ante Pentecostes; pulsus dein tota Bohemia hostilibus copijs, in superiorem Palatinatum.

tum commigrauit, vbi se Fridlando cō-
iunxit Serenissimus Bavariz Dux Maxi-
milianus cum selectissimo exercitu.
Habebat Wallensteinus in comitatu
Esseda duo, quæ adeo vniformibus tra-
hebantur equis, vt ne minima pilo-
rum labe à se mutuo distinguerentur:
Equi potissimam partem candidi erant,
nisi quod candorem nigræ hinc inde
maculæ venustissimè confundebant.
Horum alterum ipse Dux insidens Bo-
iariæ Principi vna cum cohorte cata-
phractorum, centuria Equitum sele-
ctorum, & turma Equopedestrium,
quos Dragones vocant, & agmine Sa-
tellitij obuiam processit, consiliaque de
modo obsistendi hosti contulit. Tum
contra Suecosiam suis viribus diffisos,
& ad montem Noricum abscedere co-
gitantes castra mouerunt, vbi conti-
nuis velitationibus sese lacesiuerunt
quæ vtriq; parti multo sanguine stete-
runt. Hic cum Nobilissimi tres exerci-
tus ob annonæ difficultates diu subsi-

stere non possent, Sueci, ut se periculis eximerent, omnia ad conflictum dolose disposuerunt ne fuga, quam in proximam vesperam meditabantur adversariis innotesceret. Totum dein diem, alij atq; alijs contra Cæsarianos emissis velut præludia pugnae dedit, eaq; in noctem suae fugae idoneam produxit: Sub noctem vero intempestam Norimbergam per densam sylvam clam ad Saxones movit. Postero diluculo ut nostri se lupos animadvertere sine mora ad hostem prosequendum signa tollunt, ac Lipsiam versus abscedunt, quo ut ventum est Wallenstein praelium Gustavo obtulit, ratus satius esse de summa rei configere, quam tot terras ad mendicitatem cogere, totq; millia hominum fame sitiq; conficere. Consensit quidem hostis in conflictum, sed cum Cæsaris militem sibi superiorē probe nosset, noctu iterum sub silentio signa ad quinque milliaria isthinc protulit. Qua fraude Wallenstein animosior, exercitum

citum suum tripartito diuisit, cuius partem vnā Pappenheimio, alteram Holckio tradidit ducendam, tertiam denique secum retinuit, de hoc vi per exploratores certior, redditus est Gustavus, contra Wallensteinium iuit: de Regis contra se aduentu Wallenstein ex rustico doctus, totam noctem cum exercitu ad conflictum ordinato vigilem exegit, simulq; euestigio Pappenheimium in succursum adesse iussit, qui nil cunctatus adfuit prælio iam cepto, nec mora cum equitatu hostem & ipse Pappenheim aggreditur tanto impetu, vt præter cladem aduersarijs illatam ipsum etiam Sueciæ Regem strauerit, qui quidem non inultus cadere voluit, quandoquidem & ipse Pappenheim eodem prælio fusus occisusque est. Ita vno eodemque prælio duo fortissimorum ducum, quorum similes nescio an Germania toto retro bello tempore habuerit, fatis concesserunt. Regium cadaver Suecis Scotisq; quantumuis ob-

nitentibus Cæsarianis è prælij loco sublatum est: totoq; reliquo die fortissimè vtrimq; dimicatum ambiguo diu Marte, quoad deniq; Pappenheimij peditatus cum nocte accedens pro Cæsareanis litem diremit, integra agmina Suecorum vt in loco prælij steterant, fusa sunt, reliqui fugati. In tenebris itaque discessum est vtrinque, relictis tormentis maioribus ita ambigua victoria, vt neutra pars sciret victoræ an victæ esset.

Ego circa hæc tempora per Poloniam, Daniam, & Nortvvegiam in Iberniam contendi. Quo in itinere cum Poloniam transirem mirabile mihi portentum obtigit videndum. Erat crucifixi Christi simulacrum more Christiano & Catholico erectum non procul à pago Grudin in cuius caput Suecicus furor gladio seu vt alij securi sæuierat, ex quo vulnere etiam tum recentissimus scaturiebat sanguis, qui hodie etiamnum manare dicitur: Hoc, excita miraculo.

culo Iudæa mulier surda & muta plena spe optima contendit, integramque inde sanitatem retulit. Hoc ego ipse oculatus testis coram DEO verissimum adstruo.

C A P V T I V.

De nostro ex Ibernîa per Britanniam in Germaniam Itinere.

PLuseuli olim Ibernîæ Insulam varijs Commentarijs illustrarunt, vnde longiore hoc loco discursu haud opus, illuc curiosum Lectorem qui plura nosse desiderat remitto, hæc obiter nobis insinuasse sufficiant. Ibernîa olim ab Himeco seu Hiberno Galhelis & Scotæ (vnde Scotia nomen Sortita est) filijs. Dicta creditur, vel, quod vero similis, ab Ierna. Diuisa que Anno post Christum natum trecentesimo sexagesimo in quatuor partes seu Prouincias siue Ducatus, qui hodie quatuor Archiepiscopatus appellari videntur. Fidem ortho-

orthodoxam recepit Anno post parientem Virginē quadringentesimo trigesimo tertio. Hac in Insula visuntur quæ omnem prope fidem humanam excedunt, nisi etiam nunc hodie euidentissima extarent monumenta, quæ ipsemet coram oculis vsurpauit.

In Vltonia Insulæ huius parte lacus Niachensis est, in quem si palum figas ligneum (mirabile visu) ea parte quæ terræ inhæret in ferrum quantocyus abit, altera quæ aquis alluitur lapidescit, reliqua lignea manet vt antefuerat. Visitur non procul inde & alia Insula in Ducatu Momoniæ Comitatu Typerariensi, in qua nemo vnquam moritur, & licet illi c morborum vis homines affligat nunquam tamē ad mortem deducit quam diu inibi detinentur, vnde viuentium Insula vocitatur. Hanc etiam Insulam ego ipse vidi. Ibi dem spectare est & aliam Insulam, in qua mortuorum cadauera sub terra nec tabe nec alio quouis modo resolvuntur, vn-

tur, vnde post annos plurimos omnis retro posteritatis aui, proaui, maioresq; vniuersi clarissime distingui possunt. Non procul inde alia monstratur Insula vbi præteruolantes auiculæ, virtutem volatus perdant, adeo vt nisi alio efferantur alarū remigio vtinequeant; solent huius Insulæ viciniore accollæ quotannis hinc gregatim omnis generis auiculas scaphis ad externos deportare. Fontem quoque aiunt esse in Comitatu Cilkinensi, Ducatus Lageniæ prope territorium Domini Comerfort qui fluxum refluxumque intra viginti quatuor horas patitur. Portenta omnia excedit Purgatorium quod S. Patricij nuncupatur, estque antrum seu specus aquis seu lacu circumdatus in Prouincia Ultoniæ in quem peregrini ante sceleribus expiati, ac sacro epulo muniti ingrediuntur, illicq; viginti quatuor horis orationi & vigilijs incumbunt ac sæpe miserabiles eiulatus, ferarum etiam clamores audiuntur, videntur-
que

que multa quæ vix verbis explicari queant.

Est cæteroqui Ibernix Insula omni fructus genere fœta, & ab æeris temperamento saluberrima, omnibus venenosis animalibus etiam aliunde illatis mortifera. Incolæ ab liberalitate educationis & morum commendati; nisi quod bonorum suorum sint prodigi, & gloriæ appetentissimi, qui licet literis non ita exculti sunt, in fide tamen orthodoxa firmi & stabiles, exterorum & maxime virorum Ecclesiasticorum amantes, ex Anglorum commercio deducti sunt pristinam illam Barbariem, quam S. Bernardus Clarævallis Abbas in vita Malachix Ultoniensibus & Conacensibus exprobrat dicens, sicut piscis in mari non sapit salem, ita Malachias inter Barbaros (id est Ultonienses, inter quos Archiepiscopus Ecclesiam rexit) nullam Barbariem traxit. Est etiam hac in Insula multa varietas fontium, lacuum, fluviorum, montium quoque

quoque & camporum planissimorum. Conferuntur inibi horti, pomaria, viridaria; ciuitates quoq; nobiles ad omnē elegantiam exstructæ reperiuntur. Putabant ex antiquioribus quondam scriptoribus in Ibernîâ perdices non reperi, sed nec carpiones, cum tamen hodie ijs sit refertissima vt videre est in nobilissima Illustrissimi Comitis Richardi Boye Piscina vbi carpionum prope infinitus est numerus; non tamen abnuerim Carpiones ab Anglis primum in Iberniam esse illatos: reliqua huius terræ bona breuitatis memor non attingo, sed aliorum prolixioribus historijs exequenda relinquo. Nunc ad iter meum reuertor.

Dicto igitur vale Amicorum integerrimis Vatei formiam abij. Hæc Civitas à numerosà populi multitudine, quàm mœniorum ambitu, potius est commendanda, quæ vt in fide orthodoxa est feruens, ita virorum Doctrina & sanctitate conspicuorum ferax, neque
enim

enim orbis est Angulus in quam eius virtutis gloria non penetrarit. Hinc ad Passagium contendi ubi sex assium precio sat laute die integro viuitur, vnde conscensâ nauiculâ in Angliam solvi, & primo Mimertum, tum Bristonem amplam civitatem emporiumq; nobile attingi, mox præteruectus Mersildam, Redenam, Wengeriam Londinum civitatem à commercijs & famâ notissimâ veni, in qua præter celeberrima ædificia tam sacra quam prophana vidi templum honori S. Pauli erectum cui nescio an simile vsquam viderim, crassissimis enim columnis ad prodigium incubat, tectumque plumbi lamina stratum altissime exurgit. Instauratum est hoc templum Regis hodierni sumptibus. Cæterum ciuitas celebri fluvio alluitur in quem fluxus & refluxus est maris, vnde nauigiorum opulentissimis mercibus oneratorum plurima illuc ducitur copia. Imminet fluvio immani opere & sumptu pons lapideus, in quo

quo officinæ mercatoriæ visendâ serie erectæ sunt. Ostenditur quoque hac in vrbe turris vastissima quæ vndiq; aquis alluitur, circum quam feræ diicurrunt exterorum populorum rariores, & meo quidem tempore istic videre erat tres Leones, duos Pardos, felem Indicam quæ quantitate canem nostratē æquabat. Lupum insuper vnum extra quem tota Anglia nullum ferre dicitur. Duas præterea aquilas nigram vnum alteram candidam. Vidi quoque hac in vrbe Telonium nobile in quo mercatorum illuc appellantium causæ seu contro- uersæ ratione nauigationis exortæ deciduntur. Præsidet hic quatuoreque- stris ordinis viri non minus strenui quâ docti, quorum arbitrio omnia relin- quuntur definienda. Quisquis Londi- no solvere alio desiderat syngrapham horum Iudicum sigillo munitam ha- beat necesse est, quam inquisitoribus postea in Gravelin exhibeat. Solent hoc loco omnes aduenas seuerissime exami-

E

nare

nare de fidei controuersijs, & iuramento adigere quod Angliarum Regem caput Ecclesiæ Anglicanæ agnoscant. Sed facile est Catholico inuenire, pseudolum, qui Iuramento præstito syngrapham sibi vendat, qua tutus libere à portu soluit. Vidi quoq; antiqui operis Basilicam, Westmonasterium appellant, in qua Regum sepulturæ visuntur & epitaphia sumptu regio fabrefacta. Chorus interior Cathedram exhibet super quam Reges Diademate imposito inaugurantur. Supra eam ex vinculo ferreo dependet tabella cum hac Epigraphe.

Ni fallat fatum, Scoti quocunque locatum, &c. Quam Fergusius primus Scotiæ Rex ex Ibernia in Scotiam transfudit, hinc post modum in Angliam ablata est. Prope dictum chorum locus spectatur in quo Regum Icones ita ad vivum expressæ reseruantur vt prope spirare in mutâ tabula videantur. Regias ædes templo vicinas aulam candidam

dum nominant, ubi quor diebus magnificæ extruuntur epulæ, ad quas liberrime omnibus magnatibus tam exteris quam inquilinis accumbere integrum est. Hinc Gravesin nauigauit exhibitaq; syngrapha meâ mox ad aliam navim transij, cui cum contrarius esset ventus, non nisi post viginti quatuor dies Hamburgi appuli. Hamburgo postea Lubecam cursum navigationis direximus ciuitatem non minus elegantem quam ab omni munitionis genere contra hostiles impetus munitam marique Balthico iniectam, ubi continuas est abeuntium aduentantiumque nauigiorum vicissitudo.

CAPUT V.

De itinere meo Gedaniûm versus.

AD ripam maris Balthici dum commodum ulterius promouendi expecto opportunitatem, duæ facilè labuntur hebdomades antequam Gedani-

niam soluere possem. Conscensa tandem naui aduersis ventis & tempestatis vi variè iactatus sum, sed cum procedendi non esset modus, anchoræ haud citra periculum iactæ sunt. Tempestas enim sæua ipsis viginti quatuor horis nos dirum in modum ita exagitauit, vt Scaphæ à prætoria rescandæ fuerint. Mitius tamen in nos quam alios hæc procella detonnit, quæ quidem alibi naues plusculas fluctibus inuoluit. Hic igitur dum nos inter mortis vitæque spem dubiam subsistimus, maris Domitori fluctuumq; Induperatori supplices fimus qui pro infinità suamiseri- cordià mortis nos faucibus clementis- simè ereptos incolumes tandem in Gedanensem portum sæpe diuque desideratum Regique Poloniae subiectum exposuit.

Hac eadem tempestate ex Lipstadianis Danorum Regi subditis interiere hominum triginta millia, vna cum ciuitatis Lipstadianæ medietate, nec etiam
Hambur-

Hamburgensibus inſtitoribus pepercit, quibus immania damna intulit.

Gedanix diuerſi apud viros Religioſos, qui à S. Dominico primo eorum Fundatore nomen habent : inter hos reperi Patrem vnum Hiſpanum hominem in paucis manſuetum & humanum, qui mihi retulit, ſe quoq; à dicta tempeſtate cum Comite ſuo (erat is Hiſpaniarum Regis Legatus) etiam deprehenſum, vix aut ne vix quidem idque ope magnæ Matris Virginis Stellæ maris procellæ impetum euafiſſe. Hic enim cum alterius ſectæ viri religioſiores qui eadem naui vehebantur, ad ſolennem decantandi pſalmos ſuos conſuetudinem in vnum locum confluiſſent, Hiſpanos ad comprecationem venerationemq; Matris miſericordiæ adhortatus eſt, cuius benigno fauore omnino putabat nauem ſaluam in tutum euafiſſe. Eiebant tunc fortè hoc in Monasterio exequiæ, ſeu iuſta funebria Nobili cuidam Polono, Regi olim à cubiculis

(quibus ipse etiam Hispaniæ Legatus intererat) hoc ferè ritu. In medio chori Cœnotaphium (castrum doloris vocitant) erectum erat, quatuor innixum postibus, ac vndiq; instratum lugubri panno, ac vario Emblemate Natalitiorum insignium affabre illufum; circumstabant in argenteis candelabris tædæ mortuales, Lampadesque plurimæ dubium lumen affulgebant, ad aram pulchra instratam veste Achimandrita quidam vir imprimis grauis, qui cum ad Evangelij lectionem peruenisset, tantisper substitit dum pro concione Encomia seu laudes defuncti dicerentur. A cōcione, sacro-præfentes hanc ad oblationem (offertorium communiter dicunt) tenuere processionem. Mœsta imprimis vidua comitata duabus nobilibus fœminis, cum sua sobole & famulari comitatu primum ducebat agmen, singulæ nobilem quendam heroëm Ductorem ad latus habebant, vestiebantur omnes nigris, defluente ex capite in

te in totum corpus crassioris fili tela,
qua se ita inuoluebant, vt vix oris na-
riumque extremitates apparerent. Ad
altare vbi ventum est, aræ libarunt oscu-
lum, simulq; ex disco, quod Nobilis
quidam manu protendebat accepto
numismate. ante altare obtulerunt.
Hos eodem ritu sequebantur quot-
quot funebri pompæ intererant tam vi-
ri quam mulieres, Nobes seu ignobiles
dispari tamen è panno pro conditione
cuiusq; vestimento. Ventum erat ad sa-
cram Dominici corporis in Eucharistia
exhibitionem, cum ecce tantus in tem-
plo sese secundum genas & vultum ver-
berantium, in memoriam tristis alapæ,
à Christo olim in passione perpeßæ, o-
ratur fragor, vt prope in vñtato percul-
sus ritu extra me raperer. Sacro tandem
finito, vespillones nigris penitus obuo-
luti saccis defunctum ad sepulturam
detulere: absoluta sepultura in me-
dio Ecclesiæ omnibus ad funus Co-
mitibus solennes sunt actæ gratiæ,

E 4. atque

atque ita singuli domum dimissi redierunt.

CAPUT VI.

Rationem Itineris nostri ex Poloniâ in Germaniam ostendit.

Die vicesima nona Octobris Gedaniâ discessi, & Turroniam trium dierum spacio veni, illic in S. Dominici Conuentu diuertens à Reverendo Patre Valentino Foldin illius Familiæ Antistite perhumaniter sum acceptus & aliquot dierum spacio benignissimè habitus, inde Posnaniam iter institui, iterumq; in D. Dominici Monasterium hospitio sum receptus, atq; à R. P. Alberto Margonio plurimum humanitatis expertus sum. Degebant simul istic septuaginta Religiosi, qui vt votis, ita animis admodum erant cōcordes. Post sex dierum commorationem pactus sum cum aurigis Posnaniensibus, vt me in Comitatu suo Vratislaviam deducerent,

cerent, quod sanctè se facturos polliciti sunt, sed parum alba fide præstiterunt: vix enim Crotosinum oppidum in Silesiæ confinibus situm attigeramus, cum ipsi vino effervescente in saltationes & tripudia, præeunte tibicine, abierunt, & mox me nil minus cogitantem scommatibus diæterijsq; indecentibus impetiuere, cauillantes Literas quas à Posnaniensi Senatu in saluum conductum acceperam, non esse nisi supposititia Iesuitarum commenta, nec impostum valere. Quid hîc agerem in hostili terrâ expositus, & vndiq; Saxonici Suedicisq; copijs non procul inde absentibus circumcinctus, quibus me tradere aurigæ minitabantur? Suaviter quidem eâ nocte dissimulandum, & patiente silentio sales parum falsos perferendos esse ratus, omnia in sequens diluculum distuli. Postero igitur manè continuo accessi loci præfectum peramice postulans vt mihi consilio auxilioque succurreret. Hic meam sortem

miseratus, aurigas ad se accersitos, conuocat, & ut varias vltro citroq; accusationes excusationesq; audierat, fideiussorem ante discessum sibi constitui aurigis imperat, qui sponderet quo me indemnem Vratislaviam sine iniuriâ essent deducturi, quem vbi dederunt, sine mora discessum est. In viâ varia variorum fuit coniectura & suspicio, Sacerdotem me non Mercatorem quem simulabam esse, quod tamen Aurigæ constanter negabant. Interea appropinquamus portis Vratislaviensibus, vbi de conditione singulorum, & patriâ, causisque itineris singulis respondendum fuit, ad me ut venit quæstio, produxi literas salvi conductus mei, ex quibus ut cognoverunt, me mercaturam exercere, de mercium genere inquisivere, ego Haleces magno impêdiō illuc deduxisse aiebam, dum verò literæ nostræ ad Gubernatorem, deferuntur, deducimur ad forum ut currus nostros halecibus exoneraremus, volebam hic aurigis

gis meis valefacere, cum ecce tibi novā mihi de vecturæ precio litem intentant, triplicatam à me exigentes mercedem, quam nisi penderem, proditionem minitabantur. Factam id reor ideo, quia cū in singula capita introeuntia & exeuntia portas Vratislavienses Grossus exigeretur vt stipendia militi commodius solvi possent, in immensum ascendebat vecturarum telonium. Itaq; cum non omnino à me exigi iniquum viderem, satis dedi omnibus & bona cum pace abiit ad Patres Dominicanos quorum tres istic vitam ægrè trahebant, ob alimonix paucitatem, cuius defectu quinque iam ex eorum contubernio socij fame obierant. Civitas porro Vratislaviensis munitissima est, quam circumlabitur Odera. In ea tunc præsidium aiebatur Saxonicum, in quo locum tenens Colonell. Catholica profitebatur sacra, cuius auxilio cum Tympanista Olam quatuor milliaribus Vratislavia distantem deductus sum. Erant Olæ præfidiarij

fidarij Cæsarei, quorum Colonellus Dominus Georgius Rostock Cæsari fidelissimus, ut de meo adventu audivit, Cymbâ per aquam transmitti fecit & ferâ nocte in urbem apertis portis admisit. Urbs hæc potissima ex parte incendio absumpta est, arcem habet munitissimam, quam ipse tribunus inde oriundus egregie munivit, & pro Cæsare contra Saxonæ Ducem illius loci Dominum pertinaciter tenuit multo tempore, obtrektoribus infidelitatis sibi notam impingentibus respondens, se Domino suo (Saxoni) fidelissimè servivisse, quamdiu pro Cæsare steterisset, quando verò ab eo defecisset, se contra ipsum non minore audacia facturum. Hinc ego, cum aliquot diebus quievisssem, cum salvo militum conductu Nyssam ad Perillustrem Dominum Ioannem Wanglerum Generalem vigiliarum præfectum Equitatus peditatusq; per Silesiam recto itinere discessi, à quo amicè tractatus, post denum dierum inter-

intervallum ad Filium eius eiusdem nominis missus sum. Hyemabat ille tunc forte in Bohemiæ finibus, eratq; miles quidem ætate vt apparebat iuvenis, sed prudentiâ, & rerum militarium non minus quam Linguarum peritiâ sane perquam egregius, pusillo quidem corpore, sed spiritu supra staturam erecto. Erat cum ipso Colonellus Equitum Olfeldt dictus, ex Daniâ oriundus, Cæsari plurimum addictus, & plurima laude dignissimus nisi liberalior Bacchus cui erat plus nimio addictus fidei eius labem aspersisset. Quam incolebant urbem ad decorem multumq; luxum erat erecta, nusquam putem maiorem vilitatem annonæ belli tempore me vidisse, quam hoc loci. Sed & rustici Bohemiæ totius tam dicebantur tunc Cæsari obsequentes & subditi, vt milites vltro citroq; comeantes pagis exciperent humaniter & lauté tractarent, imo abeuntibus ducatum ad tempus horæ vnius alteriusq; per expeditiora itinera præsta-

præstarent; Horum ego ipse ductu ad
Dominum Colonellum Guilielmum
Gall Ibernum perveni; atq; cum eo na-
talem Domini celebravi; inde postea
Pragam ad Dominum Colonellum Ia-
cobum Gordon deductus sum, Est Pra-
ga civitas Augusta & Bohemiæ totius
Metropolis, quadripartito divisa, in
parvam (vt vocant) partem, in Anti-
quam, Novam & Iudæorum civitatem.
Saluberrimo loco sita est, à Mòlda al-
luitur, quæ se non procul à Pragâ in Al-
bim exonerat. Monti vicino incubat
arx visendæ pulchritudinis, ex qua to-
tus vrbis ambitus qua latè patet cir-
cumspici commodè potest: Ex vna ar-
cis parte porticus spectatur lōga & am-
pla per quam Rēges ad templum vici-
nū commeare consueverunt, ex altera
pons ligneus per quem in hortum da-
tur transitus; in subiectis ponti foveis
ferarum visitur multitudo magno ocu-
lorum ludibrio. Vidi Pragæ locum in
quo S. Wenceslaus Bohemorum Rex
Draho-

Drahomiræ matris suæ fraudibus & cōsilijs pro iustitia & fide mortem optijt; sed & vestigia extant vbi mater vindictæ divinæ experta est iustissimam vltionē, quam terra dehiscens vivam cum anima simul & corpore abripuit. Hinc quarto Ianuarij die discessi vt sequens Caput ostendet.

C A P V T . V I I .

Commigratio mea ad Butlerum.

SOL medium cœli attigerat cum Praga exij, comitabar Polonum Nobilem, qui levandis viæ molestijs iumento me iuvit. Cum Ieclitum attigimus laurè quidem ab hospite sumus habiti, sed ob aquæ penuriam multum perpessi sumus, quoniam omnes fontes asperimo frigore congelaverant. Fertiliorem Bohemiam nunquam aliàs vidi, maxime post duplicem ab hoste & Cæsare direptionem, & indigenarum partim gladio partim huc dissipationem: omnis

omnis campus; qualatè oculus spectare poterat frumentis virebat. Est cæteroqui etiam Bohemia ligni ferax, aliterarum tam Sylvestrium quam domesticarum & piscium quoq; indicibilem quantitatem. Hinc bene pasti Egram perreximus, civitatem non quidem usque adeo vastam, sed abunde munitam. Prandium sumpsimus apud Vice-Colonellum eo in cōclavi in quo postea Wallensteinicæ prodicionis complices meritis proditoribus pœnas miseranda morte luerunt; de quo suo loco. Inde Cronacum deductus sum. Est vero Cronach munitio ad Episcopum Bambergensem spectans, non tam situ loci, quam animosa Incolarum fortitudine munita, qui iterum ac sæpius obsessi, à præcipuis Suedicæ militiæ Ducibus, expugnari nunquam nec minis nec pollicitationibus potuere, quantumvis ipse Dux Wîmarius (quantus miles quis non novit?) alijque Duces optimi eam potentibus armis infestarent.

erent. Gerunt istic pro Pallijs mulieres lineam penulam candidam vario Limbo illustratam, qua circum humerum vtrumq; amictæ solennioribus Paschæ, Pentecostes, Natalis Domini diebus sacro epulo accumbunt, maiori fere numero quàm devotione, pauci enim debitam Sacramento reverentiam religionemq; præstant, vt primum etenim sacro pasti ferculo pleriq; templo exeunt, non secus ac si prophanam mensam delibassent. Præfectus arcis quæ vrbi finitima est aliquantum quàm vrbs munitior ad prandium nos accersivit & honorifice iuxta & humaniter habuit; inter pocula varij de rebus bellicis discursus sunt habiti, inter alia ad Ecclesiastica beneficia devoluti sumus, intelleximusq; non sine admiratione, nonnulla beneficia esse quæ quotannis decē imo viginti Imperialium millia beneficiata præstent. Hic gratijs de more Domino loci factis, Neostadium contendimus iter, ac varijs oppidis transitis Fuldam

tandem attigimus. Civitas hæc Abbati (qui Romani Imperij est Princeps) subditur. Tota illa circum patria multa premebatur fame, non tantum à militum variè infestantium hostili amicoq; incurfu vastata, sed & à gliribus campestribus, qui segeti magno erant incommodo depopulabatur, qui magnam frumēti vim subterraneis specubus sub tempus messis congefserant quo victum in futuram hyemem parabant; rustici sæpius terram effodientes, integros modios reperiebant. Asschaffenburgum postea perreximus. Civitas hæc Electori & Archiepiscopo Moguntino paret, eam tenebat tunc Marschallus campi Mansfeldius cum triginta militum selectorum millibus, erat verò illic tanta victus penuria, vt etiam personæ Ecclesiasticæ esuriali tempore vetitisq; diebus ad esum carniū compellerentur, quas tamen perraro obtinebant. Vidimus hic arcem Episcopalem regio fastu, & magnificentia exstructam;

Etiam; Hæc quatuor in quadrangulo
turres cōplectebatur, mira ad Simme-
triam Architectonicam elegantia ere-
ctas; cætera arx nobilissimis conclavi-
bus ornata nitebat. Non hîc tangam
dolia portentosæ amplitudinis vinô o-
ptimo plena, quorum quædam qua-
draginta & quinquaginta plaustrorum
erant capacia; Hæc passim apud Ger-
manos obvia sunt, nec apud illos mul-
tam pariunt admirationem. Wertham
dehinc abijac postea vario viarum an-
fractu Heilbrunnam civitatem omni
munitionis & cōmeatus genere instru-
ctissimam. In eius foro exposita erant
quadraginta quatuor stupendæ magni-
tudinis tormenta bellica, decemq; ve-
xilla militaria nuper Gallis Philippo-
burgi erepta. Ad hanc urbem Sueci in-
tegro anno laborarunt, vt eam sibi sub-
derent, quam Cæsariani quatuor ho-
rarum spacio sibi subiecerunt; tantum
est militem habere fidelem & ad servi-
cia Domini sui promptum. Hic operam

suam ante alios probavit Dominus Iacobus Gordon Capitaneus ex nobilissima Scotorum prosapia oriundus qui manipulum Equo pedestrium militum tunc temporis ducebat. Nobili illi familiæ aquod omnem posteritatem laudiducetur, quod inter præcipuos etiam Imperij status Cæsari fidelissime & constanter serviverit: Ex eadem propagine tunc erat vnus Colonellus, Vice Colonelli seu locum tenentes duo, præfectus vigiliarum vnus & hic Capitaneus cuius laus omni retro posteritati erit memoranda. Hinc Luneburgum commigravi, vbi Vice Generalis Gallas arcem tenebat exacto inde Duce potentissimo, eo quod in Cæsarem contra omne ius fasq; arma sumpsisset. Inde movi Stuckardiam Metropolim Ducatus Wirtenbergensis, vbi tunc forte hyberna habebat Ferdinandus III. Rex Bohemiæ & Hungariæ potentissimus, atque incolebat arcem Ducis Wirtenbergici sumptuosissimè exstructam excultamque:

que : Hic vbi certis nuncijs cognovi
Butlerum meum iam mortuum atq; in
Svarrindorp civitatē omni instructu
bellico refertissimam esse delatum, eò
igitur cursu itineris mei direxi: vbi ap-
puli Dictum ducem meū loculo plum-
beo obseratum vidi, simulq; de mortis
genere inquirens intellexi pientissime
omnibus sacris munitum ipsum deces-
sisse. Dolui vt debui vehementer, vi-
rum tantis animis pro Cæsare & fide or-
thodoxa inclitum, non potuisse obniti
mortis decretis: Erat is utiq; vita multò
longiore dignissimus. Interea tamen
dum vixit sibi neutiquam defuit; nam
vt famam æternitati, animam cœlo asse-
reret divitias quas æquissimo Marte
mascula sua manu inter hostēs acqui-
sierat in pia Legata ita fere distribuit.
Vicena Imperialium millia Patribus
Franciscanis quos strictæ observantiæ
appellamus legavit, hi Pragæ studijs
literarum excoluntur, instruunturque
in eum finem vt quandoq; in Iberniam

Scotiamve redeant, seque Catholicis confirmandis in fide, vel Hæreticis reducendis ad eandem sedulo impendant. Ducentos Imperiales Domui professæ cui præerat R. P. Guilielmus Lamormainne Societatis IESU Sacræ Cæsareæ Maiestatis Confessarius per modum Eleemosynæ transcripsit, R. P. Petro Vadingo Soc. IESU Ibero & pro tempore Universitatis Pragensis Cancellario tria Imperialium millia dari voluit, quas ipse Pauperibus Ibernis illuc comeantibus elargiretur P. Patrio Franciscano strictam observantiam professo quingentos Imperiales, sicut & alteri cuidā Sacerdoti similiter Ibero totidem. Legaverat & alijs partim sanguine partim amicitia iunctis, scilicet sorori suæ sex Imperialium millia, Vicetribuno suo Walthero Deveroux mille Imperiales, alijsq; pro affectu & merito. Sed cum hæc ad iter nostrum exigendum parum attineant, alijs exequenda relinquo, ego in instituto itinere

nere meo progredior. Cum optimo meo Domino Iacobo Butlero viro Cæsari gratissimo & fidissimo non sine magno dolore pie parentassem, ad arcem Wisensteigensem Comiti de Holstein subditam properavi. Detinebatur in ea Waltherus Deveroux globulo plumbeo ad Nortlingense prælium secundus crus vulneratus, vna cum mœstissima vidua Butleriana, quæ defuncti sui mariti funus paulo post in Bohemiam cum salvo militum conductu secuta est, ac illic ipsi sumptuosissimas fecit exequias.

CAPUT VIII.

*Butleri ante obitum Heroica facta & egregia
erga Cæsarem fides. Maximè vero quæ
Francofurti ad Oderam con-
tingere.*

Postquam ex Legione Iacobi Butleri Illustrissimus Tyllius secum abduxit duos militum manipulos, reliqui

Frankofurti ad Oderam cum Vicetribuno Herberstein relictis, famis & inedia perpeſſi ſunt plurimum: Quibus vt opportunè ſuccurreret Iacobus, comitatus vigiliarum Præſecto ad Tyllium, qui tunc Magdeburgum obſidebat, proſectus eſt, monuitq; de periculis, ſimulq; rogavit vt & urbi & militi annona ſuccurreretur: Interea Guſtavus Adolphus Suecorum Rex exercitum ſuum Frankofurto admoveſcit, cum pridie opportunè & diſpoſitione plane divina Mareſchallus de Tieffenbach ingreſſus eſſet, reperiretq; in eo præſidio Vice Mareſchallum Thambrougk militem ſanè meliori fortuna digniſſimum, Colonellos Behem & Fernamont, quorum exercitus excreſcebat ad decem prope millia. Qui vt viderunt Suecorum Regem applicare urbi vires ſuas, coniunctis animis per urbem circumquaq; diuiferunt militem ſuum, in qua Partitione Walthero Butler cum legione ſua vltima ſeu extrema contigit pars eaque admo-

admodum infirma; cui malo ut prouideret, terram in minores aggeres eruit, post quos ex insidijs abdidit Sclopetarios, simulque sub vesperam Colonelum Thambrougk accessit, explicauitq; periculum intercipiendæ vrbs, nisi illa nocte, antequam Succus sese effossa terra magis muniret, in ipsum impetum facerent & virili eruptione ab obsidione deterrerent: Infamiam præterea quam ex deditioe accepturi essent apertissimè pluribus exposuit; Petijt quoq; eam sibi expeditionem committi cum quinque Equitum, totidemque cataphractorum cohortibus, sanctè promittens se cum bono Deo certo hostem externis internisq; iam ceptis operibus expulsurum. Quæ quidem omnia audita sunt, sed quoniam ipse externus erat cui ea laus ab alijs inuidebatur, negarunt id fieri vlla ratione posse: interim tamen alteri eam curam committunt, qui vix incautior aggressus hostem globulo plumbeo traiecitur.

milites verò ipsi comites à Gustavianis circumuenti potissimam partem perierunt pauculis exceptis qui palabundi cladis nuncij in urbem redierunt. Cæsareani in vrbe præsidarij omni metu expertes securè tunc epulabantur cum Waltherus Butler sese hosti opponere omni conatu annitebatur: nec minori audacia assultus dabant Suecorū agmina, quoad tandem tantos animos in Butleriano milite vix capientes, inquirunt; quis Ducum eum locum tam pertinaciter defenderet, cumque Scotos Iberosq; intellexerunt, se suasq; machinationes aliò amouerunt. Non stetit tamen hîc oppugnatio, sub quartam enim pomeridianam, cum hostis nostros vino incaluisse plurimo audiuisset animosè alibi conscendendo valla masculos dedit assultus. aderant isti loco tum forte duæ Legiones, quæ cū resistendo pares hosti non essent, ad Butleri opera deserta veteri statione recessere.: Quos hostes ne an amicos esse cum.

cum ignoraret Butler, atq; à Tribuno Wadt Scoto doceretur, Cæsareanos illos esse, imperavit etiam in ipsos eiaculari missoq; in eorum succursum dicto Tribuno cum manipulo Sclopeta-riorum, domitos animos ad pugnam reuocavit ac hostis impetum non sine aduersariorū sanguine vitiliter repressit. Sed mox reffectis tantisper viribus Sue- dice Legiones contra nostros denuo in- surrexere, maioribusq; animis pugnan- tes supradictum Wadium Tribunum longiori vita dignissimum melioremq; fortunam merentem. interemerunt: Strato militum ductore in paucis egre- gio concidere multorum animi, & cum duabus horis fortissime restitissent, tan- dem aduersarijs viribus cedere coacti sunt. His in assultibus VValtherus ex suis præter iam sæpius nominatū VVadt desideravit Tribunos Barnabam Pa- trich Ibernum, Dermitium Carthij I- bernum, Hugonium Onel Ibernum, Locumtenentes Grafe Ibernum Tho- man.

mam Broone Ibernum & Thomam Butler vexilliferum, ipseque V Valtherus grauitè ictus vix vitam ab instante ferociter hoste asserere potuit. Fugatis in hunc modum Cæsarianis, ad prædas itum est, reppereruntq; hostes decem in foro plaustra argento facto infectoque comeatu etiam & bellico apparatu onusta, quæ omnia vna cum ciuium bonis intra paucas horas Suedicus exercitus de prædatus est.

His peractis Gustavus cum ad tympani sonum de prædatorem militem à præda inhiberi iussisset, & receptui sub pœna capitis clangore buccinæ cantari ad Australem portam lautam instruxit cœnam, cui interesse voluit V Valtherus ex vulnere saucium, qui cum pedibus ob sanguinis profusi copiam ægre posset, in hastilia more militari sublatus ad Regem est deportatus, vix venerat sub conspectum Regis, stricto mucrone rogatus est ab ipso met Suecorum Rege, Iuniorne esset an Senior Butlerus, qui
cum

cum se Iuniorem asseruisset, superi te
seruant, miles masculine, ait Rex, quod te
seniorem esse noluerunt, qui si fuisset
hæc tibi obtigisset fortuna, ut Regia hac
dextra cecidisses, humaniter dehinc ac-
ceptum regionum medicorum curæ sol-
licitè commisit. Interim qui facta hac
clade ex Cæsarianis copijs partim nan-
do partim curriculo pontem transmit-
tendo euaserant, magnam Glockoviã
petierunt, vnde Herberstein ad Cæsa-
rem cursores misit, qui culpam cladis &
captæ vrbs VValthero impingerent,
atque hostem ad ipsius stationem irru-
pisse comminiscerentur. Non latuit il-
la VValtheri accusatio Iacobum Butle-
rum, qui ab obsidione Magdeburgensi
redux exprobratorias ad VValtherum
quam mox scripsit, totam labem & vi-
tium ciuitatis vi expugnatae ipsi agge-
rens, sciret itaq; (ait) VValthero respon-
dendum esse Cæsari pro tam infami cla-
de. Non tulit iniuriam virilis VValthe-
rianus sed arreptis codicillis tradu-

ctorijs

Ætorijs Gustavo legendas exhibuit, qui simul ac luculentum VValtherianę fortitudinis testimonium expediri iussit, quod & consignari voluit omnium Generalium sigillo manuq; propria subscribi. In eo testabatur omnem culpam non in virum vigilem, sed in commensatores nimium in tanto periculo securos esse deriuandam, qui si cum VValthero pugnassent strenuè nunquam se de vltiore impetu cogitaturum fuisset. Quam hostis attestationem VVienam ipse postea VValtherus ad Imperatorem detulit. Sed & Francofordiani ad Oderam paulo post libellum typis cudi & evulgari fecerunt, quem de calamitatibus Francofurtensium inscribere, in quo immortales Butlero in hac obsidione laudes adscribunt; memorant verò nullis vnquam sæculis delendam ignaviam Cæsariani militis, quorum negligentia dum ignes festos S. Iohanni Baptistę passim excitant, ipsam urbem tam nobilem tam vastam vno

rogo

rogo Vulcano commiserint depopulandam.

Post sex mensium captiuitatē VValtherus tandem vincula mille Imperialium litro redemit. Mouebatur forte post Lipsiacam stragem exercitus noster per Lusatiam in Silesiam, ad quem Butlerus noster cursum direxit, ac Marescallum Tieffenbach cōueniens summo cum honore ac raro fauore ab eo est receptus. Hīc Colonellum Behem qui potissimus fuerat Butleri apud Cæsarem diffamator, auctoritate Tieffenbachij ad egit scripto reuocare, quæ cōtra VValtherum in Aula Imperatoris temerè effuderat, in quo VValtherum egisse quod masculum militem adducet, asseuerat.

Fama rite asserta VValtherus obtenta à Generalibus venia in Poloniam Varſariam profectus est, suisq; impensis centum Equo-pedestrium selectorum militum collegit, vt in Silesiam eadem qua venerat via reduceret: In hoc itinere

itinere non modicum periculum à rusticis adiit, qui se in Dominio magni Ducis Svvoſquit ad trecentos collegerant, horisque matutinis dubio ad huc lumine in V. Valtherianos mouerant ut omnes sternerent. Sed tempore fraudem aduertens Sagacissimus ductor fabam in suum suorumq; caput cusam, in authorum retudit verticem. Inde Vratislauiam abiit, semper infesta rusticis itinera obseruans, quoad tandē in Tessinensi Ducatu in V. Valachiaē confini- bus hyberna se obtinuisse certis rumoribus audiuit. Erant itinera per id tempus periculis plena, viæq; ad dictum locum impeditæ, longæ, & asperæ, eundum tamen illuc fuit, quoad Tessinium Metropolim Patriæ illius attigit. Quæ istic Dominabatur Princeps vidua oppidum Schvvartz Watter Walthero assignauit, adiacet illud Fluvio Weissel qui è montibus Wallagiæ erumpit, & per Poloniam means, Cracoviam aluit. Hic vidimus è terra effodi Salem
ad

ad saxorum similitudinem, frustra sæpe septem aut octo pedes longitudine, latitudine tres quatuorve, profunditate duos aut tres excedunt. Placuit imprimis industria eximendi tantum pondus ex profundissimis cauernis. ratio vero talis est. Exstruunt ad os antri, ingentem rotæ vastissimæ machinam, quæ à Camelo circumagitur, ex rota demittitur attolliturq; funis, in cuius summitate Vncinus, cuius adminiculo immania Saxa quibusdam quasi brachijs prehensa educuntur. Hic Sal antequam aërem sentit leuissimus est, quem manu sola vir non admodum fortis sine negotio leuaret, ut primum vero extra cauernam aërem contingit, tantum induit euestigio pondus ut vix plusculi leuando tractandoque sufficiant. Hæc falis immania frustra, in partes minutiores serra dissecant, tum in mortario pro domestico vsu comminuunt: ex omni sale hic dicitur optimus, eoq; vtuntur Silesij, Wallachæ, Bohemi, Hungari.

gari, Austriaci, Croatæ, Moravi, Sclavones, Poloni, Podullini, aliæque circumnationes.

Vix Waltherus noster pactus erat cū incolis loci pecuniam pro hybernis militum soluendis, cum à Wallensteinio sine mora diu noctuq; properandi Saganum, aduenit imperium. Est Saganum vrbs in Lusatia confinijs sita spectans ad ipsum Wallensteinium, quam cum hostes impeturi videbātur, Wallensteinus fideliore quam Walthero committi haud posse putauit, ideoque nil cunctatus Waltherus Wallensteinij decretis obsecundare, opinione hostiū citius adfuit, eosq; ex insperato adortus fudit fugavitque, ac immanem prædæ vim obtinuit, cumq; illic trimestri substitisset in Bohemiam postea ac Lymburgum profectus est, inde Pilsam ad Wallensteinium abiit, qui eum ad obsidendam Pragam abduxit, eā feliciter recuperata, hostibus inermibus excedere iussis sexaginta millibus optimorum mi-

rum militum totam Bohemiam per-
purgauit. His ita compositis Egram
cum octo cohortibus Equitum destina-
tur Waltherus, qui irruens in hostem
magnam illic stragem edidit, cui duo-
decim vexilla militaria forti pugna cri-
puit, ideoque mirum quantam gratiam
à Wallensteinio inierit, ita ut in compê-
sam comitatum Iegerndorff vna cum
pertinentibus pro hybernis suis acce-
perit. Hic dum commoratur diutius
matrimonio sibi associat perillustrem
Dominam Comitissam de Phondona.
Quanta porro Waltherus noster Cæsari
obsequia præstiterit in varijs ijsq; peri-
culosissimis occasionibus dici vix pot-
est, exequentur cæteras militis egregij
laudes alij qui ex instituto Butlerum
commendandum susceperunt: hoc vnum
addo omnibus post nos sæculis memo-
randum, quod ad Northlingam coram
Serenissimo Hungariæ & Bohemiæ Re-
ge, & Cardinali Infante viginti quatuor
horis continenter sine intermissione

fortissime præliatus sit, adeo ut vicetribunum suum cum Præfecto vigilijs prælio amiserit. Nec tamen hosti pedem unum cesserit, quoad Hispani (qui se verè viros & magnos milites eo in conflictu præstiterunt) cum Croatis in succursum venirent. Quanta hic sanguinis utrobique profluvies, facile est prudenti cogitare, dum audit eodem prælio sedecim millia eodem die quæ fuit decima sexta Augusti Anni millesimi sexcentissimi trigesimali quarti in loco conflictus occubuisse. Ab hoc conflictu missus est Waltherus cum octo Legionibus ad obsidendam ciuitatem Auracensem, cui fortissima adiacebat arx Duci Wirtenbergen si patens, quam feliciter non tamen sine suorum militum iactura aliqua tandem obtinuit, & prædæ militum, cum vi cepisset, reliquit. Tandem post varia oppida & Castella recuperata vir sempiterna memoria dignissimus, Cæsari fidissimus ad Svarendorp vitam placidissime, omnibus prius

prius sacris ritu Catholico munitus, finiuit.

C A P V T IX.

*De Successibus Alberti VVallenstein Ducis
Fridlandie.*

Albertus Wallenstein Nobilis Bohemus, hæc ad altissimos dignitatis suæ gradus duxit initia. Cum sub exordia belli Bohemici turbæ indies magis magisque gliscerent, huc hominum perfidissimorum progressa est audacia, ut iam se rerum dominos suprema potestate potiri crederent, eoq; insolentiæ procederent, ut iam in Cæsareum conclaue multa obrenta copia latius armati (quod nefas semper fuerat) tumultuosè irrumperent. Accidit verò ut aliquando Comes de Turn, Comitatus pluribus sui sceleris complicibus, Sacrosancta Imperatoris Auita sceleratissimo pede violaret, nec quidquæ Cæsareum vultum veritus nescio quæ

iniqua à Ferdinando II. impetuosè postularer, & ni votis Cæsar annueret ensis capulum dextra feriens mucronem minitaretur; adfuit his in angustijs constituto Cæsari opportunè Wallenstein, cum manipulo Cataphractiorum, quæ in seruitia Imperatoris ex selectissima Bohemiæ pube suis impensis collegerat, vt se suamq; turmam ostentaret Cæsariq; beneuolentiam acquireret; cum ecce tibi nefandissimi proditores Equorum armorumq; sonitu perculsi ingenua procidunt, & veniam delicti rogant opinantes nequitia suæ consilia esse detecta, quos quidem tunc Cæsar more suo humanissimè complectitur bonisq; animis esse iubens dimittit indemnes. Miratur interim prouidentissimi Numinis vigilem curam, quod se omni ope destitutum tam mirabili & nusquam sperato medio Capitis periculo exemisset. Wallensteinio quoq; quantumvis facti sui nescio, legionem integram in campum ducendam committit.

mittit. Cum vero succedente tempore fides viri in pluribus Cæsari totoq; Imperio probaretur vltius promotus est, & plurium Legionum ductor renunciatus. Creuerunt porro cum diuitiis honores, ita vt passim præ cæteris celebraretur: vnde etiam accidit, vt viduam à magno quodam Principe Hungaro à morte relictam matrimonio sibi iunxerit; quæ non multo post, fatis ita deprecantibus, vita cessit, & cum sine liberis esset, dictum Wallenstein maritum suum exasse hæredem omnium tam mobilium quam immobilium bonorum instituit. Hæbat tunc forte Perillustis Dominus Comes ab Harrach, cuius in aulâ Cæsaris potissima erat existimatio, filiam nobilem, quam coniugem sibi postulavit Wallensteinus, nec multo post impetravit. Erat hæc Domina pudicissimæ vitæ & famæ, nec minus in Deum diuosq; cœlites religiosa quam omnibus fortunæ naturæque bonis locuples. Creuit interea cum ætate Wal-

lensteinio animus & prudentia adeo
vsq; vt communibus Principum Electo-
rum suffragijs absolutam in omnem
exercitum Cæsareanum obtinuerit po-
testatem. Ea in dignitate talem se ges-
sit, vt non tantum privatorum quorun-
dam Principum odia in domū Austria-
cam erumpentia oppresserit, sed & Di-
nia Regem eique confœderatos ad pa-
ciscendum cum Cæsare æquissimis con-
ditionibus compulerit; Quæ res ipsi
Fridlandiæ Ducatum, libertatemq; cu-
dendi auream argenteamq; monetam
peperit: Sed & tam felices successus ho-
minem faustuosum in pudendam &
obscenam extulere superbiam, & quo-
niam studia rei militaris ipso Duce viger-
bant, omnes prope Imperij ordines sub
ipso bellicæ scientiæ rudimēta addisce-
re & stipendia facere appetebant, cum
verò indies honores in fastuosam in-
ipsum superbiam magis magisq; eleua-
rent, tantum sibi in Imperio conflavit
odium, vt vix ulli Principum charus ef-
fet, sed

set, sed & à vulgo despectui haberetur: Ipse nihilominus omni invidia superior, hoc vnum agebat vt multorum sibi Principum animos, vel occultis machinationibus vel apertis armis subderet.

Hoc tempore clandestinis procuratationibus Gallorum, & Nobilium Protestantium (quos vocant) per Germaniam, excitatur ad arma contra Cæsarem suscipienda Suecorum Rex Gustavus Adolphus, qui se restauratorem Evangelicæ libertatis, & magnum Generalem seu Ducem Regum Britannicæ & Franciæ nuncupabat: vnde in imperio novæ indies turbæ excitabantur; Quibus componendis Cæsar Comitia Ratisponam indixit, ad quæ omnium ordinum & provinciarum magnates convenerunt, qui inter prima antequam ad ullas tractationes accederent Wallensteinium Dominio militari eximi voverunt, varias contra ipsum querimonias adducentes. Quam ea res Cæsari

G. S. inspe-

insperata fuerit facile est cuius prudenti cogitare, eo maxime tempore quo imperium amplius periclitabatur, ut tamen potiora mala præcaveret Principibusq; Imperij obsequeretur annuit ipsorum voits, Wallensteiniumq; militari potestate exiit. Quam impedita ex hoc facto rerum bellicarum orta fuerit confusio non attinet pluribus evulgare, ipsa experientia mox docuit: Qui enim ipsius loco exercitum ducere debebant, vel dexteritatem in providendo militi comeatum non habebant vel peritiæ rei militaris destituebantur, vel sufficientes parum erant tam diversis legionibus hinc inde procul dispersis imperia distribuere. Vnic⁹ tunc erat Tyllius, in quem omnium oculi convertebantur, quem Principes isti muneri præfici posse abunde idoneum credebant, erat Tyllius vir quidem sagax, & sufficienti peritiæ militari instructus multis eo vique victorijs probatus, qui vna cum armis, raro militum exemplo, pietatem

tatem & religionem in DEVM coniun-
gebat, ipsum tamen destituebat aucto-
ritas illa, quam Wallensteinio fecerat
absolutum Imperium quod Imperator
ipso commiserat, accedebat quod idem
Tyllius duos exercitus Cæsaris scilicet
& Ligæ ducere, & utroq; providere,
ob incidētes in singula prope momēta
difficultates ægrè posset, & quod caput
erat omnium, nil ipse pene audebat ag-
gredi, quod non prius ad Cæsarē aut Li-
gæ confœderatos Principes delatum
esset, ubi dum consultabatur diutius, e-
labebantur optimæ hostem cedendi oc-
casionēs antequam in consilio bellico
quidquam definiretur, Suecusq; de die
in diem magnis passibus promovebat:
adeo usq; ut Imperator infirmo & iam
multis bellis fracto Tyllio sero tandem
coactus fuerit Wallensteinium denuo in
nuper ereptas dignitates bellicas sub-
stituere. Hic Wallenstein probe videns
afflictum ac prope desperatum imperij
statum vafre excusavit laborum mole-
stiarum.

stiarumque pondus dictitans, ad quietem se animum appulisse, male se domi in toga quam belli in sago Imperatori subservire (vovebat interim animo, qua irrogatam sibi iniuriam, & ereptæ potestatis ignominiam alto conditam pectore, vel hac ratione vindicare posset). Facile erat augurari Cæsari, quid Wallensteinium torqueret, itaq; ut hominem morosum pacaret Fridlandiæ Ducatum donavit, tum iterum tentavit, si blandiori alloquio vel tunc temporis expugnari posset viri in rebus bellicis dexteri animus. Annuit tunc quidem sed ægrè (ut Cæsari gratiam obruisse, non à Cæsare accepisse censeretur). Fridlandiæ Dux, sub ea conditione, si Generalissimus cum absoluta potestate, sine dependentia ab ullo Germanorum Principum præesse iuberetur, ita ut penes se esset ius belli pacisque condendæ, quod nec ipse Cæsar, quantumvis vellet, infringeret. Quid hîc faceret optimus Imperator hoste undique

premen-

premente? ut hominem sufficientem
hostilibus successibus opponeret, om-
nibus cōditionibus subscripsit, eum-
que ad Comitia vna cum alijs Imperij
Principibus evocavit, ut illic omnium
Principum suffragatione potestatem
acciperet, Wallensteinius autē renuens
decretum auctoritate Principum an-
nuentiū Calculis obtinere, haud com-
paruit, sed ad Carolina Balnea valetu-
dini curandæ abiit vbi mēsem integrum
exegit. Dicta Balnea à Carolo V. eo-
rum inventore nomē habent, quinque
milliaria Egra dissident in confinijs Sa-
xonum. Duplex illic spectatur vena
aquis omnino pugnantibus manans,
hinc enim calida, inde frigida erumpit.
Ex stillicidio calidæ alicubi defluente
nascitur Lapis, qui ad vlcera Equorum
curanda valet plurimum.

Exacto mense optimè lotus Wallen-
stein ducentis militum millibus abun-
de stipatus in campum progressus est,
Pilsamq; primo aggressus deca felici-
bus

bus auspicijs triumphavit: Mox copias
Pragæ admovit, quam non ita pri-
dem Saxo Cæsari eripuerat, cum que
eam premeret acrius, Praefectus Saxo-
nicarum copiarum de compositione &
pace inter Cæsarem & Ducem suum
mouit sermones, sed cum parum pro-
mouisset, ad avertendum à Cæsaris fide
V Vallensteinium vna cum Comite de
Turn Seniori convertit dolos. Et hinc
ducta sunt initia V Vallensteinianæ per-
fidiae, quæ paulo post in propriam cre-
vere perniciem, & in publicum non si-
ne foedissima nota erupere. Erat forte
tunc temporis non nemo, nescio quis,
Poetaster, aut siderum inspex, qui ex
astris fabulas comminiscabatur qui &
V Vallensteinio Bohemiæ Sceptrum ex
aëre confictum addicebat, qua fortuna
homo vanissimus elatior pro corona
taliquidvis paciscabatur, cum videret
se id iure præstare neutiquam posse, in-
iuria conatus est, ac primo Regni æmu-
lum Suecorum Regem è medio tollen-
dum

dum esse putavit, quo sublato duces
deinaggiellus est, eosq; sibi devincere,
Cæsari exosos, reddere contendit. In
quem finem Colonello Illo auctor fuit,
ut à Cæsare pro præstitis obsequijs Co-
mitis postularet dignitatem & nomen,
quod faciliè fuit iam inclinato persua-
dere: Ne verò Cæsaream ipsi dignita-
tē annueret, occultis egit nuncijs, cau-
sans si eam huic concederet, fore ut
plures alij qui a què ac amplius imperio
fidi fuerant, eandem iure quasi suo exi-
gerent. Quod cum ipse Cæsar Reipub.
haud expedire intelligeret V Vallen-
steinij consilij est obsecutus, Colonel-
lumq; Illo ad patientiam in proximio-
ra tempora est adhortatus. Data interea
inter epulas opportunitate, quid re-
sponsi acceperit rogat ex Illo quasi o-
mnium ignarus V Vallenstein, cui ille
negativam sibi obrigisse asseruit. Tunc
V Vallenstein simulanter exandescens
Cæsari, ait, Hæcine sincera me uere
servitia nostra, quæ Cæsari tanto tem-
pore

pore fidelissime præstitimus, vt nec mihi Generalissimo iure meo postulanti pro amico gratiam annuat, nec tibi id merenti concedat? Ecquis posthac Cæsari tam ingrato tam beneficiorum immemori stipendia faciat? Quis deinceps fidem ei spondeat aut præstet? Ego quantum quidem ad me ex nunciuro, me contra Austrios facturum quamdiu vitalis spiritus hos reget artus, accessit V Vallensteinio solennia verba præcuntiam pridem Cæsari offensus illo, primaq; istic fœdera stabiliunt. Itaq; confœderati simul cum exercitu contra hostem movent, non in hostem pugnaturi, sed Cæsarianas copias fame miserijq; perdituri. Hærebat tunc ad Svveiniz V Vallenstein, vnde Cæsareanos Glotzium duci iussit, istic ex fidelioribus Cæsari ducibus nō occultis signis animadvertere, quam iniquum contra Cæsarem consilium agitaretur, nec tamen audebant palam infidelitatem Fridlandi arguere, quamvis in priuatis collo-

quijs

quijs multos eosq; infames sererent inter se sermones. Svveinitzij vitam suam innocentissimè reliquit machinationibus Wallensteinij, Regis Daniæ Filius. Hic cum impia in Cæsarem consilia agitarentur, à Suecorum partibus pacta asserturus cum potestate missus erat, sicut & Piccolomini à Wallensteinio, cum vero iniqua (vt videbantur) dicto principi proposita essent, infecta re ad suos reversus est, quæ quidem res Wallensteinium pessime habuit, cogitationesq; omnes in eam rem intendit vt se de optimo Principe (quasi magnam sibi iniuriam intulisset) vindicaret: Demisit ergo vna cum dicto Principe Piccolominium vt eum ad suos conduceret. Cum vero ad rivulum peruenissent ac militari modo Scloporū exoneratione facta sibi inuicē vale fecissent, interim ex insidijs miles globulū emittit & Danię Principē secundum cor transverberat. Hinc quam mox Cæsareani in hostem ruunt, & parva victoria Generalem

militiæ præfectum Comitem de Turn
capiunt & ad Wallensteinium ablegant, quem cum retinisset aliquot dierum spacio, tractassetq; cum eo de proditionis proposito, sine ullis pactis alijs aut litro immunem dimisit. De qua re cum Ducum præcipui stomacharentur ait V Wallenstein, quid vultis agam cum infano homine? vtinam Sueci ductorem meliorem nullum haberent facilis nobis foret pugnandi & expugnandi totum orbem terræ ratio, plus ipse nobis proderit inter hostes quam hîc nobiscum in captivitate. A clade hosti illata, pauculos in eodem loco dies substitit V Wallensteinus, postea verò cum omnibus copijs in Bohemiam abiit istic hybernaturus, propositumq; suum ad finem deducturus. Statutū erat tunc omnes Bohemiæ procures funditus perdere, eorumq; terras ad extremum vsq; minutal vastare, ne qua Cæsari contra se suppetitas ferre possent, in eundem finem immanem pecuniarum vim conflaue-

flaverat, sperans argenteis hisce gradibus ad Bohemici regni solium conscendere; ad id delegerat etiam locum commodum (montem album appellant in quo olim Palatinus Comes Fridericus, alieno honore sibi contra ius fasque arrogato & proprijs terris exutus est) sed non potuit diu latere Cæsarem tam iniqua machinatio, ad cuius aures cum venisset rumor, scripto quamprimum inhibuit fidelioribus belli ducibus, ne post hac à VVallensteinio imperia capesserent; Hocque scriptum Pragæ primum innotuit. Accidit vero, cum VVallenstein totum exercitum convocare proposuisset in dictum montem, ut Comes de Tersky affinis VVallensteinio, de propalato proditorio proposito certior factus, ad VVallensteinium rediret, ipsique proditum negotium instituti sui nunciaret, explicaret etiam quam periculosa plenum opus alexa-gitaretur, eo VVallensteinium adduxit ut omnia tormenta bellica clavis ob-

durari præciperet, Pilsæque hominem sibi fidum præficeret, qui nullis pactis, pollicitationibus aut rationibus locum illum alteri quam Wallensteinio traderet; Ipse verò se Egram-versus converteret cum millibus aliquot partim Equitum partim peditum. In hoc Comitatu comprehendebatur legio Waltheri Butleri, quæ iam à Cæsareanis passim Wallensteinianæ factionis esse iniquè arguebatur, quam verò id falso declaravit eventus. Hoc quidem evidens est, VVallensteinium sæpius conatum esse Butlerum in consilij sui societatem traducere, ipsiq; pollicitum esse amplissimas terras & opimas dignitates, ducen-
taq; Imperialium millia per cambium partim Hamburgi partim Segani destinasse ad colligendos milites Iberos in sua servitia fidos. Butlerum tamen semper suspectū habuisse tam prolixè propensum sibi VVallensteinij favorem. Quando verò clarius intellexit quo res pessum vergeret, nunquam consentire voluisse,

voluisse, ut Sacramento Cæsari facto solveretur; Dehinc omnibus viribus annixus est, ut Proditorem hunc à Cæsare adeo elevatum comprehenderet, ac Imperatori pro merito plectendum traderet: cum vero ipse solus sufficiens haud esset tam arduo negotio expediendo in consilium propositi sui adhibuit militem inter paucos fidum Cæsari & plenum masculo animo VValtherum Deveroux tunc temporis turmæ vni præfectum seu Capitaneum, qui suam VValthero operam fidelissimam addixit. Hoc aditorem securus Butler, libenter suam Legionem VVallensteinicis copijs Egram commigrantibus adiunxit.

CAPUT X.

De Amplitudine & Pompâ Fridlandia Ducis.

TEr quater & amplius felicem Albertum VValenstein, si sua felici-

H 3 rate

tate rectè uti novisset, vel voluisset potius: Tot enim tamq; præclaris Naturæ, Fortunæ ac Dei donis hic vir auctus erat, ut sibi æqualem ea tempestate vix usquam reperiret. Accedebat in bello optimè administrando dexteritas, ob quam sibi Cæsaris favorem meruit sanè luculentum: Aderant ipsi divitiæ & pecuniarum vis maxima quæ hodie omnem mundum animat, & principes gubernat uniuersos. De admirandis eius iuxta & spectandis substructionibus nil tangam, ædes loquitur quam Pragæ summo luxu excitavit. Hæc sex ostijs latissimis admittit dimittitq; aduenas, conclauia in ea Rege digna, aula exterior opulentissimo fastu & laxissimis spacijs, picturarum quoq; artificijs illustris. Inde in ante Cameram (ut vocant) patet aditus quæ auro tota quantafulget. Hinc itur ad conclauem Valentinianus curioso plane artificum cultu conspicuum. Ad hoc excubabant semper præter ephebos, quos numerabat pluscu-

pluſculos, vno eodemque omnes habitu opertos, quinquaginta Satellites optime armati, eleganciaque principali veſtiti. ad hæc viſebantur excubitores in porta aulæ exteriori, in interiori vero quatuor, quibus ius erat introeuntes, vnde eſſent, quidve poſtularêt, interrogare. Quin decem denique in eam intendebant curam, vt vicos obirent, caverentq; perſtrepentium rixantiumq; moleſtias, quam enim ſtrepitus cuiuſcunq;, vir hic fuerit impatiens, ſaris loquuntur mutæ etiam chartæ, adeo vt ne paſſerculos acutius vocem attolentes ferre poſſet. Aderant etiam ad eius obſequia quotidie ſex Barones ſex Equeſtris ordinis viri nobiles præter ſexaginta ephebos, qui vt civilem & aulicam vitam erudirentur, à parentibus certatim ſubmittebantur. Non tangam hoc loco Gynecæum nobilitate & numero ſpectabile, in conſortium coniugis adlectum. Cum progrediendum quandoq; erat in publicum, quinquaginta

ginta effeda, tribus Equorum iugistra-
cta ad V Vallensteinium solum spectan-
tia comitabantur, præterea quæ aliun-
de honoris causa accedebant. Plaustra
quæ culinarium apparatus vehabant
habebat similiter quinquagena quorū
singula quatuor Equis vehabantur. Au-
licorum Rhedæ vndiq; vitro clausæ de-
cē aderant singulas sex Equi præcede-
bant famulitium Equestre quinquagin-
ta Equis generosissimis sublime porta-
batur, quorum quivis ad latus ducebat
aliū Equum operosissimè instratum
in vsum ipsiusmet Ducis Fridlandiæ.
Stabulabantur eius Equi in vnico equi-
li miro cultu fabricato. Præsepia erant
marmorea, ad quodvis eorum fons vi-
uacissimæ & limpidissimæ aquæ salie-
bat pro adaquandis iumentis. Non
procul à Palatio hortus amœnissimus
colebatur, aquæductibus & statuis ele-
gantissimis ornatus, in fine horti Avia-
rium cōspiciebatur, ex omni avium ge-
nere instructissimum, in eo variæ erant
plantæ.

plantæ ac arbores ad nidulandum aui-
bus aptæ, & ne qua forte cauea egrede-
retur auicula, filo ferreo eleganter com-
posito totus ille ambitus concludeba-
tur. In medio horti erat piscina nobi-
lis, quam delicatissimi piscium imple-
bant. Mensæ eius lautitia vel inde col-
ligitur, quod eadem mappæ & manti-
lia nunquam mensam bis sternerent,
nisi optimè prius lotæ, & rectissimè
compositæ. Hanc viuendi & ædifican-
di rationem vbiuis locorum tenebat.
Gidsini enim pallatium crexerat simili
fere forma, cum equili, vbi etiam me-
diâ prope ab vrbe leucâ locum circum-
septerat in educationem & seminarium
equorum, in cuius medio turrim sta-
tuit quam incolit vigil, qui indies bis
sub diluculum scilicet & crepusculum
buccina conuocat stabulatioes ad fri-
candos pabulandosque equos. Hoc in
equili minimum trecenti stabulaban-
ture qui sumptuosissimi. De Sagantina
arce nil memoro, cum imperfectum et-

iam nunc sit opus. Cæterum si mors ipsi vitam prorogasset, opus statuisset septem mundi miraculis adnumerandam.

CAPVT XI.

*De morte VVallensteinij reliquorumq; Proditorum Tertzky, Ilo, Kinsky, & Nye-
man Tribuni Equitum.*

E Gram custodiebant tunc temporis Dominus Ioannes Gordon locum tenens in legione Comitæ Terzky, eiusdemque vigiliarum præfectus Lösle, optimi ambo Cæsarique in paucis fidelissimi milites: Qui cum multa de proditorio animo WWallensteinij non obscuris rumoribus, sed apertissimis indicijs passim ferri audissent, multū de veritate rerum exploranda sollicitabantur. Agebat tunc WWallensteinus Pilsæ, auidè que aduentum Gallassi qui Aldringerum secum adducere Fridlando promiserat, in horas imo momenta operieba-

periebatur; voluebat interim inter
spem metumq; quid facto opus foret,
si forte dicti duo militum Duces in fide
Cæsaris persisterent, & an nihilominus
proditorios conceptus effectui dare
posset. Optimum tandem ratus, alios
sibi interim armorum præfectos, qua
auctoritate, qua humanitate, qua etiam
promissis conciliare atq; in suum sen-
sum pertrahere. Negotium itaque or-
ditur à Gordono, quem Egrâ Pilsam
euocatum perhumaniter accipit, mul-
taq; de ciuitatis sibi in absentia sui Du-
cis Tertzky creditæ cura munitione,
militum fide & fortitudine rogat, eique
Legiones aliquas in Silesiam cum im-
perio ducendas vltro benignè offert,
patientiam interim habeat in tres qua-
tuorue hebdomadas, quo interim tem-
pore necessaria ad iter prouideat dispo-
natque. His ita constitutis Egram de-
nuo dimittit. Altero mox diluculo
Lôslum cui iam ex amici cuiusdam lit-
teris de Fridlandi technis aliquid inno-
ruebat

tuerat curriculo ad se euocari iussit. Lôslius vix tertiam ab vrbe horam abierat, cum ecce tibi Wallensteinium lectica incubantem habet obuium, in cuius comitatu ducenti pedites & quingenti equites omniaque impedimenta præfecto Butlero ducebantur. Comiter salutat Lôslium primo congressu rogat Fridlandus, quid nouorum de hoste ijs in partibus spargeretur? cui cum prolixè respondisset Lôsle, de se quoq; suisque machinationibus quid vulgi sermonè ferretur intelligere voluit, hic cum setantum obiter & in genere de offenso Duci Cæsare audisse dixisset, subiecit Wallensteinus, itaq; à me discas in particulari & punctatim vniuersa, simulque retulit quam Cæsaris Cōsiliarij mira in suum caput cuderent, eoque iam rem esse deductam iniquissimis maleuolorum consilijs, vt à pridem oblata & ægrè acceptata, generalatus dignitate nunc iterum cum ignominia deijceretur: in suum v. locum

cum substituendum Hungariæ Regem Ferdinandum III. Cæsaris filium natu grandio rem, Iuuenem nec ætate, nec viribus, nec consilio satis maturum. Post multa tandem in Cæsarem Austria- camq; domum multo cum stomacho egesta conuitia, Lôslium Egram præmittit, sui aduentus & omnium dictorum Gordononuncium. Lôslius nil cunctatus, ut primum Egram attigit, nihil potius sibi esse debere duxit, quam ut Gordonum conueniret, & de omnibus quæ dicta actaque essent certio rem redderet, dein vna cum Gordononocursum V. Vallensteinij Egræ iam appropinquantis iret, humaniterque intramœnia deduceret; Quæ res Fridlandum maximopere delectauit, eoqueminus quod exteri seu Scoti seu Iberni essent de his Ducibus sicut & de Butlero habuit suspicari: Ideoque humanissime in domum suam honoris causa inuitatis, omnem rerum statum, multa cum exaggeratione iniuriarum à Cæsare

fare sibi illatarum denuo exposuit, arguens Cæsaream aulam, noxijs Hispanorum suasionibus nimium perniciosè regi, hinc sibi nil cōsultius videri, quam ut ea domus per Germaniam stirpitus euellatur, orbiq; vel sic innotescat alios etiam esse qui Imperium recte possint administrare, habere nunc se ad manum media, queis tota ista tragœdia compendio & sine magno tumultu absolueretur; Neminem enim unum esse qui sibi remoram injicere possit vel velit: Hortari proinde omnes vna, & singulos seorsim, ut sua posthac sequantur iussa, & à suis partibus fideliter stent, se quidem haud difficulter reperturum, quo singulorum fidem magnificè promerito remuneretur. Quod si tamen quisquam ipsorum dubitaret suas partes sequi, libenter annuere, ut aliò quo vellet comigraret. Facile erat ex hoc & similibus discursibus arguere, in quem finem res omnis declinaret, dissimulandum tamen erat, ne qua ante tempus.

pus sine fructu fieret medicina. Quapropter Lôsle suo quidem nomine hoc duci responsum reddidit. Fateri se & iam pridem agnouisse quid posset Ducis Gratia, maxime apud exteros: se quidem ex Scotia in Germaniam commisse nominis sui amplificandi gratia, id eoque nullius stipendia renuere, nisi forte quæ soluerentur Regis sui naturalis impugnandi causa. Proinde si Sacramento Cæsari dato exsoluatur, se cuius alteri militaturum fidelissimè, nec videre se quorsum sub tali Duce arma detrectet, cuius prolixa beneuolentia iam annis plusculis fuisset cognita, se igitur quantum ad se suosq; istis socios spondere id facturum quod sibi suisque esset gloriosum. Quo quidem responso totum Fridlandi animum sibi deuinciuit. Reddebat tamen ambiguus hîc discursus non parum perplexum Butlerum, & cum ambos comites ab orthodoxâ sciret dissentire fide, metuebat plurimum vt se à Cæsare ad Fridlandum:

dum abripi vanis persuasionibus sinnerent. Vale itaque accepto omnes simul abierunt attoniti. Cum vero inter ambulandum Fridlandici sermonis incideret mentio, dissimulauit Bucle-
rus animum suum, finxitque se partes Ducis non omnino repudiare, & ut sociorum vicissim exploraret animos, & nunquid Fratres mei, ait, putatis rem optimè Fridlandicis imperijs contra Imperatorem administrandam? quin igitur & nos eius sequamur iussa? Cui fidenter & absque simulatione Gordon: Malim ego quidem gloriosam pro meo Cæsare, cui Sacramento obligatus seruiro, oppetere mortem, omnemque quem corpore diffusum circumfero sanguinem fundere, quam datam violare fidē, ei quem à paruulo puero dilexi tenerē, patriaque discedens omnia deserui, ut ipsi tam in prosperis quam aduersis fidum præstare seruitium, à cuius latere ex quo milito nunquam discessi, nec discedam post-
hac

hac quoad vitalis spiritus hos deseret
artus. Vobis integrum esto quam vultis
sequi factionem : hoc mihi conclusum
à qua sententia nec ipsa me Suadela di-
mouebit. Hîc Butler tantam in extra-
neo constantiam obstupefcens, ani-
mum suum similiter aperuit, simulque
educens è pera literas sibi à Gallasso
nuper missas, quibus militare imperium
per Cæsarem Fridlando abrogabatur
ob proditoria consilia non ita pridem
detecta. Inter hæc & similia duæ fa-
cile elabuntur horæ, cum ecce tibi li-
teræ offeruntur à Francisco Alberto Sa-
xonix Duce ad Fridlandum, quas ipse
Lôslius (quem penes illa tunc erat cu-
ra) detulit, legendasque à Fridlando
obtinuit. Summa scripti hæc erat. Bern-
ardum Wimarensem copias suas iuxta
pacta iam prope coniunxisse iamque in
certum locum à Wallensteinio ipsi no-
minatum progredi cæpisse, nil se porro
dubitare quin Wallensteinus decem
peditum & quatuor equitum millia his
I adiun-

adiuncturus sit. Birckfeldium vero cum quatuor millibus Palatinatum iam esse ingressum, nec nisi duabus Egrâ leucis abesse. Rogare proinde Fridlandum ut sibi centum equites, qui saluum conductû Egrâ ad se præstent, mittat habere n. quæ secreto cum solo Duce tractaret, statuissè autem sub horam nonam matutinam postero mane corâ adesse. Lectis literis quidquid Wallensteinius pestilitatis hucusque intimo corde abdiderat coram Lôslio euomuit, qui cautè ad omnia respondit quod ad rem videbatur, consilia etiam noua suggessit promouendæ proditioni accommoda. Interea ne momentum cunctatus ad Gordonum se transtulit, cui quam periculosa agitantur consilia liberè detexit, addens nil quidquam expectandum esse cum de fama propria, ac incolumitate Cæsaris agatur. Butlerum igitur in societatem consultationis accersunt, qui vna statuerunt malo esse potentem medicinam admo-

admouendam etiam vel suo Fridlandi admisto sanguine. Dehinc de medijs differuerunt, vt totum malum simul tolleretur, ne qua truncatum solum, pullularet iterum. Prima erat sententia, in quam omnes iere, esse ad proditores singulos certos etiam ablegandos milites qui vinctos securè in munitum primo locum postea ad Cæsarem abducerent. Mutarunt tamen paulo post id consilij in melius, statueruntque iurati omnes morte plectere. Opportunè autem cecidit vt Baccho tunc fierent solennia annua. Gordono igitur impositum vt Butlerum ad cœnam inuitaret. Hic sibi sumeret Fridlandi complices & proditones Architectos Tersky & Ilo, cui non inuitus paruit Gordonus, & Butlerum ad cœnam rogauit, ad quam iste se condixisse præsens tunc forte proditoribus asseruit, qui se quoque conuiuatores vltro obtulere, & sub vesperam Kinsky & equitum tribunum Nyeman (qui à secretis fuerat

in toto hoc proditiōis negotio) una
secum adduxerunt in arcem, quam in-
sidebat cum forti præsidio Gordon.
Antequam vero ad cœnam conueni-
rēt, delegere ex fidissimis militum pau-
culos, quos gloriæ socios esse commo-
de posse putabant. Ex his fuit Rober-
tus Geraldinus vigilijs præfectus in le-
gione Butleriana & V. Valtherus Deue-
roux Tribunus quibus ad arcem per
posticum datum est aditus, commissum-
que ut sub finem cœnæ triclinium in-
gressi confoderent quos Cæsari infidos
reperissent. Edmundus Borcke Capi-
taneus cum centuria militum iussus est
obire compita, & providere sedulo ne
qua tumultuaretur in vrbe. His ita con-
stitutis inter scyphos in sanitatem Du-
cis Saxoniae tunc cum Cæsare dissiden-
tis præbbitum est, quem haustum mi-
ratus Butlerus abnuit, negans se in sani-
tatem haustum alterius quam Cæsa-
ris, cui fidem iuratus addixisset. Atque
hoc modo in pocula seu conuiuas po-
tius

tius ortum est dissidium. Interea dicti duo Duces per diuersa ostia conuiuij locum ingrediuntur hinc Geraldinus cum suis, inde Deveroux cum suis stridis ytrimque ensibus succlamantes uiuat Ferdinandus II. uiuat domus Austria quantæ ex insperata hac proditoribus, commotione, ortæ sint turbæ, facile est cogitare, cum alij mensam cum Bellariis subuertere, alij ad arma proficere, alij clamores ciere. Illo nil cunctandū ratus cum manibus fideret, ad ensē ex vicino clauo pendulum proruit ut se opponeret aduersariis, sed frustra in ipso conatu vitam cum gladio ponere compulsus est. Inde contra Tertzky actum, qui per varia vulnera mortem admisit, similiter & alij. Inter has turbas Tribuno Deuoroux dum passim cæsim punctimque rem strenue agit, ensis per medium ruptus, & cum contra V Vallensteiniū adhuc sibi eundum esset, commode reperit hostile acutius quod pro gladio deferens, in

domum Proditorum principis non lento gradu festinauit: inter procedendum cum iam propylæum attigissent, vni militum soluitur sclopetum quod in cautius manu versabat, id tamen nil quidquam turbauit in domo. Ingreditur itaque ante omnes iam sæpe nominatus Capitaneus Deueroux cumque parum suspenso gradu perstreperet monetur à famulo ad ostium Ducis excubante vt modeste incedat, ne qua Duci decumbenti molestiam cieret. Cui Deueroux, non esse iam illa tempora, quibus à turbis vacet, nunc perstrependum esse, simulque ostio cubi- culi appropinquans obseratum reperit, cumq; clauis quem famulus à cubiculis abduxerat, non esset ad manum, ter summo impetu in ostium pedem illi sit, irritotunc quidem conatu, itaq; ad auxiliandum ex militibus suis fortissimum acciuit, vna simul incurrens, nec tunc quidem perfregerunt, ad quintum denique impulsus Deueroux solus seram per-
perru-

perrupit, gradumque in conclaue promouens primo aspectu petijt essetne ipse Imperij & Cæsaris proditor? Sed responsi loco nil tulit nisi labiorum cōmotionem, sine articulata voce. Hic non statim feriendum esse Wallensteinium putauit, sed expectandum potius tantillum, dum se ad Deum conuerteret, signaq; contriti animi ederet, cum vero nil quidquam obtineret, in indufio sicut tunc erat hastili per ilia infixofidentissimè cōfodit, ex quo ictu Wallensteinius quam mox concidit, animamq; per vulnus emisit. Ita orbis probrum Cæsarisq; infamis proditor iustissima DEI manu vindice scelus suum dignissima morte luit. Cauete Duces eius ingredi vestigia, ne consimili morte pœnas pendaris.

Huius Tragœdiæ Actores seu spectatores potius fuerunt è militibus Butlerianis triginta circiter inter quos duo Scoti, vnus Hispanus reliqui Iberni, qui vna cum Deueroux cadauer mor-

tui rapete obuoluerunt, carrucæque impositum, quam mox ad arcem deduxerunt. Nec mora in scripta seu Cancellariam Fridlandi indagatum est, curus aliaque eius bona in tutum locum conuecta. Postero mane Butlerus omnes in vrbe Colonellos adiit, eos etiam qui tunc forte pro mœnijs tentoria fixerant & statiuâ tenebant Wallensteinijq; noxias strophas, ob quas iussu Cæsaris morte multatus fuisset pluribus aperuit, omnesque ad fidem Cæsari denuo iurandam seruandamque serio hortatus est, quam illi se interiectu corporis ac vitæ præstituros receperunt. Dein expediuit centum equites selectos, qui Francisco Alberto Saxoni, iuxta pridianas ad Wallensteinium datas literas comitatum in urbem præstarent. Hi nil cunctati reppererunt in via quem volebant humaniterq; primo salutatum varijs colloquijs sustentarunt. Cum vero propius urbem accessissent militum ductor Saxonix duci ait. Quid si Tu-

si Tuam Celsitudinem Butlerus Viennam Austriæ ad Cæsarem captiui mitteret? ad quæ verba attonitus alter responderet, se id quidem haud vereri, cum ad Wallensteinium Legatus iret, à quo saluum conductum obtinuisset nō multo ante. Cum vero detectam prodicionem sublatoſq; è medio proditores audiuit, Comiti suo mille ducatos frustra obtulit, vt se remitteret ad suos liberum; quod Cæsareus miles negauit fieri posse. Inter hæc in urbem deducitur, & paucis post diebus Viennam vnâ cum totius tragœdiæ decursu; Ipseque Butlerus paulo post omnibus recte constitutis cum V Valthero Deueroux eodem perrexerit, Cæsaremque tunc forte precibus in templo vacantem adiit, cui Cæsar ad primum conspectum, **D E V S** conseruet, & benedicat dilectum nobis caput Butlerum nostrum. Finitis postea sacris ad se domum in secretius conclaue inuitauit, vbi pro fidelitate sibi impensa collaudatum varijs macta-

uit præmijs, & primo quidem Archiepiscopo Viennensi (qui tunc forte præsens erat) insignem torquem aureum porrexit, quem Butleri collo cum amplissima benedictione nomine Cæsaris imponeret; dein ipse Imperator numisma Iconis suæ ex purissimo auro porrexit, hoc, inquit, feres in Cæsaris memoriam quem vna cum tota eius domo incolumem seruasti; erit occasio cum tuam fidem pro merito remunerabimur. Simulq; Comitum titulum impendit, & sibi à cubiculis posthac futurum clauæ aurea oblata renunciavit: & ne nudum titulum ferret multas terras in Bohemiæ regno adiunxit. Dedit quoque alium torquem aureum aliosque honores detulit Capitaneo Deueroux: nec minora præmia Lôsle reseruata sunt, cuius vero Capitaneo viginti florenorum millia numerata pecunia assignata sunt. Gordon interim sibi aliquantisper expectandum ratus ne videretur Cæsari pro terris potius & bonis

bonis quam gloria & honore seruitia præstitisse Egræ substitit quitamē postea à Cæsare ex Tertzky terris plurimas accepit. Æterna sane memoria digni sunt Gordoni qui strenuam semper & fidelissimam Germaniæ operam, toto hoc turbarum tempore pro Cæsaris incolumitate exhibuerunt. Optimus porro Imperator, ne animæ VVallensteinij & complicum iratus videretur, tria missarum millia Viennæ celebrari voluit.

CAPUT XII.

De Elogijs VVallensteinio à morte variis in locis pro cuiusque affectu positis.

NON putavi hoc loco omittenda funebria elogia seu sepulchrales inscriptiones, quæ VVallensteinio apud varias nationes non sine affectus cuiusque testimonio in vulgus sparsæ sunt. Ex quibus facile patebit quibus VValensteinus amicus quibus hostis fuerit.

Omit-

Omittam verò illa quæ Germani, exterique Hispani, Itali, Galli sua lingua nō sine Lepore evulgarunt illa tantum complectar, quæ Latino Idiomate conscripta sunt & in nostras manus delata. Nemo reor mihi vitio verter, si veritatem totidem verbis scripsero, quam quisque suomet stylo exprimere non erubuit, neq; etiam succensebunt alij, qui in mortem V Vallensteinij acutivario versu & prosa luserunt, illorum sane lucubrationes meas manus fugerunt fas interim esto nostrum opusculum suis Epigrammatibus augere; nil auctori erit iucundius. ad rem.

Germania primas habeat.

Hæc appellat V Vallensteinium Herodem, Iudam exauctoratum. Ita porro loquitur:

*Albertus Wallenstein de presumptuoso
Heroë.*

Herodes.

Intra--

Intravit vt Vulpes, Belliger vt Lepus,
Superbiit vt Pavo, Gratus vt Cuculus,
Vixit vt Tygrus, Mortuus vt Canis.

Proditor Iudas.

Præclara alia Epitaphia passim Germanicâ lingua conscripta sunt, quæ alijs compilanda & disseminanda relinquo.

Hispania.

in æs incidit, Madritiq; omnium conspectui exposuit quæ sequuntur.

Epitaphium Ducis Frid- landiæ.

Stupestite cœlites scélus intentum,
Gaudete mortales detectum,
Lugete demones destructum.
Siste viator rem disce.

Anno M. D C. XXXIV. Urbano VIII.
Papâ sedente, Ferdinando II. Occidentis Im-
peratore triumphante, Philippo IV. Domi-
nico victore Hispaniam Gubernante, Ludo-
vico

vico XIII. Barbovis Galliarum Sceptra te-
gente

Carolo I. Angliam possidente,
Ferdinando Pannoniam Gubernante,
Ladislao Poloniam dominante,
Solimanno Tyranno Tyrannizante,

Lutheranorum Promissionibus, Cardinalis
Blessij de Richelieu Sollicitationibus, Idibus
Martij captato Luna deliquio, vt totum caput
impleret, vt totam stirpem Austriacam dele-
ret, stimulis ambitionis actus, Dux Fridlan-
dia Nefando mucrone extinguere voluit,

Et Numen noluit.

Mirabitur aternitas tantum nefas,

Stupebit orbis tantum scelus,

Lugebit & mater Ecclesia.

Filium suum primogenitum,

Cardinalem ipsum,

Destructioni suæ Patrocinantem,

Lector tanta monstrorum portenta,

nisi resipiscant,

Diris devoue:

Et disce,

Volubi-

Volubilem fortuna rotam,
Dignitatum iter lubricum,
Et tot milium militum capitibus imperantem
Veneno ambitionis,
Nec Imperare voluisse nec potuisse.

Italia hæc dedit.

Nobilis Miles,

Dux,

Imperator,

Cæsari similis,

Hic iacet.

Victor victus,

Desertor desertus.

Dum Sceptrum quarit, feretrum inuenit.

Disce viator.

Non semper Audaces fortuna Iuvat.

Aliud Elogium

Wallensteinio.

Hic iacet

Corpus & fama Principis VVallenstein,

Vtrum-

Vtrumque simul perdidit;
 Reddidit non perdidit,
 Fraudi commissa sors assumpsit,
 Fortuna auxit,
 Perfidia destruxit.
 In ascensu serexit,
 In vertice præcipitavit,
 Bene egerat si bene finisset.

Ex Gallia Hæc prodierunt.

Vitam priuatam odit animus Regius,
 Magnanimus ardua molitur.
 Ambitionis nec meta nec regressus,
 Aut Pereundum aut Regnandum.
 Nec Iudicanda euentu, quæ ratione acta sunt,
 Actiones sunt virtutis, euentus
 Fortunæ.

Iustum erat vt Sceptrum regium quæreretur, qui
 Casareum, dedit.

Quod fecit licet,
 Quia fecit vt regnaret.
 Casarem cadentem erexit V Vallenstein,
 Caesar erectus prosternit V Vallenstein.

Qui

- Qui in aduersis socium habuit, in prosperis
servum non sustinet,
Vult perdere, quem non potuit remunerari,
Nimium meritum odium peperit,
Dum victoriam alij parat,
Invidiam sibi struxit.
Gloriam dedit Imperio; Imperiū sibi ruinam.
Vitam, opes, amicos pro Cesare toties exposuit,
Vitam, opes, amicos Caesar semel abstulit.
Vita cessat,
Fama durat.
Quis nescit tuam virtute partum, auctum, fir-
matum Imperium?
Nil aliud iniustum fecisti.
Nisi quod ingrato nimium fideliter servi-
uisti.*

Acutè sanè, si æque verè. Quisquis
es Poëtarum pessimè, in eo te vel maxi-
mè poëtam facis, quia fabulas aptè cō-
minisceris, falsa que pro veris nugien-
dulus adulterina merce distrahis. Sed
in eo turpiter à tuo aberras instituto
quod iniquum Iuris-peritum te fingis
iuraque quæ nunquam didicisti Cæsa-
ribus

ribus Regibusque iniustissima dispensas trutina. Iustusne tibi foret, quid domum tibi patriam eriperet aliaque bona, quæ iam pridem debebat concederet? Sed nec Wallenstein Cæsareum Imperatori Sceptrum dare poterat, quod ante versabat Cæsar, quam de Wallensteinij nomine esset memoria. Itane vero iniquissime rerum tibi ignotarum æstimator Wallenstein videtur fecisse quod i licebat? Eodem teor iure optimo tuo Regi Ludouico Iusto coronam à Fridlando ereptam, fauisses. Ergone Imperandi libido impunitatem inducit scelerum? absit facinus, vel in tuum caput omnis regnandi appetitus desæuiat. Noua narras & orbi incognita cum adstruis erectum esse Cæsarem per Proditorem suum: Stabat Imperator & staturas erat, nisi Wallenstein casum procurare intendisset. Poterat Wallenstein Cæsari fuisse in prosperis socius, si in aduersis seruum se præbere fidelem voluisset. Erras calumnia-

lumniatorum pessimè si aestimas Cæsaris ærarium adeo exhaustum, ut nec benemeritis beneficia promere possit, qui in hostes plurimam semper benevolentiam profudit. Odium V Vallensteinio peperisse non meritum, sed perfidiam, vel tua conscientia teste, in confesso est. Si porro victoriam parasset, quam in manu habebat, omni invidia maior, vniuersos suæ fortunæ inuidos despexisset, sed quoniam felicitate sua uti nolebat, accidit ut pro gloria immortali, ruinam sibi sempiternam & immortale probrum nullis sæculis delendum struxerit. Vnam verò tam liberaliter vitam, opes amicos Cæsari impendisset, quam ipse Cæsaris vitæ, opibus, amicis est insidiatus: staret nunc reor erectus V Vallenstein, & pro ipso vniuersum pugnaret Imperium, aut post vitam gloriosè cessantem fama durasset æuiternum. Quid verò ais, dum quæris Quis Nescit tuâ (Fridlande) virtute partum auctum firmatumq;

Imperium? & quis contrarium non asserit? In glorio tuo stilo, vanissime Poëtarum & mendacissime Encomiastes voueo ac faueo, vt Iustissimi (quem ais) patroni tui Iustitia plectate, quoniam tam grato scilicet Proditori Elogia finxisti.

CAPVT XIII.

Pacta quædam inter Fridlandiæ Ducem & Principes cum eo paciscentes Ducem scilicet Saxoniam & Marchionem Brandenburgensem, Electores, vltro citroque missa & proposita.

ARTICVLI PACIS.

Quos Albertus Fridlandiæ Dux exercitui Evangelico (vt vocant) in Silesiâ tunc existenti proposuit approbandos.

I. Cupit Fridlandiæ Dux, cum Regno Sueciæ Electoribusque Saxoniam & Brandenburgensi sinceram inire pacem: Et si qua fortè Cæsar propositis
vtrunque

utrimque & admissis pactis intercessurus esset, & articulos ab utraque parte confirmatos subscriptosque improbareret; obligat se dictus V Vallenstein Imperatorem vi ad consensum adigere, ad quam rem apta media ipse iam partim disposuit partim adhuc disponet.

II. Omnia Priuilegia imperialia à quibusvis aliàs Imperatoribus concessa redintegrandà & de nouo confirmanda sunt. Omnium etiam exulantium bona inique ablata aut vltro deserta restituenda; in qua restitutione à sua Persona Fridlandus initium faciet, omniaque bona sua vel sibi donata, vel quouis modo acquisita ad alios olim pertinentia libenter primus restituet quibus ablata sunt; damna vero bellorum iniurijs interim illata bonis, primi possessores obliuioni tradent nec deinceps ullam compensam exigent.

III. Iesuitæ omnes penitus, ceu bellorum auctores & incentores malorum ex Romanò Imperio proscribantur, ne

se Principum aulis posthac insinuent, & noxijs consiliis turbent.

I V. Maxima illa (Hæreticis non est seruanda fides) penitissimè abolenda est, omnibusque pactis conuentis sincerissima fide, sine vlla fraude doloue firmissimè standum.

V. Saxonix Dux & Marchio Brandenburgicus, Electores, cum damna ipsis illata sumptusq; in militem aliosq; vsus impensi compensari vel restitui minimè possint, communem faciant Amnistiam, nec post hac aliquid repetant.

VI. Exercitus vtrimque ex Imperio contra hostes externos seu Turcam potius abducantur.

Præter hæc pacta Fridlandus etiam alia adiecit, quæ suam potissimum personam tangebant quæ cum paucula sint, & ambitionem auaritiamque hominis superbissimi sordidissimique abunde ostendent hunc adijcere non abs re esse duxi.

Fridlandi postulata suam personam concernentia, quæ simul cum supra memoratis proximè articulis seu conditionibus proposita & ad Saxoniae Electorem missa sunt.

I. Si Coronam Bohemiae obtinere Fridlandus possit, pollicetur se omnibus, superioribus annis iniquè regno Bohemiae pulsus, & à quovis tempore liberè vel coactè exulantibus, sua inibi bona fideliter restitutum; Libertatemque ubiuis locorum religionis permittiturum: Palatinum quoque Comitem in suam patriam seu palatinatum seu armis, seu alijs amicabilioribus medijs reducitum.

II. Pro Mechelburgo, Sagano, &c. sibi ab Imperatore in sumptuum & servitiorum suorum compensam donatis: alijsque debitis sibi adhuc restantibus, Fridlandus non nisi Moraviae Marchionatum postulat.

III. Cum sibi Bauariae Dux Maximilianus in Collegiali Principum con-

uentu Ratisponæ habito obstitisset, auctorque præcipuus fuisset, vt militare Imperium sibi abrogaretur, velle se ei oppignoratam ab Imperatore terram ob der Ens dictam vi armisque in compensationem debitorum eripere.

IV. Petit Fridlandus, vt Exercitus vtrimque coniungantur, sibi que contra hostes ducendi concedantur. His se Cæsarem coacturum promittit, vt omnibus pactis subscribat, articulosque inter se & Principes Electores Ducem Saxonie & Marchionem Brandenburgensem conclusos nolens volens ratificet & confirmet.

Iure quasi suo se hæc petere putabat: V Vallenstein, nec nisi cum summa iniuria à Principibus abnui posse credebat: adeo hominem fastuosissimum, & primæ suæ conditionis immemorem abripuerat superbia, & militum quos ad nutum suum regebat, propensus animus. Ne tamen sæpius dicti Principes sibi quoque deessent, sua etiam pacta

Et a scriptis consignarunt, & ad Fridlandiæ Ducem examinanda, confirmandaque miserunt.

His omnibus pro se & pro pace stabilienda à VVallensteinio propositis punctis, & Saxoniae Duci Marchionique Brandenburgico Electoribus, oblatis & discussis, ipsi quoque Principes hos ad roborandam pacem articulos ex sua parte proposuerunt.

*Saxonis & Brandenburgici Electorum
postulata:*

I. Sua Cæsarea Maiestas omnem suum militem extra Imperium deductum quantocyns dimittat.

II. Magdeburgensem Archiepiscopatum cum Halberstadiensi, nec pro se, nec pro Serenissimo filio suo unquam repetat.

III. Liga Catholica Regi Sueciæ, vel potius militi eius omnes sumptus hoc bello impēsos soluat, ac bonis medijs adducat vt ex Imperio contenti unde venerant reuertantur.

K 5

IV. Ie-


IV. Iesuitas omnes, & à Concilio
& ex Imperio amoveat.

V. Pro sumptibus in bella præterita à se impensis, & damno à Cæsareanis copijs ducatu suo illatis (quod idē pro Marchionatu suo petebat Brandenburgicus) Imperator vtrique totam Silesiam pendat.

VI. Libertatem religionis vbique permittat.

VII. Pro octo auri vasis, quæ sua Cæsarea Maiestas Saxoniae Duci debet superiorem & inferiorem Lausnitiam, & dimidiam Regni Bohemici partem hæreditariam transcribat.

VIII. Electoris Palatini Primogenitum Heidelbergæ restituat. Ad hæc, si renuat Imperator, Dux Fridlandiæ Cæsarem cogat.



CAPVT XIV.

Copia Literarum, quibus fidem suam Equitum Peditumque supremi Praefecti obligant

Alberto V Vallenstein Fridlandia Du-

ci Pilsa 12. Ianuarij Anno

M. DC. XXXIV.

Et

Cesareum mandatum de remotione eiusdem Fridlandi ab Imperio militari.

LVbet hic exprimere duplex scriptum, alterum obligatorium, quo se milites Fridlando & fidem suam probant: Alterum inhibitorium, quo prohibetur militi posthac Fridlandicis Imperijs subdi. Prioris haec est summa.

Virtute praesentium notum omnibus facimus, postquam nos sub signati Generales Officiarij & Colonelli certis relationibus accepimus, quod Illustrissimus Princeps ac Dominus, Dominus Albertus Dux Mechleburgensis, Fridlandia,

landiæ, Sagani & Magnæ Glockouïæ,
&c. tum ob varias acceptas iniurias, &
quotidianos prope inuidorum contra
se machinationes, tum vero ob recusa-
tum ab Imperatore victū seu commea-
tum militi sustentando necessarium ar-
ma seponere, seque militiâ abdicare o-
mnino concluderit: cum vero nos pro-
bè intelligamus, quanto hæc resignatio
non tantum suæ Cæsareæ Maiestati, sed
& bono publico, ac Cæsareanæ mili-
tiæ vniuersæ incommodo sit futura,
quippe vnde penitissima omnis exerci-
tus ruina pendet; viderimusque huc-
usq; omnem spem nostram in hoc vno
capite cui hæctenus ad omnia pericula
obsequentes fidiq; fuimus, collectam
subsistere, fortunasque nostras cum o-
ptimi ducis remotione periclitari, cum
ipse vnus solus sit, qui obsequia nostra
pro sua in nos beneuolentia compen-
sare velit & possit: non potuimus non
grauissime sentire hanc in vno capite
militis nostri cladem: Ei porro vt ma-
ture.

scire prospiceremus allegauimus vna-
nimi consensu ad Illustrissimum Frid-
landiæ Ducem Marescallum Campi Il-
lo, cui vt maior foret auctoritas qua-
tuor Colonellos Morvvaldt, Predauv,
Losy, & Hinneisam viros in paucis stre-
nuos adiunximus, qui propositam iam-
que propè conclusam apud Ducem de-
precarentur resignationem, obligan-
tes dicto Duci vniuersæ militiæ nostræ
summam fidem, imo omnes vires, vi-
tam & sanguinem, si adhuc aliquantif-
per, quoad militi aliqua saltem media
aliunde prouideri possent. Quæ qui-
dem nostra fides, & sincerus in opti-
mum Patrem nostrum amor, tantum
potuit, vt votis nostris annueret, ita vt
sine nostro consensu vel saltem præsci-
tu militiam neutiquam deserere pro-
miserit. Cui ipsius gratiæ ne ingrati ar-
gueremur, vniuersi quotquot sumus
Sacramento dicto nos obligamus, o-
mnem ipsi fidelitatem, ac vitam ad vl-
timam vsque sanguinis guttam impen-
dere.

dere. Iuramus quoque forma qua possumus solenniore, vt si quis forte nostrum decursu temporis ab hoc promisso descisceret, nos omnes opes, fortunas, vitam & sanguinem impensuros, vt eius perfidiam debito modo vlciscamur. Hæc omnia sine vlla fraude, dolo, æquivocatione nostra subscriptione & subscriptione roboramus & confirmamus. Pilsæ 12. Ianuarij Anno 1634.

Hinc facile colligitur quam Dux Fridlandiæ omnium prope militum animos sibi devinxerit, quamque funestum incendium exoriturum fuisset, nisi sub cineribus iamiam erumpens fuisset opportunè sopitum.

Mandatum Cesareum

Ad Duces Belli de amotione Fridlandi ab Imperio Bellico.

NOS Ferdinandus DEI gratia Imperator Electus & Imperij semper Augustus, &c. Salutem omnibus
Gene

Generalibus officialibus; Colonellis etiam & eorum locum tenentibus, vigiliarum præfectis Equitum peditumque tribunis, omnibusque in auctoritate militari constitutis cum Cæsareâ gratia omni que faustitate ex animo precamur. Notumque tenore præsentium vniuersis facimus, quod, postquam prægnantibus virgentibusque de causis coacti sumus, Generalissimum nostrum Campiductorem nec essario mutare, omnes auctoritate imperatoria eximamus soluamusque iuramento militari quo dicto Duci erant obligati. Statuimus autem, & in eius locum ad interim seu vltiorem ordinationem nostram dilectum & fidelem nobis Matthiam Gallas: volumusque vt omnes ei haud minorem præstent obedientiam reuerentiam, submissionem, quam vlli vnquam à nobis constituto Generali, sub grauißima nostræ disgratiæ comminatione & ineuitabili pœna bonorum & vitæ. Ac licet ad nos delatum quoque fuerit,

fuerit, quod aliqui ex Ducibus nostris
præcipuis, in conuentum Pilsæ institu-
tum aliquantum amplius quam decui-
set consenserint, quia tamen illos ex fal-
sa imaginatione vanisque pollicitatio-
nibus huc adductos esse facilè videamus,
declaramus omnia ea quæ tunc
forte contra nos imperiumq; nostrum
acta sunt omnibus penitus, præterquã
duobus quos nostræ Quæstioni & pœ-
næ nobis reseruamus, gratiosè ignosce-
re. Asscuramus denique omnem no-
bis subiectum militem, nos nunquam
defuturos, omnibus gratiam nostram
vt hætenus semper fecimus continua-
re, exercitui commeatum aliaq; neces-
saria, quantum in nobis erit prouidere.
Vt vero hæ nostræ omnib. innotescant,
nec tempus modo patiatur plura expe-
dire exemplaria, volumus vt eadem fi-
des, quæ authographo, adhibeatur ijs
quas dictus Matthias Gallas nostra au-
thoritate iuxta authographum transcri-
bi & publicari faciet, quæ nostra seria
est

est voluntas. Viennæ Austriæ 24. Ianuarij, Anno 1634. Nostri Imperij Romani Anno 15. Hungarici 16. Bohemici 17.

Ferdinandus. (L. S.)

C A P V T XV.

Ostendit Commorationem meam cum D. Colonello Deueroux.

Item Augustanæ vrbis expugnationem tempore Quadragesimæ.

A Morte optimi mei Domini Iacobi Butleri, nondum extinctus in me fuit ardor iuuandi inter milites proximi, atque cum passim quosvis ob linguæ commodam peritiam iuuare non possem, me ad conterraneos Iberos sub legione Domini Deueroux transtuli, quo cum ad Augustanam obsidionem abij. Quantò Augusta Sueuorum spacijs & populo auctior, hòc contumacius resistebat Imperatori, vnde ad
L tantam

tantam deducta est inopiam, ut illic nec carne quidem humana abstineretur, reliquarum rerum ad sustentationem necessariarum tanta erat penuria, ut cerevisiæ mensura sex florenis veniret, libra vna ouillæ carnis triginta quatuor Imperialibus venderetur. Sed & canes, feles, mustelæ, mures, glires & huiusmodi alia erant in precio, ita ut libra eius carnis vnica solueretur duodecim Batzijs. Asinina etiam caro in victum dabatur cuius libra constabat nouem batzijs. Non tango siliginem crassiorē fursuribus mistam, cuius modius viginti Imperialium precium excedebat. Vini porro amphora communis sex imperialibus mutabatur. Nihilominus tamen in tantis rerum precijs repertus est non nemo imprudentis audaciæ orator qui frequentissimæ concioni suadere non erubuit, satius esse fœno & palea bouum instar & iumentorum pasci, imo militibus sinistram potius esse arrodendam & dextra pugnandum, quàm

Cæsari

Cæsari submittendum: cuius quidem pudendæ insanix recte à militibus est responsum, vt ipse consul suo exemplo præiret, experireturque quam arduum foret vna manu mutilum præliari; simulque his pactis se Imperatori submiserunt.

I. Vt miles omnis in vrbe præsidarius Cæsareanis signis iuraret.

II. Vt præter vnam Ecclesiarum, reliquæ omnes ad orthodoxos redirent.

III. Alerent intra mœnia suis sumptibus tria militum Cæsareanorum millia.

Hinc Vlmam properatum est, ac primo quidem huic vrbi pridie Paschatis omnium victualium accessus præcisus, mox vero collecto milite rota eius amplitudo cincta, ac tam vberes opes undiquaq; obsessæ. Nos autem per Geisling altera paschæ feria in Lotharingiã contra Gallos mouimus, qui fœdere & armis iuncti pro Sueco faciebant, de

qua expeditione dicam plura ubi de Lotharingæ Duce disseram. Multus illo tempore erat sermo de Urbano VIII. Summo Pontifice, quasi ipse potius pro hostibus quam Imperio ageret: de quibus quidem sermonibus aliorum esto Iudicium. Lepidum imprimis fuit illud quod inter Calvinistas cœnæ accubituros egit Hispanus miles. Sub paschales ferias, hic cum in fanum eorum esset ingressus siccis plane & ex succis faucibus, opportunè reperit poculum in Pseudo-cœnæ partem dilutum, quod aggressus toto ore vnoque hausit spiritu. Tum Panem alteram cœnæ medietatem fidenter arripiens, ne noceret haustus, absumpsit omnem, vnusque solus eo die omnium nomine liberaliter cœnavit.

Hoc in itinere Tubingam diuertimus. Est Tubinga vrbs Academiâ celebris, ac bonis moribus literatisque viris clara, cui in edito colle adiacens arx multam præstat securitatem. Inde per
pagos

pagos ad extremum exhaustos, partim igne partim fame & situ solitarios, altissimosque montes ad sylvam nigram (Schvartzvvaldt Germani vocant) iter direximus, in quo cum sub vesperam pagum illic pernoctaturi ingredi moliremur, valide ab incolis repulsi sumus, quorum audaciam haud ferens Vice-Colonellus, iussit vi perfringi portas, rusticosque ad omnem benevolentiam cogere. Inde per Waldkirch Hochburgum versus tendimus, & cum eam arcem sex Legionibus Turlacenses tenere audissemus, cautè nobis incedendum fuit, ne qua à ducentis milibus furtim & ex insidijs nos impetere volentibus opprimeremur: tuti tamen & incolumes transiimus Friburgum versus, vrbs hæc à bonis literis liberalibusque disciplinis nota est, magis Pallade quàm Marte potens. Hinc Brisacum perreximus. Est Brisacum munitio vna ex primis Europæ, in colle sita, quam Rhenus dupliciferè ambitu cin-

git, optime arte æquè & natura munita; foucas habet profundissimas, muro duplici admodum denso ambitur, circumcirca planicies sese aperit tanta, quantam oculorum assequi potest acies. In fori medio turris visitur editissima in qua puteus ad portentum altus, aquas hinc extrahit in vsum ciuitatis continuum, iumentum aliquod illi labori publico sumptu destinatum, habet præterea propugnacula omni instrumento bellico instructa, ab occidentali vrbis parte pons bene longus & latus Rheno insternitur, ab Austro innatant aquis. molendina cymbis seu pontonibus artificiose sustentata. Vidi-
mus etiam illic tormentum bellicum nouem vlnarum capacitare. Obsidebatur tunc forte hæc ciuitas à triginta militum millibus. Hic dum aliquantisper cum Domino meo Colonello Deueroux subsisto incidi forte fortunam in Historiam à Germano quodam confcriptam, in qua de varijs orbis Principibus facun-

facundè differit auctor, ac inter cætera in magnæ Britanniae maximi Principis iconem pereleganter in hunc sensum commentatur.

*En tibi Rex supra cum Pallade doctus Apollo;
In laudes merito magne Iacobe tuas:
In fra te posita est cunctarum copia rerum,
Quam felix populus magne Iacobe tuus?*

Quantam hoc in districtu passi simus rerum omnium ad sustentationem necessarium penuriam difficulter verbis explicari potest, vnde cum & pro hominibus & pro equis abesset ipsum triduum commeatus, Ensisheimium profecti sumus, Allabitur hoc oppidum utcumque munitum Fluvius quem Illam nominant ex montibus Alsatiæ promanans. Molsheimium deinde perreximus, illicque non minorem annonæ difficultatem experti sumus, quare maximis itineribus in castra Lotharingica properauimus, vbi edocti sumus de nostris copiis, quæ non procul inde in

L 4 hostem.

hostem intentæ sedulo excubabant. Mox à nostro aduentu, Dux Lotharingæ Carolus commodam sibi visus est occasionem nactus Befordix occupandæ, misit igitur cum centum Equo-pedestribus militibus Tribunum Mercy animis & armis instructissimum, cum quo iam erant turmæ aliquot Croatarum, de successibus huius propositi dicam alibi.

Interea nunciatur quam felicibus auspicijs Recens imperatorij exercitus Generalissimus Hungarorum Rex Ferdinandus III. ad Ratisponam Nortlingamq; pugnatit: Quo quidem nuncio Hungari adeo sunt excitati, vt suo Regi immanem pecuniæ vim ad bellum in Germania prosequendum pepigerint. Hoc penè eodem tempore, postquam Hispanorum forti audacia & vigili studio Treuiri expugnati essent captusque Princeps Elector Philippus Christophorus ex Nobili à Söteren profapia, ob consilia (quod dicebatur)

cum

cum Gallo contra Imperium commu-
nicata, Bruxellas deductus est. Baua-
riæ Dux Maximilianus Imperatoris fi-
liam natu grandiore Neptem suam,
cum cōsensu Pontificis Maximi in con-
iugem sibi adsciuit. Dux Lotharingiæ
ex Apostemate periculose decumbere
cæpit, periculumque superato non sine
sanguine, morbo, euasit. Dux hic ut
natura comis, ita Cæsari in omni fortu-
na semper fidelissimus, pro cuius amo-
re, non tantum ducatum suum, totque
vrbes in eo nobiles & opulentas, sed &
vitam, & quidquid habuit ambiguae &
periculose aleæ exposuit libentissime.

C A P V T XVI.

*De Bello Ducis Lotharingiæ contra
Gallos.*

PRidie Nonas Maij cum ad Befor-
diam hæreremus, à nostris Croatis
Tabellio cum literis ad hostem com-
means interceptus est, & quantocyus

L 5 suspen-

suspensus. Quinto vero Idus Maij cum
ij qui in præsidio erant multo nos im-
peterent impetitu, adeo vt & vice Co-
lonelli nostri Equus secundum femur
traiceretur, obsidionem soluere coacti
sumus non sine nostro damno. Qua-
dringentorum enim equorum iactu-
ram intra breue spacium passi fuera-
mus; in huius vrbs obsessæ solutione,
suppetias tulit ipse Serenissimus Lotha-
ringiæ dux cum quatuor militum mil-
libus, & mox delectu militum iterum
habito denuo duces fidem sibi iurare
voluit, quam rem cum admirarentur
plurculi, ipse causam facti sui libere red-
didit, aiens, adhuc esse & in conspectu
suo proditores pessimos, quos tamen
ob varias causas cogeretur etiam tunc
tolerare. Excurrebat noster exercitus
duodena militum millia, à quo eodem
die emissi Croatæ tres legiones aduer-
sarias equitum pessum dederunt, ac tria
vexilla victoriæ monumentum Duci at-
tulerunt. Spolia fuerunt vnius legionis
impedi-

impedimenta omnia, ex quibus pulverem tormentarium, cum commode & citra periculum abducere non possent succenderunt. Inter captiuos adduxerunt Vice-Colonellum vnum, & cum pluribus mortuis adnumerarunt alium supremum vigilijs præfectum. Inde mouimus diuerso aditu contra Gallos, dumque ex insidijs Gallorum expectaremus impetum, Croatæ nostri adoriuntur hostem, & tantis in eum viribus agunt, vt fugam capeßere fuerit coactus. Dehinc bipartito diuisimus exercitum nostrum, ne qua Gallis vires nostræ innotescerent, & vnâ quidem partem per Alsatia montes, alteram per Burgundiam promouemus ac duodecimo Calendas Iunij offendimus hostem ad oppidum Luyr, sed cum nos tunc peditatu sufficienti destituæremur (plerique enim Equites eramus) in colle castra metati sumus, emissisq; Croatis qui à tergo eos impeterent, tormenta nostra à fronte opposuimus, multaq;
hosti

hosti damna dedimus, cum vero nobis nunciatū esset, octo ipsis millia suppetiatum venisse, intempestâ nocte succensis castris Beffordiam versus movimus. Postero die hostis nos insecutus multos è nobis mactavit. Ibamus interim recto itinere in planitiem Brisacensem, sperantes illuc nos hostē prosecuturum, cum vero Dux Gallorum vir esset senex & sagax (La Force eum appellitabant) nobis relictis Bruntrudum obsedit, & quam mox in deditiōnem accepit. Hic cum multi Gallorum ob aeris Germani desuetudinem emorerentur, plures verò languerent, in Lotharingiam denuo exercitum reuocavit. Nos vero cum hīc novas suppetias opperimur, accipimus tandem Marescallum Colorado & Vice-Marescallum. Ioannem de Werth, cum Barone de Suis Generali præfecto vigiliarum, Generali præfecto Tormentorum Reinacher qui validum ducebant exercitum, & mox duo oppida in quibus insigne Gallo-

Gallorum erat præsidium ad deditio-
nem cogimus, omnesque segetes circa
Colmariam ciuitatem munitam sed
Cæsari rebellem metimus, vineasque
omnes perdimus. Huic calamitati cau-
sam præbuit infidelitas huius vrbis, cū
enim Suecus vndiquaque nuper graf-
saretur, ipsa Colonellum suum quem
Imperator cum septem peditum co-
hortibus in defensionem huius loci
miserat, adulta nocte trucidauit, ho-
stemque intra mœnia recepit. Mox
iterum diuisimus exercitum, cuius v-
nam partem Dux Lotharingæ (in cuius
comitatu erant Baro de Suis, & Mercy
ambo generales præfecti vigiliarum)
per auia & deuia, multasque ambages
ac vias arctas impeditasque Ramiro-
mundam ciuitatem amplam & merci-
monijs claram deduxit: Alteram vero
Ioannes Werthius cum septuaginta
vexillis equitum, per aliam viam in Lo-
tharingiam præiuit. Mirabile hoc in
itinere spectaculum præbebant montes.
superius

superius niuibus horridi, in medio segete diuites, in pede pratis & arboribus florentes. Vix in Lotharingiam pedem intuleramus cum in primo aditu de quinque peditum Gallorum cohortibus in vicino loco præsidij causa commorantium monemur, in quos dum arma expedire statuimus de nostro aduentu certiores facti, viriliter se nobis opponunt & in Schirmeck vsque repellunt vbi ipsum triduum exegimus.

Interea rem feliciter agit Gallassus, Spirâ enim & Manheimio potitur, expulsoque ex varijs vrbibus Wimarienti præsidio fortiter triumphat. Quoad Dux Bernardus Wimaricus se de nouo colligens contra Gallassum Moguntiam tunc obsidentem, cum omnibus copijs iuit, ijs etiam quas recens in auxilium Wimarientis è Gallijs adduxerat Cardinalis La Valette, hi coniunctis viribus ab obsidione Moguntinâ Gallassum repulerunt. Hoc tempore in fidem Cæsaris rediere ex Imperialibus vrbibus

bibus Norimberga, Ulma, & Francofordia ad Mœnum.

Noster vero Werthius alibi non feriatur, sed tum felici ausu in Gallos mouet, vna eademque pugna vicena trina vexilla hosti eripit, Vice-Colonellum vnum & præfectum vigilijs vnum capit; & cum audisset Marescallum de La Force Gallum, contra nostros mouisse, quam mox se reliquæ exercitus parti scilicet peditatui, qui ad duodena militum millia se extendebat, coniungit.

Nec minus fortiter Piccolominius ad Louanium rem contra Gallos gerit, à cuius obsidione hostem vi repulit, in qua expeditione Louanienses studiosi & Religiosi variorum ordinum suos etiam animos contra Gallos ostēderunt. præcipuam tamen hac in acie laudem meritus est Colonellus Priston cum suis Ibernis, qui primi Gallos è fortalitiis exegerunt.

Quinto Idus Iulij Ioanni de Werth significatum fuit Gallici exercitus cataphra-

raphraëtariorum manipulum in quodam pago non procul à castris de la Force, agere, contra quos per sylvarum abdita curriculo contendit, sed quoniam excubias sollicite seruabant, non nisi paucos nobiles Francos in reditu secum abduxit. Parum hic abfuit ut & Wimarix Ducem Bernardum & Cardinalem de La Valette interciperet, qui à rustico commodè moniti Equorum præsidio euaserunt. Stabat tunc penes Gallassum ut totus Gallorum exercitus periret. Huius enim an negligentia an prudente cunctatione nescio, aduersarius exercitus relictis tormentis & impedimentis omnibus & aliquot militum millibus Metas euasit. Quem dum nostri recto tramite fugientem sequuntur suspicionem ingerunt, ac si de vrbe obsidenda cogitarent: quod ut impediat Gallorum dux, nostros suo exercitu cingit & intra urbis mœnia & se concludere annititur, id vero consilij cum nostros latere non posset, mox emisere:
qui

qui ei facerent negotium. Itaque cum Mareſcallus de la Force videret noſtros viribus præualere, nocturnis in tenebris fugam capeſſit, quem Werthius à tergo ſecutus quingentos facile milites cecidit.

His ita tranſactis Sereniſſimus Lotharingiæ Dux Carolus Romervillam migrat, tormentiſque maioribus tam ſtrenuo impetu quaſſat, vt intra paucas horas præſidium Gallicum ſibi ſubiecerit. Tantum fuit in vrbe gaudium ob Ducis ſui ingreſſum, vt gregatim ſummi infimique, ſacri & prophani ſeſe in cõpita effunderent, & occurrerent eiꝯ poſtliminio ad ſe reditum toto cordis affectu gratulantes. Data hic fuit Legioni noſtræ cura occupandæ arcis munitione & ſtructura præaltæ, & ſex fortiffimis turribus formidabilis ad Epiſcopatum Metenſem ſpectantis, quam non multò poſt multo quidem labore compilatis omnibus eiꝯ bonis quæ in arcem comportata fuerant in poteſta-

M

tem

tem rede gere. Hoc Mense Iulio exeunte Cæsar cum Duce Saxoniae alijsque Germaniæ Principibus quibusdam iniit de nouo pacem.

Interim dum hostes coeunt in cuneos, nostri que se ad prælium parant, Ioannes de Werth in Gallosex inopinato irruit legionemque integram Equitum concidit, captis ipsomet Colonnello & supremo eius vigiliarum Præfecto. Septimo decimo Septembris expediuntur duo millia militum ad S. Nicolaum ciuitatem & amplitudine & munimento visendam, quam cum Galli pœne omnes ægri insiderent facile fuit nostris irrumperere, & mactatis aduersarijs pro libitu prædas agere opimas.

CAPUT XVII.

De Progressu Ducis Lotharingia contra Gallos.

Die vigesima Iulij Ibernii nostri ab hoste reduxere triginta sex captiuos ;

uos; Hungari vero octoginta, præter
eos quos occidere plures. Vigesimo
septimo eiusdem mensis Galli annuam
Natalis Regij commemorationem fe-
sto tormentorum sonitu ter repetito
concelebrarunt, cuius tumultus cau-
sam cum nostri ignorarent, totam no-
ctem in armis exegerunt, biduo post
hostes sua castra soluerunt. Altero O-
ctobris die Serenissimus Lotharingæ
Dux amicorum literis certior factus,
quam sine negotio Wimarius cum o-
mni Gallorum exercitu à Gallasso in-
terneccione deleri potuisset, adeo indo-
luit, ut nullius sermonem sed ne con-
spectum quidem etiã intimorum suo-
rum sustineret. Cum & ab hoste com-
pulsii fuissent nostri Moguntinam ob-
sidionem soluere, & ob victus penuriã
(cuius defectu magna indies militum
multitudo peribat, cum amphora vini
duobus Imperialibus, & panis libra tri-
bus florenis solueretur) aliò tantisper
recedere. hostis quoque easdem mise-

rias ferens, vltra subsistere non potuit, cum pabuli inopia equi indies magno numero caderent, ita vt relinquere in discessu viginti tormenta bellica maiora cogeretur. Poterat vtique tunc Gallassus magnam in hoste stragem exercere cum ipse cum quadraginta militum millibus lento passu, sine vlla hostis infestatione, Wimarium. Mussipontum euadere sinit & cum Mareschallo de la Force vires coniungere. Et hoc erat quod Lothoringum pessime (vt par erat) habere poterat: tristior itaque septimo Octobris die, de re bellica consultaturus ad Gallassum proficiscitur. Hoc in itinere, ab emissis in eam rem exploratoribus intelligit Dux Regem Galliae non inde procul venationi operam dare, contra quem comprehendendum ipse Dux cum millibus aliquot egressus est, sed nescio quo fato aliò deerrans ab itinere recto & Rege deuiavit. Circa eadem tempora Fortissimus Campiductor Ioannes de Werth cum paucis

pauculis Legionibus contra hostem, qui tunc fortè per Pagos dispersus hærebat, movit, sed cū ille in tēpore monitus esset de Werthi aduentu, fuga salutem redemit. Quem postridie ulterius persecutus in planissimis campis reperit, & ad velitandum coëgit, ac viginti quatuor turmas ita salutavit ut ne vnus, sed ne vexilla quidem, (quæ ipse in nostra castra gloriôsè deportavit,) superesset, Quin & reliquæ aduersariorum legiones, relictis mille quingentis curribus fugam dedere; currus porro cum defectu Equorum Ioannes abducere non posset, igne concremavit. Sexto decimo Octobris castra movimus versus Blomont arcem nō ignobilem, quam tunc Galli tenebant, hic cum de nostro accessu cognouere, arcem disturbatis turribus & muris confestim destituerunt. Atque sic tandem Gallasica castra attigimus viresque nostras coniunximus, cumq; hostiles copię à nobis nonnisi duarum horarum

spacio abessent, vallis fossisque ita nos
sepsimus, vt nullus aduersariorū machi-
nis pateret accessus. Interim optimus
Lotharingiæ dux, non putauit æquum
tantum se defensiue contra Romani
Imperij hostes gessisse, nisi & offensiuā
arma contra Wimariensem Marte pro-
pitio expediret. In Wimariensia itaq;
impedimenta cum incidisset & saluum
conductum fudisset, ipsos currus cum
prouehere nō posset vna cum rormen-
tis bellicis, concrematis rotis omnia
disperdidit. Quam iniuriam non feren-
tes Galli magnis copijs in nos irruere,
tantisque viribus nostros prouocauere,
vt totum diem Croatæ, Hungari, &
Poloni rem gerere, & eorum impetum,
moderate sustinendo, infringere coacti
fuerint. Vniuersus exercitus noster tunc
nō sperabat aliud quam atrocissimum
prælium, sed Ducibus visum vt in com-
modiora tempora differretur. Quanta
interim hic militū & equorum fame &
tabe pereuntium multitudo in castris
nostris

nostris fuerit dispersa, difficile est dicere difficilius credere: Dolebant plerique tot martios animos extra prælum inter amicos sterni. Postridie cum stationem suam aduersarj nostri soluisset insecutus est eos Werthius satius ratus gloriose in prælio occumbere, quam in castris desidem cum inopia luctari. Eius reditum cum præcipui ducum auide expectarent, tandem sine magno fructu redijt. Hoc tempore Gallassus ad sumptuosissimas epulas ducum præcipuos inuitauit, & primum quidem locum in mensæ capite occupabat Dux Florentinus, eius latus cingebant dexterum quidem Legatus Eminentissimi Electoris Moguntini Archicancellarij totius Imperij, Comes de Gronsvweig Tormentis præfectus in Ligæ exercitu; Gallassus, Werthius, & Marchio Passampier generalis vigiliarum præses. Sinistrum autem Eminentissimi Cardinalis Hispaniæ Legatus, Colorado generalis Marschallus in exercitu Impera-

torio, Comes de Götz locumtenens
Mareschalli, senior item V Vangler vi-
gilijs præfectus alijque nonnulli gene-
rales pro sua quisque conditione: Nec
erat ex colonellis vllus qui illi mensæ
affideret. Die tertio & vicesimo No-
vembris dissolutis castris Pfaltzburgo
Tabernas contendimus: sunt Tabernæ
locus admodum munitus & ex præci-
pui Alsatix munitionibus, quem re-
center à Gallis recuperauerat Marchio
de Grana. Hoc loco aliquamdiu sub-
stitit Gallassus, & ne miles otia retus,
iussit valla instaurari & munitioni isti ea
addi quæ deesse videbantur. Non de-
fuit Malesuada fames, quæ nostrum
exercitum identidem secuta est. Vidis-
ses amice Lector hoc in itinere si vnquā
alias splendidissimam miseriam, ma-
tres parvulos suos exponebant, ne ipsæ
essent tam crudelis mortis testes ocula-
tæ; vidisses militum præcipuos inter-
niues animam fame extortam reddere
& qui nulli hosti externo vnquam ces-
serant

serant nunc domesticæ miseriæ victas.
vltro porrigere dextas: vidisses passim
in cadauera equina & bouina sedulo
inquerere militem, vt tantisper animam
ad euolandum promptam retineret.
Has inter miserias coacti fuerunt belli
Duces exercitum diuidere, & aliquam
quidem Ligæ partem ad Treuiros, aliam
ad Leodienses ablegare. Cæsareanas
verè copias tripartito secuerunt, par-
temque vnam seniori Colorado Gene-
rali Mareschallo, in confinia Galliæ du-
cendam commiserunt, alteram iunior
Colorado Vice-Mareschallus in Bur-
gundiam abduxit. Tertiam sibi Gal-
lassus retinuit. Nostra tunc Legio cum
Generali Præfecto vigiliarum Wan-
gler in hyberna abiit, recta igitur Bo-
ckenheimium direximus iter, quod
non ita pridem Duci Lotharingiæ à Cæ-
sarea camera Spiræ post longam contra
Nassovium disceprationem cum vigin-
ti quatuor pagis assignatum fuerat, dein-
per Sarbrück transiimus, est ea ciuitas

fatis ampla in medio Saræ cōstituta, visiturque in ea arx magnifice exstructa, conclauibus & aulis egregijs visenda. Incidi hîc in Nobilem Dominam Marchionis Turlacensis Filiam Mariam Elizabetham, Comiti Nassoviensi tunc nuptam, quæ disertissimè linguam Latinam loquebatur, Philosophicisque etiam disciplinis commode exculta erat, versus item artificiosissimè in metrum stringebat, multâ militum nostrorum admiratione. Hinc in VValderfangk à Gallis infessum progressi sumus, à quibus oppidum nobis tradi postulauimus, qui cum rennerent vi cepimus, & ad vnum omnes in præsidio existentes mactauimus. Hoc oppidum hybernis nostris assignabatur, cum vero id abnuisset Colonelus noster ob victus inopiam, atque ad Gallasum indiguitatem rei detulisset, ab eodem nihilominus iussus est iterum locum illum acceptare. Hoc anno exeunte ex Poloniâ nobis suppetiæ missæ sunt octo millia

millia militum selectissimorum, quorum vexilla hanc præferebant Epigraphen Avis Aquila grandis, magnos hostes pellit. Quilibet militum eorum duplici armabatur acinace, altero ad latus proprium, altero ad equi ephippiū alligato. Eodem tempore ad nos perscriptum est de diffensione inter Gallos, Scotos, & Anglos exorta in Hollandiæ partibus, sicut & de luculenta Gallorum clade istuc accepta. Quod item Dûnkirkani viginti supra ducentas naues ab Hollandis obtinuissent. Ducem item Roannensem Regis Galliciæ per Italiam Mareschallum rem infaustè contra Hispanos gessisse, & vna cum eximio exercitu Ducatum Parmensem è manibus Gallicis dimittere coactum esse. Postremo Decembris die Vice-Mareschallus Colorado, vna cum Mercy & Passampier ad Luxeuburgenses mouit, eo quod V. Vimariensis Dux Bernardus nescio quas turbas ciceret.

Ad Annum Christi M. DC. XXXVI.

Ingressus.

Ineunte anno supra fcsquimillesimum centesimo trigesimo sexto, dux noster extrema pressus inopia, omnem indagavit viam se à duplici hoste fame & Gallis defendendi, Illam itaque ut expugnaret, hos aggressus est, ac copias suas cum Theonis villam abduxisset: in ripà Mosellæ fluminis cui ciuitas adiacet explicauit. Ducit hoc flumen nomenclaturam suam à confluentià Mosæ & Sellæ. Mosa enim postquam à montibus Alsatix prorumpit vario ambitu ad Sellam ciuitatē flumini cognominem cum Sellâ fluvio se coniungit; & ne auctori Sellæ ingratus sit Mosa nomen eius suo adsciscit Mosellaque deinceps nuncupatur. Hic dum subsistimus Molitorem prope metas habitantem aduersarium habuimus sane infestissimum; Eum Necromanticum multi putauerunt, sed vanis reor augurationibus, cum ipsum potius militari solere

solertia omnia sua præstitisse opiner. Hic dum multa varijs in locis damna militibus intulisset, tandem & ipse à rusticis circumuentus est & occisus. Generalis noster ad Theonis-villam ponte nauali stravit Mosellam, cuius ope omnis exercitus traiecit. Postea vero cum rite omnia ordinasset, ipse Bruxellas ad Eminentissimum Hispaniarum Cardinalem abiit, de rebus bellicis consilium petiturus.

CAPUT XVIII.

De Initio & causis Belli à Lotharingia Duce contra Gallum suscepti.

CUm Gallorum Rex Ludouicus XIII. videret se confœderatis sibi Suecorum copijs contra Cæsarem commodè suppetias ferre non posse, nisi Lotharingiæ ducatum certum & securum in Germaniam aditum obtineret, petijt primùm consuetis Regum, hoc est, armatis precibus, à Lotharingiæ

giæ Duce Carolo III. eius nominis, ut sibi ad tempus quasdam vrbes in suo Ducatu relinqueret. Quas cum se prudentissimus Dux citra totius patriæ interitum Francorum Regi negare non posse videret, ne se simul suosque perderet annuit postularis quantumvis sagacissimus Princeps probè perspiceret quo transuersum res tota itura esset. Non steterunt hoc loco machinationes Ludouici; cum enim tam felici principio vidisset Ducem, quem consensurum haud putauerat vrbes suas sibi concessisse, plura postulare est ausus; accitum ergo iussit arma quæ pro Imperatore Ferdinando contra Sueciæ Regem sibi fœdere iunctum susceperat, deponere, sibi que in suam suorumque securitatem dare Nanceium munitiorem Lotharingiæ totius præcipuam. cui Lotharingiæ Dux pro ea qua est humanitate, respondit id fieri difficulter posse, excusans feuda quæ ab Imperio haberet, ideoque ut fidelis Vasallus de-
bere

libere se Domino feudi in necessitate succurrere: Quod ad Nanceium suauissimè apertam iniuriam apud Ludouicum Iustum est deprecatus, cumque Rex acrius ita se fieri velle vrgeret, apertè diserteque negauit se à Cæsarianis partibus abscessurum, cum maiores sui ab omni retro vetustate pacta conuenta cum Cæsaribus semper inuiolata sanctè seruassent. Hæc res, quæ Duci Carolo laudem fidelitatis dare debuerat, initium fecit Gallici in Lotharingiam domum odij. Interim vt belli iusti causam plebi Gallus obtruderet, spargi in vulgus fecit Carolum contra se cōspirasse; ac velut Vasallum Gallicæ coronæ obedientiam debitam negare: sororem in super suam, contra inhibitionem Regis, & Regni statuta Fratri Regis obtrusisse coniugem, &c. Itaque Nanceium valido exercitu cingit, atque post aliquantam obsidionem in suam potestatem cogit. Reliquerat id temporis Carolus Fratrem suum Nicolaum
laum

Maum Franciscum Sacræ Romanæ Ecclesiæ olim Cardinalem qui Ducatum in sua absentia cum pleno iure regeret, paciscereturque amicitia conseruandæ gratiâ Neutralitatem pro se suisq; tunc subditis ad libitum cum Galliarum Rege, & vel sic ipsum placaret, sed nec hoc quidem ex voto cessit; capta enim vrbe, & Cardinalem nuper, vna cum recens Nupta Claudia in captiuitate detinuit, probeque, custodia adhibita intra domesticos parietes conclusit. Hi cum se retineri tam sollicitè vidissent suspicati quod res erat, de clandestina fuga cōsultare inter se cœperunt: adhibitis dein in consortium consilij fidelioribus aulicis, honestam fugam, probrosæ captiuitati, quantumuis iniquæ præponendam esse seriò concluderunt. Posito ergo Ducali habitu, plebeias & rusticas vestes adsciscunt, impositisque dorso fimineis corbibus, veluti fimum deportaturi in vineas dextrerrimè elabuntur, directoque Italiam versus itinere

nere reſiſſimis ſemitis deducuntur. Nec
minus Henrica Principis Pfaltzburgen-
ſis coniux prudens inuenit euadendi
commentum. Erat tunc forte Iuuenis
ex optima Angliæ nobilitate oriundus
in vrbe, qui ob tibiæ periculoſum do-
lorem vouerat ad dies aliquot Sacrum
Deiparæ Sacellum, miraculis clarum
inuiſere, Hic in ſuo eſſedo, quo vehe-
batur hanc Principem abſcondit, edu-
xitq; ad Sacellum vbi erant equi diſpo-
ſiti, qui vtrumque in tutiora loca hoc
eſt in Comitatum Burgundiæ deporta-
rent. Hinc poſtea periculosa audacia
per Gallias cautiffimè proſecti, in duos
Equites nobiles forte fortuna incide-
runt, qui Dominam hanc comiter ſalu-
tatam agnouerunt, cum vero ſe depre-
henſam vidit ad preces cōfugit, rogans
viros Gallos ne qua ſibi Principi ſcēmi-
næ fraudi eſſent, vel hoſtibus prode-
rent. Quod ipſi polliciti, ſecuram Bru-
xellas dimiſerunt. Margaretha porro
altera Ducis Lotharingiæ ſoror, & vxor

N

Fratris

Fratris Regis Galliarum virum mentita Nanceo Theonis villam delata est. Domina denique Nicolaa vxor Ducis Caroli capta Parisios deducta est, vbi etiam nunc detinetur.

Rex Franciæ cum totum Lotharingæ Ducatū sibi subiecisset in ciuitate Barrensi æneam erigi iussit columnam cui inscribi fecit causam proscripti Ducis, vetuitq; Nancæi, edito & in publicum evulgato edicto, ne post hac ab vilo cuiuscunque status aut conditionis indigena vel extraneo Carolus Lotharingæ Dux appellaretur. Mox in Religiosos sæuitum est, pluresque Lotharingiâ esse iussi, reliquis seuerè inhibita est, ne post hac pro alio quam Galliarum Rege preces in toto ducatu funderent. Quàm verò id recte, viderint æqui rerum æstimatores. Scio quoque certorum & fide dignissimorum virorum relatione id ipsum etiam pluribus in tempestate Suedicâ ex Germaniâ in gallias exulatū exactis contigisse, quib. & vincula

cula interminata & carceres, aliæque pœnæ statutæ si post hac pro Romano Imperatore solennem Ecclesiæ precationem, quam ipsi quoque Galli suis missalibus imprimunt, publicè pronunciarent.

Sexto decimo Ianuarij Colonelli Corpus, & Ludouicus Croatarum Legionibus Præfecti cum nostris Dragonibus septem Equitum Gallorum turmas viriliter ceciderunt, interceptis cētum quinquaginta Equis. Trigesimo eiusdem Longovicum perreximus arcemque vicinam Gallico præsidio firmam obsedimus, nec multo post ad paciscendum Gallos coëgimus. Sub hæc tēpora Moguntia & Confluentia aliæque adhuc vrbes ad Imperatorem redire. Vigesimo septimo Februarij iussimus Martisvillam aggredi, paruerat illa nuper partim Hispanis partim Lotharingo, iam verò ciues aduersarijs soluebant vectigal strenueque contribuebant hosti, vt vero paulo post no-

stris se subdidit armis, quatuor Scutorum aureorum millia (Duplones vocamus) iussa est pendere nostro generali Colorado, & quor septimanis mille imperiales militi. Arlunam quoque civitatem cepimus quæ nomen à Luna sortita est, cui olim indigenæ aram erexerant, cuius monumenta etiamnum hodie spectantur. Arluna ergo dicitur quasi Ara Lunæ. Veris huius anni, initiū sicut & reliquus progressus asperri-
mus fuit, ita ut miles malè vestitu instructus vix posset se à frigore defendere: multi rudes boum suumque pelles arcendo frigori corpori circumligabant. Ineunte vere Croatæ tres Legion-
es Gallorum animosè adorti omnes contrucidauerunt, pauculis primoribus quos in captiuitatem abduxerunt exceptis. Poloni quoque & Hungari opimas tulere prædas, sed cum se auro locupletassent, pugnam renue-
re quoad Mercy pontem naualem struxit, per quem transire omnes compulsi

ut in Campaniam excurrerent gallosque infestarent, quod paulo post declarabitur.

C A P V T XIX.

De Progressibus nostrorum contra Gallos.

LEgio nostra in mandatis acceperat pontis aditum custodire, quo ad omnis exercitus transisset, in quem finē subitaneum opus immanem securumque aggerem egresserat contra hostium nobis imminentium incursum. Cum vero Poloni negarēt se pugnare posse aut velle, nisi stipendia ipsis soluerentur, imo retro ad hyberna pristina cederent, nostra legio coacta est adulta nocte fugam capessere, pontemque post se accensis iniectis fascibus, asseribusque in Mossellam deiectis disturbare. Hinc Aruillam contendimus ac stationem illic ad tempus fiximus, multaue inde Gallis damna dedimus. Dici haud potest,

quantam Croatæ Dragonisque nostri
hiscæ in partibus exercuerint sæuitiam,
pagos obuios concremando, depræ-
dando vrbes, trucidando sine discrimi-
ne nobiles ignobilesque, mulieres no-
biles sacrasque Deo virgines ad suam li-
bidinem rapiendo, prædas iniustas fa-
ciendo. Diuis dicatas Ecclesias violan-
do, pudet dicere, non reor ipsos Tur-
cas Saracenosque grauiora vnquam da-
mna in ferre Christianis potuisse. At-
que, quod maxime detestandum est,
hæc omnia impune faciebant milites,
indulgentia vtique eorum qui exerci-
tui summo cum iure præerant, qui vt
se locupletarent, nihil pensi ducebant,
iurene an iniuria miles præliaretur, nec
curabant magnopere an amicis an
ab hostibus prædas abstulissent. Vnde
mox Diuina ultio nostros nec lento pe-
de insecuta, hostilique manu in ea loca
vnde exieramus repulit, vbi in explica-
bilis erat annonæ difficultas. Rustici
quoque nobis infesti, plures nostrum

ex insidijs partim, partim aperta vi mactabant, & vbi arma deerant, sudibus palisque res rustica agebatur.

Quartâ & vigesima Martij cum Lotharingiæ Dux iterum se negatorum causa Bruxellas contulisset, in Vice-Mareschallum Colorado Iuniorem circa Luyr Galli impetum fecerunt, & licet Colorado se tunc virum fortem, impetum multo tempore sustinendo, hostique obstando præbuerit, ipseque semper in prima acie pugnarit, dissipatis tamen copijs captus est, Parisiosque abductus. Hoc anno etiam plura quam viginti militum millia fame enecta sunt: atque illa erat tunc pugnandi ratio vt integri exercitus qui nec hostem viderant vnico quasi flatu dissiparentur. Decimo Aprilis nostri missi sunt, vt aditum Metis vicinum interciperent, sed non multo post non sine clade & ignominia redire compulsi sunt. Non procul hinc rustici plusculi tumultuantes in arma ruerant, qui ex syluis & insidijs militem

hoc fere modo propinabatur. Reclinabatur supinus rusticus, intra cuius dentes intericiebatur bacillus, qui patulum & apertum rictum retineret, tum verò tamdiu infundebant aquam quoad distento instar tympani ventre præfocaretur, vel pecunias absconditas panderet. Hanc tantam in humanitatem immanitatemque pio Lectori detestandam execrandamque relinquo. Hoc anno, qui fuit multorum sermo, fides sit penes Auctores, Galli Imperatoris Effigiem Virdani in crucem seu patibulum ignominiosissime egisse dicuntur: quod quidem ego haud reor. Quis enim credat tantam in Principem optime Catholicum iniuriam à Regi Christianissimo subditis impunem esse permissam? Calendis Maij ex Sebachianâ Legione turma vna Gallorum sensit victricia arma Lotharingiæ vero Dux obsidere cœpit Leodium sine fructu tamen aliquo, cum ciues essent & viribus & loci securitate superiores. Interea

sub nonum Iulij Dux Bernardus Wi-
mariensis cum Cardinale de la Valet
Gallo validissimum exercitum admo-
uent Tabernis Alsaticis, simulque com-
meatum, quo omnino destituebatur,
Haganoam deducunt, opportunè ad-
fuere, cum magna illic glisceret fames.
Nos verò Luxemburgum versus iussi
sumus pergere, sed cum nos hostium
insignis turma impedire veller, resolu-
tis mox animis in eam mouimus, &
quamprimum in fugam coniecimus,
eam nostri secuti sunt ad ruderam templi
alicuius, ex quibus illa non sine sangui-
ne nos impugnauit, cum vero nos igne
iniecto contra ipsam ageremus fortius,
mori potius voluit quam se nobis de-
dere, pauculi ex turma illa per amplam
ingressi cauernam, inde acriter prælia-
bantur, quoad omnes vitam in sangui-
ne ponerent. Hoc eodem tempore Gal-
li ad Iuodium Polonorum pecora abe-
gerunt, simulq; prima irruptione duo
vexilla ipsis eripuerunt, quam ignominia
non.

non ferentes Poloni, convocatis viribus collectisque animis in Gallos denudò irruerunt, trucidatisque quadringentis, tria signa cum signiferis, & supremo vigiliarum Præfecto vno, pluribusque Tribunis in castra retulerunt. Mouerat interim Mercy cum octo milibus vt Ducem Wimarientem ab obsidione Tabernensi impediret, ac die septimo decimo in campis pabulantes ducentos Gallos offendit, quos cum equis ad sua castra deduxit. Die nona decima eiusdem Poloni iterum irruptionem in Wimarientes parant, ac felicibus ausis mactāt plusculos, capiunt viginti circiter non infimæ sortis milites. Hoc successu animosiores vicesimo tertio Huius egrediuntur iterum secumque quadringentos equos abducunt. His modicis cladibus nil motus Bernardus Dux premere pergit obsidionem, vnde ex Ibernorum Legionibus duæ mittuntur in succursum eorum qui ad Tabernas hostem impetebant;

tebant; Per media itaque hostium castra Saræ-pontem primo, inde in Hom-buch, tum per Keiserslaudern, Neostadium in Palatinatu inferiori sitū, hinc Landauium magnis itineribus prope-rauimus. Hic etsi Gallasum non procul ab Argentinâ validum exercitum habere, pontemque non procul inde naualem struxisse intelligeremus, Tabernis tamen succurrere vel non potuit, vel neglexit. Interea hostis immaniter quatit mœnia, & suis spem facit vi occupandæ vrbis: Hic cum Iberni periculū imminere vrbi viderunt, in hostem strenue excurrunt, in qua excursionē Butleriani egregie se habuerunt: ducebat eos tunc forte Colonel-lus Mulheim, cum quo non minoribus animis recta in hostem ibant Capitanei Stivin, Alexander MacDaniel, & Petrus Geraldinus. Ex hostibus occisi Ducen-ti circiter, ex quibus officiales viginti, inter quos Generalis Hebron Scotus, & Comes Hanoviensis, ipse etiam Dux Wima-

Wimarius secundum manum leuiter vulneratus. Nondum cogitabant tunc Tabernenses ciuitatem dedere, nisi miserabilis & obscœna fames eos etiam nolentes ad deditiōem compulisset. Cum ergo cōmeatus omnis defecisset, ita ut ultra prœliari ex hâustis viribus nō possent, viderentque hostium in obli-
dione pertinaciam die quintâ decimâ Iulij pacti sunt ciuitatem his conditi-
onibus tradere.

I. Ut vexellis pansis egrederentur.

II. Ut liceret cuius sua impedimen-
ta auerere.

III. Ut militari modo paratis ad pu-
gnam armis ad Gallassica castra dedu-
cerentur indemnes.

Gloriose sane præsidiarij se defen-
dere, octo enim insultus cum graui ho-
stium incōmodo animos è repulerunt,
& licet Tabernas Cæsari seruare non
potuerint immortalem tamen laudem
sunt consecuti. Sub vigesimum ter-
tium Iulij Hungariæ & Bohemiæ Rex
Ferd-

Ferdinandus III. castra nostra inuifit, atque ab omni exercitu maioribus minoribusque tertium exoneratis fistulis est salutatus. Cumque vniuersa rectè ordinasset in Marchionatum Badensem est reuersus; Quocum iuit Lamboy vir in paucis strenuus & rerum bellicarum imprimis gnarus qui quinque Legiones ducebat, inter quas erat legio Iacobi Gordoni. Hic Lamboy paulo post Brisacum cum suis discessit, seque cum Reinacher coniunxit, qui militi enerui in tres dies commeatum liberaliter vt potuit præstitit.

C A P V T X X .]

De vltiore progressu nostro contra Gallos.

BRisaco, Commeatu, vt dictū est, in triduum instructi, per Dann in Burgundiæ Comitatum mouimus. Burgundi sanè nouos nos hospites liberalissimè habuerunt, nilque nobis ex bonis

nis omnibus subditorum, præter Ecclesias & molendina, sanctum esse & clausum voluerunt. Est cæterum Burgundiæ Comitatus fertilis omni genere rerum vini & frumenti ferax. Hic dum quiescimus tantisper, Croatæ nostri ex insidijs in sylua Gallos expectant, quos cum magno impetu in nos tendere vidissent, à tergo ex improviso adortos egregiè salutant, mactatis eorum plurimis captis reliquis. Hinc ad Balansanam arcem expugnandam ducti sumus, quam post aliquas molestias superatas vndecimo Augusti Gallis eripuimus. Hic cum prætereā nihil obstaret, vt copias nostras cum Burgundicis coniungeremus, viginti quinque millium exercitum confluximus. Die vigesimâ terciâ Augusti Serenissimus Lotharingæ Dux cum quatuor militum millibus ad nos accessit, vt toti exercitui cū imperio summo præesset; quem festo bombardarum sonitu submississimè salutauimus, ipseque nobis vicissim quaverbis

verbis qua signis, Galerum semper manu præferens, summam humanitatem exhibuit. Obsidebat tunc Dolam ciuitatem Burgundiæ & omni munitionis genere, & bonis literis clarissimâ Princeps Condæus Gallus cum eximio & selecto exercitu, contra quem arma expediuius; Hic verò cum vires nostras maiores, quàm crediderat, audiuit, haud securum expectare ratus, succensis tentorijs soluit castra, & fuga infami quidem sed secunda elapsus est. Nostri etsi libentissime aduersarios insecuti fuissent, quia tamen vineta, inter quæ incedebant, expeditum cursum impediabant, spiritum promptum licet ægrè admodum comprimere debuerunt. Obsederant hanc urbem tribus ipsis mensibus maximis impensis Galli, sed propè nihil laude dignum, vel memorabile tota illa obsidione peregerunt, & pro gloria summâ ignominiam retulerunt. Soluta igitur obsidione pars exercitus nostri in vltiorem

rem

rem Galliam promouit, pars in Burgundia in omnem fortunam intenta, substitit. ne tamen plane otia rentur vigesimo secundo Augusti septem equitum Gallorum turmas omnimodè disperserunt. Lamboy vero ponte strauit fluvium, per quem exercitum suum Graium versus traduxit. Est porro Graium ciuitas non tam vasta quam munita, aptaque sæuientium hostium furorem retundere. Hic dum subsistimus multa hinc inde hostibus damna dedimus, quoad vndecimo Septembris castra nostra soluere iussi sumus, ac nostras copias cum Gallassianis iungere, intendebat enim Gallas Wimariensem cum Cardinale de la Valet in vltiorem Galliam cogere, ne post se vllum metuere deberet exercitum. Hoc in itinere Croata quidam nescio quo fâto in Burgundicorum rusticorum manus solus delatus est, quem expoliatum omnibus viuum inhumarunt; Triduo post cum nostri Dragones il-

O

lum

lum locum transirent viderentque infuetum & novum illic tumultum putarunt preciosas illic res defossas latere, effossaque humo, in Croatam nondum ex animem inciderunt, qui cum erecto brachio petisset auxilium se surrigendi, mox rogavit quis ille esset dies? verneris responderunt nostri, Itane vero, ait, ego tertium iam diem hoc in Ergastulo egi, dies enim Mercuri erat, cum viuis à pessimis Latronibus rusticis ad mortuorum sum delatus habitaculum. Septimâ & vigesimâ dicti mensis die Gallassianas copias attigimus, & mox sequenti die vigesimâ octava contra Gallos non procul à nobis dissitos egressi sumus, qui cum de nostro aduentu audierunt, mox metu dilapsi sunt. Hic verò dum Marchionem de Grane cum tormentis bellicis expectamus, varij excursionib. nostri plures hostium in castra adduxerunt captivos. Pridie S. Michaëlis Archangeli Marchio de Grana adesse nunciatur, Gallas ergo
conuo-

conuocatis ipso Archangeli festo omnibus Generalibus & Officialibus inuitauit eos ad Missæ Sacrificium, & Concionem audiendam quam Pater de Societate JESU habuit, egitque de pugna S. Michaëlis in rebelles cælo Angelos, ductaque inde similitudine, vniuersos ad fortiter præliandum pro DEO & Cæsare hortatus est. Hinc contra hostem mox itum est, mandatum enim Regis Hungariæ urgebat vt res prælio decerneretur. Sexto Octobris die Dux Wimarius Croatas infauistis auspicijs impetere voluit, Nam cum militem nostrum præter spem vigilem reperisset, quam Croatis intenderat, ipsemet cladem tulit. atque tunc Croatæ post cæsos plurimos duos Tribunos cum Equitibus octo & quadraginta Equos cœperunt. Hac clade accepta Wimarius ad dolos animum conuertit, emisit enim in Castra Croatarum ex diuersa parte turmam duplicem, cumque vna in Croatas pergeret, Croatæ

nil ex altera parte periculi metuentes, totos se in eam partem conuerterunt, cumque hostem in cautius longiusque insequerentur, altera turma ex alia parte irruit, omnesque eorum currus & impedimenta subducit. Hæc dum fiunt: epulabantur interim & Baccho litabant plurimi, cognita vero post modum fraude, deinceps magis magisque hostem obseruarunt nostri, nec audebant ante in campum egredi, quam Piccolomini & Ioannes Werthius aduenissent. Interea Marchio S. Martini cum Butlero Generali vigiliarum Præfecto aduenit cum octo militum millibus & duodecim tormentis bellicis. de quorum aduentu hostis monitus, solutis castris aliò abiit, quem vigesima Octobris in silentio sine sonitu buccinæ & tympani plena & formata acie insecuti sumus numero circiter ad quadraginta militum millia, hoc fere ordine. Quatuor Legiones agmen ducebant in acie, has sequebantur pedites conclu-

conclusi ex vtraque parte insigni equitatu, succedebant ex parte dextera & sinistra tormenta maiora centum omnino & triginta, quorum medium legiones aliquot tenebant. Ita igitur progressi vigesimo quarto die eiusdem venimus ad oppidum Mirbo, ad Marchionem de Mirbo spectans, Hic cum se Gallicum præsidium dedere nollet, à Butlero & Wangler vi expugnatum est cæsis omnibus præter eos qui ad arcem confugerant, quibus incolumitatem si se dederent sponponderunt. Vigesimo quinto Huius Croatæ nostri Postilionem cum literis Regis Galliarum ad Cardinalem de la Valet interceperunt. quo eodem die iussi sunt Dragones omnes Lotharingiæ Ducem sequi, quos vigesimo nono sub noctem applicuit ciuitati quam Galli nominant S. lean. de Loan.

Calendis Nouembris horâ noctis prima Gallos in suis propugnaculis impetiuimus & felicibus auspicijs expulimus,

mus, pugnauius dein & mœnia maioribus tormentis quassauimus donec diluxit. Ducebat tunc forte agmen & semper in prima acie præliabatur Generalis præfectus excubiarū Enckeforth miles sane masculus, hic sua præsentia adeo militem animabat, vt contempta vita in propugnacula, tanquam si nostra forent eniteretur. Superatis his omnibus denuo mœnia quassa sunt à matutino scilicet diluculo, vsque ad horam pomeridianam tertiam, sequentem vero noctem quietam exegimus. Sum vesperam tamen tormenta nostra alio reducta sunt, vocatique omnes Dragones exceptis solis Ibernis & Scottis qui periculis quam maxime erant expositi, seu id factum fuerit odio gentis alienigenæ, an negligentia & obliuione haud liquet, certum est eos hac in statione tam viriliter pugnasse vt spectatores meruerint habere summos viros, ipsum etiam Gallassum, Duces Lotharingiæ, Florentiæ, Portugalliæ, Colredo,

loredo, Marchionem de Grana Comitem Rippergensem, Baronem de Suis, Lamboy, Fernamont, Mercy, quoad ipsis tandē suppetiatum missus est, iussu, ut creditur, Ducis Lotharingiæ Colonellus Verni cum duabus Equitum turmis, quorum ope hostē repulerunt non sine graui clade. Immortalem sibi tunc laudem peperit Waltherus Deveroux, qui illic cum Imperio præerat. In Societatem vero fortitudinis eius venerunt Colonelli Worlochi, & Salomon de la Mouille. Vice-Colonelli D'esmond, Iacobus Gordon, Florinus Fürstennavv. Ioannes Henricus Gallvigiliarum Præfectus, Capitanei Stevin & Robertus Purcer omnes Iberni. Posthæc voluit hanc solui obsidionem Gallassus, quanta vero confusione credi haud potest. Hostis videns nostros vnde venerant redire magnis animis insecutus est, nostrosque validis armis lacessivit, tandem diu ancipiti pugna Galli in fugam abierunt, nostri ve-

ro ad Mirbo castra seu statua posuerunt.

CAPVT XXI.

De vltioribus contra Gallos Progressibus.

AD Mirbo dum subsistimus, nulla memorabilis expeditio suscepta est, nisi quod tormentis bellicis se aduersarij exercitus impeterent. Summa hîc perpetienda fuit inopia, cui subleuandæ commodum vicesimo Nouembris adducti sunt centum currus com meatu instructi, quos commiseratione militum passim deficientium fame, ductus, miserat in exercitus aliquantulum refocillationem Gallassus. Quam hoc loco Burgundiones rustici cum nostro milite iniquè egerint, nemo mihi asserenti quamuis oculato testi credet. Hi militem sibi ante paucos menses salutarem morte & quidem violenta remunerati sunt, ita vt nec ipsis etiam primoribus

moribus exercitus pepercerint, si qua in eorum manus delaberentur. Ita semper beneficia aliquando præstita nauſeantur, præſtanda vero multis votis expetuntur.

Hic edocti ſumus de clade Hartzfeldiaca quam Banirius prope Witſtock intulit iniuria an incuria nescio. Hæc fuit cauſa cur retro nobis cedendum fuerit. Allatum quoque eſt nuncium de Ferdinandi III. inauguratione in Regem Romanorum: quantam illa res in exercitu cauſauerit lætitiā calamus difficulter exprimer. Sed & in Hiſpania fama tam læti nuncij fuit celebrata, vt enim Illuſtriſſimus Comes de Schönberg Cæſareus apud Hiſpanos Legatus ad Regiam aulam inſperata hæc noua detulit. Rex continuo inſolita lætitiæ ſigna dedit captiuos etiā magni nominis vinculis eximi voluit, Feſtos ignes ſuccendi, & ad duo Ducatorum millia in vulgus ſpargi.

Non multo poſt in Germaniam eun-

O ſi dum

dum fuit cum omni exercitu, sæuente frigore & altissimis niuibus, in quibus non pauci militum iam fame semianimes, reliquam emiserunt animam. Cum octauo Februarij Anni 1637. Syluam nigram (Germanis Schvartzvvaldt dictam) transiremus, delatus sum in monasterium ordinis Cisterciensis, in cuius templo vidi columnas vtrimque duodecim vastissime altitudinis ex vno Saxo continuo excisas, vidi & Bovinam pellem ex templi Tholo pendulam: quæ exuvix illius pecoris dicebantur, quod dictas columnas in eum locum Olim adduxisset. Pellis hæc, fateor, tantæ erat latitudinis quantam vix esse posse existimassem nisi coram inspexissem: an vero vires bouis vnus tanto ponderi trahendo suffecerint, penes eos, qui id asserunt, sit fides. Hinc profecti sumus septimo decimo Februarij ad Fontem salutis, hoc est Heilbrun, quo in loco vidimus Eminentissimum Dominum Electorem Moguntinum,
Prin-

Principem Portugalliæ, Marchionem de Grana, Generalem Geleen. Dehinc in Franconiam iuimus, in via assertur nuncius de quindecim turmis Hassicis casis, curribus trecentis commeatu onustis, interceptis, quos ad Ernbreiteinianam arcem suppetiatum miserant; Sicut etiam non multo post de ipsa arce tanti momenti à Ioanne de Werth capta. Adiacet hæc arx Confluentiæ ciuitati insigni quæ nomen habet à confluentia Mosellæ & Rheni.

Parta nuper victoria Banniricus exercitus totam late Franconiam, plurimo Francorum metu infestabat, huc ergo iussi sumus excurrere latrunculosque passim itinera infestantes compescere: vix hostis de nostro aduentu audierat cum per Syluam Thuringicam Erphordiam se subducit.

Mortuus est hoc Anno M. DC. XXXVII. Die quinta decima Februarij sempiternà memorià & longiore vita dignissimus Ferdinandus II. Imperator,

rator, multis calamitatibus diu exerci-
tus cœlo maturuerat, in aduersis omni-
bus Fidelis. DEI famulus, vir vitæ in-
nocentissimæ, prudentiæ singularis,
quem nisi cœlum terræ huic inuidisset
dubio procul æternare debuisset in so-
lio Romano. Magnifice ei Viennæ
Austriæ in templo Patrum Societatis
Jesu, quos semper, totamque Socie-
tatem, vt filios dilexerat, parentatum
est. Erexerant dicti Patres in medio
Chori ante altare præcipuam magnorum
sumptuum structuram tanto Cæsare
dignam, quam castrum doloris vocant.
Hanc structuram sicut & totum recens
exstructum templum atro panno ve-
stierant exornauerantque varia pictura
& docto Emblemate. Dum vero nos
in Franconia ageremus obrigit Capita-
neis nostris Stevin, Purcel & Geraldino
in Fuldensi Patria pagus ad quem
rustici trecenti confluxerant Ligonibus
alijsque similibus armis quæ cæcus im-
petus cuique dabat bene instructi vt
nostros

nostros illuc appropriantes prohibe-
rent, de quibus cum monuissent Colo-
nellum, Croatarum suppetias accepe-
runt: hi obstinatos in proposito cinxe-
runt, partim interfecerunt, partim in
captiuitatem abduxerunt, qui tamen
post quatuordecim dierum carceres
principis Herbipolensis precibus di-
missi sunt. Francones quidem pleri-
que sunt Catholici, ex ijs tamen præci-
pua nobilitas Lutheranum sequitur
dogma. Hinc ortum ut cum nuper
Nobilium bona fisco Cæsaris transcri-
berentur, Domini ad Saxonem Sue-
cumque transierint.

Mense Martio tanta in Fuldensi Ab-
batia fuit rerum omnium penuria, ut
equis & canibus mortuis non abstine-
retur, & hoc loco tamen post tam va-
ria Cæsari præstita seruitia Hybern-
dum nobis fuit, non quidem id Impe-
ratoris in nostros propensissima volun-
tate, sed eorum quibus omnis cura cō-
mittitur pudenda inuidia. Sed nec hic
quidem

quidem diu subsistendum nobis fuit, sub vndecimum enim Aprilis in Hassiam euocati sumus, vbi variè à Rusticis infestabamur, quibus tamen semper superiores esse conati sumus. Die sexto decimo Memingam venimus ductore Generali Geleen viro mansuetissimo. Cæsarique perquam fideli, inde postea vltcrius in Saxoniam progressi sumus.

CAPUT XXII.

De Successibus nostris in Hassia & a'ijs partibus inferioris Germaniæ.

Post diuturnam longissimorum itinerum emensionem, & per varios principatus discursionem in Hassiam denuo redijmus An. M. DC. XXXVII. quarta & decima die Aprilis. Postquam enim nostri felici auspicio cecidissent duodecim hostium turmas de exercitu Banniriano, ad Comitatum Honsteinnensem iussu Geleen Generalis nostri tantisper quieturi profecti sumus per Götting-

Göttingam (vbi nuper Suedicus miles virum religiosum viuum & spirantem excoriauit) & Dutterstadium. Hic Croatæ nostri varijs excursionibus, hostium plures mactarunt. Die vicesimo octauo Aprilis ad Bleicherodam portentum se nobis ostendit, Nocturnis enim horis apparebat crux candida miræ magnitudinis in aëre, ad quam contemplandam plurimi omnis sexus, ætatis & conditionis homines docti indoctique euocati concurrerunt, variæque super ea re pro genio & ingenio cuiusvis dictæ sunt sententiæ, alijs bonum sinistrum alijs ex eo augurantibus. Postquā pauculos istic dies substiteramus, nocturnis diurnisque itineribus curriculo in Wanfredt nos transportare iussimus, ad occupandum locum quem hostis non multo ante aliquantum dirutum reliquerat; eum miles noster vt accepit facili labore reparauit. Hic in nostros Croatas hostis primo se vertit, cui ipsi strenue aduersati sunt, ac altero die

die Maij, Tribunum vnum cum sexaginta captiuis alijs ac centum Equis in castra nostra adduxere. Fortibus etiam praelijs hoc loco nobi cōfligendum fuit: cum fame, cum enim & hominibus & pecoribus alimenta deessent, immaturæ segetes depascendæ fuerunt. Croa- tæ interim solennes suas excursions: continuarunt, ac multoties cētum du- centosue ab hoste captiuos reduxe- runt, adeo vt totus exercitus aduersa- rius maturrima fuga sibi consulere co- actus fuerit. Potuissēmus tum commo- de omnem hostem extinguere, sed cum Generales longius à nobis distarent: quorum arbitrio pugnandum erat, nec tam subito literæ perferrentur, occasio paulatim optima effugit. Sed & ipsi dum fugerent in Legionem Wahlij ir- ruperunt & vnā prope turmam omni- no pessumdederunt. Vicesima Maij Castra mouimus, præter vectique Mül- husium & Langensaltz die tandem vi- cesima tertia Erfurtum attigimus. Non
procull

procul hinc aberat Druckmüller cum
 Croatis & cataphractis, Hic vno impe-
 tu hostem aggreditur & bono euentu
 quadringentis captis sexcentos occide-
 runt, simulque cum impedimentis du-
 centos quinquaginta equos in nostra
 castra intulerunt. Intra hunc mensem
 quo hoc loco subsistendum fuit, saepius
 hostem ad pugnam lacessiueramus, sed
 cum nusquam compareret in campo
 iussu Generalium Geleen & Sperreuter
 ex improviso ad arma conclamatum &
 classicum cantatum est, quod audien-
 tes aduersarij in aciem prodierunt, sæ-
 uoque prælio nobiscum congressi sunt.
 Hac pugna vtrunque plurimi cecide-
 runt, vulneratusque è nostris est Patri-
 tius Purcel supremus vigiliarum præfe-
 ctus. Promouimus deinde castra, nun-
 ciosque Lipsiam ad Generalem Gallas-
 sum (illuc enim Pragâ dispositis Equis
 curriculo venerat) misimus, vt quid de
 cætero nobis agendum esset, intellige-
 remus.

Decima septima Iunij Gulielmus Wimaræ Dux, nostrum Generalem honoris gratia adiit pluribusque cum eo perhumaniter locutus est. Dum vero nos ad Hatzfeldicas turmas pergitur veniunt in succursum nostrum decem Croatarum Legiones una cum Legione Junioris Wangler & Legione Comitum de Broÿ, ita ut eadem hora simul in castra Hatzfeldica in quibus erat Götzius, perveniremus. Hic dum acciem in Bannirium paramus, ipse cum omni suo exercitu elabatur fuga, & celeri gradu, nostris semper vestigia hostium legentibus, Landispergam discedit. Cum verò Gallassus certis nuncijs accepisset Bannirium cum exercitu transire in Pomeraniam quo contendebat, commode non posse, concilio coacto conclusit transitum ipsi præmissis selectis aliquot equitum turmis, præcludere. In hac statione omnem quidem rerum copiam reperimus, præter aquam, cuius tanta fuit penuria, ut milites etiam

iam Paludes exantlarent, & arenosam
aquam per lineam strophiola decolarent.
Indigenæ Vandalorum lingua vtun-
tur à quibus Ducem suum stemma du-
cere longa retro serie demonstrant. Hinc
per Fûrstenvvaldt ad Spream situm op-
pidum, Custrinum contendimus. Est
Custrinum ciuitas ampla & fortis, quā
præter valla & fossas Odera circumla-
bitur, habet arcem forma & munitio-
ne elegantem. Hinc sex tormenta ma-
iora bellica petijmus & currus omni cō-
meatus & munitionis genere instru-
ctos. Tota isticaula pullo amictu Cæ-
sar's mortem lugebat. Optime igitur
commeatu & armis instructi obsidio-
nem Lauspergicam moliti sumus; sed
cum illam urbem hostis egregie muni-
uisset, difficile fuit accedere, cumque
propius ex vna parte castra metati esse-
mus, non sine clade recedendum fuit.
Cum autem exercitum nostrum hostis
notaret, & milite constare selecto & a-
nimos ad expugnationem esse obfir-

matos, biduo antequam nostri animaduertunt ex alia parte, relicta vrbe, effugit.

CAPVT XXIII.

De Progressu nostro contra Bannier.

Bannierius igitur, vt paulo ante dictum est, fuga dilapsus, castrametatus est, iam se non amplius conclusis mœnibus credens, sub aperto Ioue, in liberrimo campo intra Custrinum & Francofurtum ad Oderam, tormenta maiora quæ vel sibi vsui esse, vel ob eorum penuriam promoueri nō posse præuidebat, partim comminui, partim clauis obturari, partim in paludes, ne hosti seuirent, abijci præcepit. Erant ad istum aditum vnde euasit custodiendum septem Legiones destinatæ, quæ pridie quam hostis fugeret inde sunt auocatæ, cuius consilio, quoque animo, dispiciant ij quorum curæ res erat commissæ; cæterum indubitatum est quod hostis

hostis nunquam ausus fuisset tam strictis angustijs conclusus, nisi ad certissimum interitum erumpere. Sub duodecimā sequētis diei admouit Generalis Gallas omnium tormentorum maiorum arietes, factoque impetu nullo pene negotio Custrinum in deditiōē accepit, capto illic Vice-Colonello vno & quinquaginta circiter officialibus, reliquus miles Cæsari iurare coactus est. Hac nocte nostri Dragones cum alijs Legionibus ad hostem insequendam missi sunt. Ductoribus Comite de Schvartzenburg, Petro Gotzio. Cum in Quensburg venissemus, solennes Gotzius instituit epulas, adeoque se (pudendum dicere) vino ingurgitavit, vt ne tessera quidem militari excubitoribus dare posset, quod tanto magis periculosum erat, quanto hostis erat viciniōr. Ne tamen omnino sine militari tessera tunc ageremus, excubiarum præfectus cum multis Gotzium temulentum sollicitasset nec vl-

las articulas vocēs ab eo exprimeret, inarticulatam tandem notans, eamque ceu cesseram sibi datam interpretans, reliquo militi distribuit. Postero die ex insperato hostis classicum cani iubet, & contra nostra castra progressus praelium offert: cum verò nostri vnà non essent, cessere aliquantulum, mox vero per Custrinū pergentes reliquo nostro militi se iungunt vt in hostē denuo irent; quem viriliter aggressi fuderunt. In hoc praelio Brandenburgicus miles præ reliquis laudem tulit, Ipse enim Serenissimus Brandenburgiæ Dux. propriam suam Legionem emisit, quæ adeo fortiter in hostem perrexit, vt præter cæsos mille quingentos in captiuitatem abduxerit. Confecto praelio Serenissimus Elector Brandenburgicus Gallatū cum omni prope Ducum turma ad mensam inuitauit. Interprandendum de fide militum in Cæsarem orta sermocinatio; vbi mentem suam non celans Elector disertè dixit, mirari

mirari se Cæsareanorum Ducum vecordiam, qui cum hostem conclusum, non secus ac piscein reti aut leporem plaga venatoria habuissent, tã temerè falli siuissent. Quod cum Gallassus variè excusare conatus fuisset, tandem adiecit Brandenburgicus: Etsi ego de ruina Patriæ parum sum sollicitus, quandoquidem totum Imperium pessum ire video, hoc tamen scitote me Imperatori meo fraudes vestras accusaturum; atq; ita mensis sublati utrimque digressum est.

Post exiguam paucorum dierum moram, nos Strausbergam mouimus, Marchio verò Brandenburgicus Custrino Berlinum profectus est, quo in itinere Cæsaris equitatus currus Electoris inuasere, contra quos suam Elector emisit Legionem, qui paucis cæsis plures captos abduxerunt, & mox ex captiuis vnum ad suspendium condemnarunt. Interea crescebat indies fames ex defectu molendinorum, ita vt peditatus

noſter magna premeretur victus diffi-
cultare. Dragones noſtri ſyluam tunc
forte pro ſtatiuis occupauerant, in qua
ſollicitè ipsis aduigilandum erat, non
quidem hoſtilis irruptionis metu, ſed
noſtrorum potius latrunculorum inſi-
dijs, in ſingulas noctes nunc hac nunc
illac excurrebant, focijsque equos ab-
ducebant. Hic dum fames nos mul-
tum exagitaret, Brentzlauiam & iſthinc
Nouum Brandenburgum ire coacti ſu-
mus. Dedit verò nobis Gôtzius ad ci-
uitatem litêras, vt nos ad tempus intra
mœnia admitteret. Huc dum venimus,
iam occultis cursoribus contra manda-
uerat, vt nos vrbe excluſos neutiquam
ſuſciperent: atque hoc modo nos egre-
gius deceptor luſit. Pernoctandum igi-
tur nobis fuit in ſuburbanis pomærijs.
Adueniunt interea quadraginta Ad-
uerſariorum ſigna Dragonum aliorum-
que equitum, quæ cum omnibus excu-
bijs vacuas repetiſſent portas libere ſub-
octauam nonamue matutinam ingre-
diuntur,

diuntur, explicataque in medio fori-
acie, omnia quaque versum mactant,
ipsumque loci Gubernatorem in plu-
mis adhuc hærentem extrahunt & ca-
ptivum custodiunt. Nostri interea ex
alia parte, utin urbe tumultuari audi-
unt, tympani sonitu omnes ad arma &
suppetias oppressis ferendas excitant,
qui tum per portam ut ante pansam in-
gredi sperat obductis valuis minus tan-
tum ostiolum patere reperiunt, per
quod ingredi tutum haud erat. Effun-
dunt interim se turmæ integræ in nos,
& cum duobus vexillis eripiunt nobis
duos Vice-Colonellos. Scotos duos
Tribunos Iberos pluresque alios, o-
mnique impedimenta nostra diripiunt.
Nostris interim retro Brentzlauiam ce-
dentibus. Hic ciues miserationis affe-
ctu tacti, suburbium iam ab equitatu
necessarijs omnibus nudatum nostris
attribuunt. Vide hoc loco Amice Le-
ctor, quam præclara Imperatori suo
multi Generalium præsent seruitia, qui

nil pensi habent, perdaturne patria & miles ipsis commissus, modo ipsorum vnà cum ventre loculi turgent, ad potandum sunt strenui, contra hostem ignaui. Habebat hic Petrus Gôtz in mandatis à Domino Generali Gallas, vt patriam Mechleburgensem præstaret ab hoste indemnem, cui tamen ipse solus cum vnica Legione sua Equestri, plura damna intulit, quam inferre potuissent hostium plurimæ turmæ. Hæc legio Duce Generali vel annuente vel dissimulante, multas boum centurias in Silesiam abegit. In homines porro Nobiles tam fuit sæua hæc legio vt Vir ex equestri nobilitate grauissimus mallet vna cum charà coniuge & dilecto pignore filio ex Furstenberg potius in aquis vitam exuere, quam in tam insolentis militis manus delabi. Quidquid Incolarum huc vsque varijs cladibus superfuerat, cogebatur vitam cymbarum ope, in paludibus palustribusque locis seruare. Sed nec à se mutuo ma-

nus.

nus abstinebant; Iuerat forte Centurio cum quinquaginta militibus vt siliginem in proximo molendino moleret, cum ecce tibi adsunt personati prædatores isti, qui Centurionem vna cum saluo conductu sibi adiuncto miserandum in modum interemerunt, atque ita nobilissima hæc patria latrocinantium libidini relicta, pessum omnino ruit.

Ad nouum Brandenburgum interim Sueci rem dolis agunt, multosque è Cæsareanis ex insidijs obruunt. Hanc eorum audaciam intelligens Gallassus Oderam duplici ponte sterni imperat, quibus totum exercitum traijciat, impetatque hostem Suedinum tunc insidentem. Hostis nostrorum aduentum vt primum rescit, pauculis Suedini relictis præsidiarijs, Stetinum ciuitatem, Pomeraniæ Metropolim discedit, ibique se ad omnem imperum fortiter cõmunit. Gallas porro vicesimo secundo Augusti Quartzium progreditur, vnde
Colo-

Colonellum Deueroux cum suis Iber-
nis Furstenbergam mittit; est ea ad Ha-
vel fluvium, clauisque seu ingressus in
Mechleburgensem Ducatū, illuc dum
venisset reperit Gotzianos latrunculos,
non plures quam ad centum redactos,
qui cum negarent parere Imperijs Gal-
lassi, ne quod aliud inde eueniret incō-
modum, pulsus illis vi locum occupa-
uit: ne tamen ipsi inulti abire videren-
tur oppidi totius fenestras & fornaces:
omnes comminuerunt, Ecclesiam ita
defœdarunt, vt etiam ventris onera vel-
uti in prostibulum aliquod illic depo-
suerint. Putabant tunc quidem aduer-
sarij, fore vt Gallas Stetinum obsideret,
cum ipse se ex insperato exvertit versus:
Anclavv. Hinc nostri equites varijs ex-
cursionibus hostium plures ceperunt,
inter quos & Oxenstirniū quendam
Suedici Cancellarij Fratrem. Tabel-
lionem quoq; qui Hamburgo ad Ban-
nierium literas deferebat, quem ad Ge-
neralem abduxerunt, qui lectis literis:
fascicu-

fasciculum Viennam ad Cæsarem & Cæsarianos Consiliarios transmisit. Hoc eodem tempore Saxones ex omnibus Albis Fluij portubus Suedicos milites pepulere.

CAPVT XXIV.

De vltterioribus Successibus contra Suecos.

VInariensium Dux Bernardus postquam audiuit Generalem Gal-
 las' contra Bannierium nuper è Bur-
 gundiâ euocatum, rem strenue age-
 re; videretque Serenissimum Lotha-
 ringiæ Ducem Carolum, cum Picolo-
 minio contra Gallicas copias aliunde
 impeditum, ad Rheni ripas se quanto-
 cyus conuertit, vt militem suum, mul-
 tis belli famisque calamitatibus fatiga-
 tum in Bauariæ partibus, vbi sciebat re-
 rum omnium affluentiam etiam nunc
 ad victum suppetere, non nihil recrea-
 ret: excitato itaque ponte nauali, ad
 quem

quem Argentoratenses hinc, istinc Basileenses egregiam opem & operam contulerunt, summa cum festinatione inter Brisacum & Argentinam Legiones aliquot equitum transmisit; Aggressusque ex insperato quinque Legiones sub Duce Ioanne de Werth in pago quodam sine hostis metu diuersantes, fudit fugauitque. Cuius cladis nuncius ut primum ad Ioannis Werthi aures allatus est mox collecto equitatu magnis itineribus contra hostem excurrit, in quem nil minus quam de aduersarijs cogitantem, iamq; aliquot Legionum exterminatorem irruit tantis animis, ut primo statim impetu quatuor Legiones interneccione deleuerit, reliquum autem hostem in turpissimam fugam contiecerit, coegeritque ad propugnaculum, quod ex hac Rheni parte in aditu pontis ante excitauerat recipere gressum, ac non multo post accepto à Lotharingæ Duce quinque millium succursu in vltiorem Rheni ripam vnde

ven-

venerat redire non sine sanguine compulit. Mense Iunio Lotharingus & Marchio de S. Martino rem strenuè egerunt contra Gallos, cum enim vterque exercitus in planicie quadam sibi occurrisset, sine prælio istinc discedere principes iniquum duxerunt, ad arma ergo vtrimque conclamatur, concurritur acriter, ceduntur ex vtraque parte pluri-
mi: sed cum Galli nostris essent & numero & viribus superiores, paulatim cedendo Lotharingus exercitum suum in tutum appulit locum, ex quo se egregiè defendit licet maiore suorum quam hostium clade. Dedit hæc pugna Inuidis materiam multorum sermonum, quibus optimum Ducem vehementer iraducebant, quasi non coactus, sed temerè & imprudenter in hostem mouisset, parumque fidelis Imperatori, exercitum tam nobilem vltroneis periculis exposuisset sine vlla necessitate. Sed hæc omnia falso & sine vlllo fundamento. Nam esto pugnarit quandoque dictus

Etus Dux irato Marte, & quis est qui fortunam propitiam ad nutum suum semper pera circumferat? & alij iniquiore arte alibi pugnarunt, an ideo Cæsari infideles condemnati sunt? cur vero hic potius quam quivis alius? Itane verò infidus Cæsari dicatur, qui pro Cæsare Patriam, subditos, opes, vitam usque adeo & sanguinem non vulgaribus & occultis exposuit discriminibus? vellent utinam superi ut reliqui hucusque duces Cæsari tam fidelem navassent operam, non utique gemeret sub iniquissimo pressa iugo & prope oppressa Germania, totumque Imperium Romanum. Noui ego quam varij Duces à belli huius primordio fidem suam Cæsari probarint, sed nullum scio qui non aliquando contrario Marte in hostem iuerit. Sed & hoc scio fideles etiam nunc esse procures puta Generalem Gallassum, Ducem Florentinum, Baronem de Suis, Geleen, Ioannem de Werth, Hatzfeldium, &c: quos numerare

merare longum foret, inter multos paucos retulisse sufficit, sed certo tibi affirmo inter hæc fidelissima Cæsari capita rectissime & suo iure adnumerari illud Belli fulmen Ducem Carolum. Quem si æquior fortuna propitio magis contueretur vultu, responderentq; votis facta, ipsi æquales paucos superiorem nullum censeret Cæsar. Maeste Dux Serenissime maeste animo erit cum tibi sera posteritas plaudet, atque æternitati te doctissimorum prudentissimorumque virorum fasti adscribent. Vos vero iniqua turba Zoili, rumpamini licet invidia, eius quem maledico dente roditis gloriam nullo vnquam æuo assequemini, facile est cuius taxare facta aliena, melioribus auspicijs aggredi hoc op⁹ martij est pectoris, & beneuolentis fortunæ. Agite si viri estis, eas quas inique acquisiistis contra ius fasque diuitias, in Domini vestri seruitia & militis egentis commoda profundite, cogite manipulos militum in Cæ-

Q

saris

faris arma promptos, agite non secus absente quam præsente Cæsare quam potestis & debetis, fortiter, nunquam minimam laudis partem Ducis huius attingetis. Sed mei instituti hoc loco non est Panegyricum texere, alterius olim hoc erit operæ, ad Historiam ac iter meum vnde non nihil deflexi, redeo.

Decima Septembris Generalis locumtenens exercitus Ligæ Ioannes Gôtz cum suo exercitu lento omnino gradu quasi inuitus Westphaliâ versus abiit. In Pomeraniâ interim res fortiter gerebatur. Obsidebant tunc forte hostes Damin urbem in primis nobilem, occupaueratq; iam fortalitium aliquod, ad quod recuperandum missus est Hispanus quidam Colonellus (Don Felicem appellabant) cum vice-tribuno Iunioris Wangler, qui tanto impetu irruerunt vt hostem inde eiectum repulerint, iniuriam hanc vindicandam in sequentem diem hostis reiecit, quo ad motis tormentorum bellicorum

licorum machinis ita locum illum labefactauit, vt pars vna collapsa sit. Simulque impetu facto recuperarunt ceteris plerisque militibus, captoque Duce. Hunc hostium conatum promouit tarditas eorū qui succurrere in tēpore debebant, cum enim Gallassicus miles non nisi media Leuca distaret, facile malo remedium ferre potuisset, hostiumque audaciam nullo pene negotio infringere: dum vero post festum, vt aiunt, pergitur in succursum iam caesorum, in via stragis nuncius adfertur quo attonitus Generalis Gallas, cum hostem fortio rem quam erat crederet, non nihil substitit quoad Saxonicae copiae suis coniungerentur. Septima decima Septembris Suecis proditur Suetinensis praesidij aduentus vino & commeatu alio optime instructus, in quod, emissis selectissimis suorum equitum turmis, irruunt ereptisque quae secum ducebat, ceciderunt alios ex militibus, alios captiuos secum abduxe-

runt. Vicēſimo Septembris dum propius Damino admouetur exercitus noſter, ab hoſtibus hinc inde nobis inſidiantibus aliquid ſtragis patitur. Nilominus Ibernī noſtri cum alijs Legionibus quibuſdam ad expugnandam Arcem Plavv mittuntur, quam feliciter viceſimo octauo Septembris occuparunt, militi præſidiario vitam concedentes incolumem. Intellexerat forte Gallas militem circa has partes alicubi hæere copioſum, quem, quia hoſtilis erat, vt obrueret emiſit è noſtris pluſculos, quod ipſum hoſti innotuit, vnde ipſe quoque ad quatuor millia ſuorum deſtinat contra noſtros cum quatuor tormentis bellicis maioribus, cum vero vtrimque exploratores referrent varia, neutra pars alteram aggredi auſa eſt, ſicque re infecta inde diſceſſum. Sueci interea, ne quid alibi negligerent Fridlandiam in ceſſuere, noſtroſque in deditiōem coëgere pacta quidem libera diſcedendi copia, qui tamē poſtea

postea promissis non steterunt, compulerunt enim omnes volentes nolentesque ad arma pro Sueco ferenda. Die sexta Octobris mouit castra Gallassus quæ hucusq; circa Saltzburgum fixerat, venerant enim ex Ducis Saxoniae milite sane selecto & optime armato nouæ suppetiæ, iuitque contra Suecos in Denderau. Die octaua misit Generalis noster quingentos milites omnes officarios, utpote Capitaneos locumtenentes vexilliferos contra quosdam Suedicos, ex quibus aliquos captos adduxerunt, vicissimque ex nostris aliqui ad hostem ducti sunt. Dum in confinijs Pomeraniæ hæremus, ad Tussyn urbem mittuntur Colonelli Deueroux, & Gall, ad occupandum Ribeneck passum magni momenti, quem iam, in scio tamen Generali nostro, infederat Generalis Wangler. Hunc cum prope urbem reperisset Deueroux ratus hostem esse, contra ipsum ire cogitauit, sed vicinior ex papilionibus agno-

uit ex nostro exercitu esse militem: in-
uisit igitur Wanglerum illic præsen-
tem à quo benigne acceptus est, literis-
que ad Gallassum datis de castris ho-
stium eorumque consilijs dictos equi-
tes remisit. Die vndecima missus est
Generalis Salis contra hostem, quem
tamen tunc aggredi non potuit. Die
duodecima hostis plena acie, tormen-
tisque bellicis in ordinem dispositis
contra nostros egressus est, putaba-
musque certo committendum esse
prælium, sed cum à colle quem in-
scderat, recedere in planiciem, vbi no-
stri operiebantur, nollet, nihil tunc
quidem actum est. Hic dum aliquam-
diu subsistimus affertur ad nos mors
Landgrauij Hassiæ. Hoc eodem tem-
pore imprudentia Petri Gôtz cum ex
Suetin in Brenlo duceret legiones a-
liquas, quinque ab hostibus interce-
ptæ interierunt. Sexta decima Octo-
bris sub noctem classicum cecinit no-
ster exercitus, ideoque nostri varijs
parti-

partibus egressi varios ex hoste captivos adduxerunt. Nona decima sub vesperam egressi cum tribus equitum millibus bidui itinere, nil quidquam de hostili exercitu deprehendere potuimus. Vicefima ergo secunda Octobris castra denuo mouimus in Tussim, hostis vero in Suetin profectus est, sperans illum locum & transitum ante recuperare, quam Callasus aduenisset, quem tamen mox nil quidquam cunctatus persecutus est.

CAPUT XXV.

De Progressu nostro contra Suetos in Pomeraniâ.

CUM Generalis noster vna cum toto exercitu Neobrandenburgo approximasset, mox vigesimo octauo Octobris misit Vice-Mareschallum Comitē de Ridberg cum Legionibus aliquot, vt de itineris qualitate recognosceret, ipse autem tantisper Mel-

chini substitit; habet Melchin aditum
arctissimum, ita ut vix quadriga com-
modè transire possit, ex utroque late-
re præcipitia sunt immania, fossæque
plurimum lutosæ, in quas qui quis præ-
ceps ierit, eum perire omnino neces-
se est. Hic cum impedimenta no-
stra nimium accelerarent, alijque a-
lios prævertere vellent, multum da-
ni & currus & homines tulere præci-
piti ruina utrimque in altissimas fo-
ueas delati. Quinta & vigesima die
Octobris Neobrandenburgū transui-
mus, & cum istinc in Brentzlau con-
tra hostem, qui illud obsidere diceba-
tur ire vellemus, nunciatum est, eum
Suetin obsedisse, magnis itaque itine-
ribus, nocturna simul & diuersa festi-
natione illuc accelerauimus; cum ve-
ro in conspectum Brentzlauiensium
venissemus, hosti de aduentu nostro
nunciatum est, qui mox soluta obsi-
dione, euasit: post quem misit Gallas-
sus Comitem de Buchan Generalem
vigilijs

vigilijs præfectum cum selectissimis equitū turmis qui eos insecutus nō paucos mactavit captis plusculis & ad castra nostra ablegatis. Sequenti die in succursum, ne quid forte Buchan pateretur incommodi submisit alterum Generalem vigilijs Præfectum Breddavv cum Dragonibus quos duxit cum imperio Colōnellus Deueroux, qui Tripesium versus direxerunt iter, atque cum commodum ductorem nacti essent virum militem, quique olim sub Sueco stipendia meruerat, sed ob iniuriam sibi istic illatam missionem obtinuerat atque ad Cæsarem transierat, eius consilio, Scaphas quarum auxilio militem per flumē trajcerent curribus latenter imposuere concitoque cursu Tripesium festinarunt, à quo cum non nisi dimidia abessent Leuca, præmiserunt Ibernū Anglicani Idiomatis gnarum, qui nunciaret Legionem vnam suppetiatum Tripesiani venire, aperirent modo portas & a-

micos intromitterent. His ita constitutis pars Dragonum comitatur ductorem Ibernum, pars altera interim per flumen ducitur atque dum isti ad portam Commendantis ex vrbe operiuntur responsum, hi vtrumque propugnaculum occupant omnibus in ijs hostibus mactatis, idque sub noctis duodecimam die quinto Nouembris Anno M. DC. XXXVII. occupatis hisce propugnaculis facile fuit reliquos in deditionem cogere. accensa enim face vti conuenerat, vt à socijs conspici posset in auxilium alios aduocarunt, ac mox duabus post horis pacta inter Deueroux & Triplesianos conclusa, vt quatuor Anglorum turmae cum quatuor tormentis bellicis omnibusque impedimentis egrederentur ac in tuta loca deducerentur, quod & factum. Hic cum cognouisset Generalis Bredauv de Vrangelij milite per pagos dissipato, multa cum acceleratione in eos ire parauit, cum vero iam ipsis de
Triples-

Tripsefianâ deditioe innotuisset, suis viribus ita sparsis diffisi sunt, atque in immani planitie se coniunxerunt; Hic eos nihilominus Cæsareani adoriuntur, præliumque, non minoribus hostium animis, committunt quoniam vero Cæsareani pertinacissimè contra hostem stabant, nec pedem retro mouerent ad eorum partes victoria inclinavit; In illa plane sanguinolenta pugna primas tulit Generalis Bredavv qui primus in acie decertans educto gladio hostem cæsim punctim feriens multam edidit stragem, suorum vero animos mirum quantum erexit. Cæsareani vexilla omnino decem; Ex quibus equestria novem ab hoste retulerunt, horisque pomeridianis eiusdem diei ad Kilso ipsi suæ victoriæ nuncij appulerunt, captiuos quoque adduxerunt ViceColonellum, vigiliis præfectum cum multis alijs Ducibus, Cæsorum numerus iniri non potuit. Reliqui hostium Stralsundiam fugam direxerunt.

Circa

Circa hæc tempora cum Bredana ciuitas ab Hollandis arcta premeretur obsidione, adeo vt ab Hispanis nulla ratione ei secuturi posset, Hispaniæ Infans Princeps Cardinalis vt hostes ab obsidione diuerteret ad Venlo copias suas admouit & intra paucos dies cepit, sicut & Rurimundam. Non ideo hostes à Bredanâ obsidione discessere, imo eam acrius vrserunt, & licet præsidarij fortiter Hollandis resisterent, non diu tamen obsidionem ob defectum rerum ad resistendum necessariarum sustinere potuerunt.

Interea Generalis Bannier exercitum suum ad orientalem Oderæ partem traduxit, distento tunc forte Gallasso in Suetinensi recuperatione. Quo missimus pro suppetijs duo millia peditum quæ vt primum appulere, sub quartam mox matutinam cum quatuor tormentis bellicis aduersus Luez commigrauimus. Miranda mihi hoc loco obigit Pomeranorum conficien-

dæcc-

dæ cereuisiæ ratio. Ipsi enim primo Hordeum madefactum quo citius excrescat ad vnam septimanam exsiccant deinde mola ruditer commolitur cum reliquis leberi ingerunt, coctam postea cereuisiam intra viginti quatuor vel triginta horas ita defæcant, vt pura sit & sapida non secus ac si pluribus hebdomadis deferbuisset. Quæ quidem cereuisia nisi intra dictum tempus ex aliqua parte distraheretur, certo quantocyus in acetum abiret.

Vndecimo Decembris nostræ Cæsareanæ copiæ Fortissimum Castellum Luetz in editiore colle situm in potestatem redegerunt, ducentisque præfidiarijs Suecis ex pacto abitum & saluum conductum permiserunt. Tertia decima huius Comes de Ridberg collectis in vnum cataphractis è castris recessit, quem sequentibus duobus diebus mox secutus est cum omni prope exercitu Gallas. Qui in via obuium habuit Franciscum Albertum Saxonem quocum

quocum bellica negotia pertractauit.
Bredavv cum suis equitum turmis ver-
sus Anclan direxit iter.

CAPVT XXVI.

De calamitate Pomeraniae.

Postquam Cæsareani coëgerunt Suecos in magis munita secedere loca, vt velistic ab impetu nostro- rum se defenderent. Continuo Generalis Gallas in varia agmina diuisit exercitum, & munitissimas vrbes in potestatem Cælaris redigendas inter Duces paritus est. Ipsi quam primum ita se diuiserunt, vt simul præscinderent commeatus subuectionem Stralsundianis, Anclanis, Grypsvaldensibus & Daminensibus, atque ne qua ex vlla parte aduchendæ annonæ spes ipsis relinqueretur, vastarunt totam circum- quaque prouinciam, vt intra multum tempus hostilis exercitus sperare non posset vitæ subsidia. Idque factum reor
iusto

iusto DEI Iudicio, ut scilicet illa patria quæ prima Suedicas turmas contra Cæsarem admiserat, illis bellorum calamitatibus premeretur, quibus ipsa Imperium Romanum affligere posse putarat. Cum ergo Suedicæ copiæ nullum commeatum quam per mare habere possent, cepit mirum quantum diminui eorum exercitus, ita ut cogeretur Vrangelsuos in multa loca non sine aperto sui suorumque discrimine dispergere. Submittebat quidem, quamvis rarissimè, pauculas nauiculas Frumento onustas Bannierius, sed vel illæ interceptabantur, aut si appellerent inter tot milites parum proficiebant. Laudandum eò amplius est insigne Gallassi stratagema qui tam dextrè vno eodemque tempore copias suas diuisit, ut & illæ vrbes simul obsiderentur & obsidentes sibi mutuo, si necessitas exigeret, succurrere maturè possent. Ipse porro Gallas constituit se in certum locum prope Luetz,
 vnde

vnde omnibus imperia distribueret. ac primo quidem Ducem insignem Bredavv Wolgastium adoriri voluit, in quo arx erat ex Pomeraniæ Principibus, quæ etiam præsidij loco habebat Suedicas legiones cōplures, ita vt Officiarij (ipsis ciuibus attestantibus) essent circiter trecenti. Bredavv vt primum hoc mandatum accepit Dragones nostros (septingenti, non plures, eramus) ad impetum faciendum hortatur. Quis hîc non incuset Ducis imprudentiam, nisi quandoque militibus audendum esset, cum audaces fortuna iuuet, ignauos timidosque premat. Nostri itaque vespera patrocinante, & timore, quo hostes erant perculsi fauente in propugnacula priora ferocem dant impetum, sed non vanum: His expugnatis in fortissimam & munitissimam arcem quam sibi hostis pro vltimo subsidio elegerat facilius iam erat eniti in quam non multo post enixi sunt & feliciter expugnarunt.

Quam-

Quamuis hæc quidem expeditio aliquo vtrunque sanguine steterit, quia tam faustum habuit successum, facile refarciri est. Ex Legione Colonelli Deuerox viginti omnino occubuerant, læsi autem sunt plusculi ex quibus Capitaneis Kinge brachium globulo vulneratum. Interea imprudentia Petri Gôtz. Custrini duæ Legiones Cæsareæ ab hoste ceduntur, quam iniuriam vlturi socij, cum non possent aliter nocere hosti, molas omnes & Damino & Anclauia adiacentes, concremarunt. Erat forte non præcul inde Insula Iisdum dicta, in quam se cohortes aliquot cum impedimentis suis receperant, sperantes vel istic tutæ esse, quas ut animaduertit Bredauv, magnam nauigiorum copiam ad fluvium Pein collegit, quorum subsidio die decima Decembris nostros Dragones Equitesque alios transmitti fecit. Præibat cum suis Colonellus Meider quem sequebantur Colonelli Silhoë, Deuerox, &

R. Corra-

Corraschie, cumq; de viribus hostium facti essent certiores, Tertio Ianuarij in aduersarias Turmas incursum fecerunt, omnes interneccione delerunt, impedimenta vero in castra secum auexerunt. Interea cataphracti Comitris de Broy & Colonelli Milheim Tabellarium comprehenderunt qui à Iuniore Vrangcl ad Seniore[m] cum literis ibat, quibus suam suiue Generalis Bannierij miseras lamentabiliter conquerebatur: Has literas ad Gallasum detulerunt, qui eas lectas, quam primum ad Bredavv destinavit. Sub idem tempus Serenissimus Florentiæ Dux aliquot peditum agmina, & pauculatorum mēta maiora applicare volebat ad cogendum Wolgastianam arcem.

Innotescit interea nostris Generalem Bannier non procul inde in munitissima aliqua Insula Molyn dicta in qua munitio erat ad cogendas ad vectigal omnes naues Stetinum præternavigantes, nescio quas socijs obsessis
suppe-

suppetias moliri, ex nostris sæpius iam nominati quatuor Colonelli Sichoë, Deueroux, Corraschi, & Meiderse in eandem Insulam transmitti cum suis faciunt, cumque duabus noctibus istuc latuissent commodum operiētes tempus canendi ex improviso classicum hostemque terrendi, militem suum quam possunt latissime explicant, & primo quidem Dragonum turmas aliquot, tum equites, postremo Dragones alios pedestres ita ordinant, ut copiæ viderentur duplo maiores, atque sic in hostem eunt, eumque in fugā convertunt. Tantum est militem naus fidosque nancisci Duces. Hoc ausim ego de Germano milite etiam iuratus afferere, fortiolem illo haud reperiri, si modo fidi Generalis ductum obtineat, Hic enim dum proposita conclusaque consilia quam mox exsequitur, militem habebit ad sua imperia promptum, secus, si differat ignauiam in Teutonico animo causabit. Non at-

tinet pluribus id demonstrare exemplis, habet. Lector à multo tempore experientiam, quam nobiles sæpe exercitus funditus perierint Ducum solummodo cunctatione. Quo maiorem meretur laudem strenuus dux Bredavv qui quidquid egit fide & celeritate recte peregit, quæ sine maximi etiã duces ne gregarij quidem militis merentur nomen. Sed ad Ducem Florentinum reuertamur qui se ad Wolgastianam expugnationem fortissimum ostendit militem: Postquam enim de necessarijs omnibus ad eam expugnationem prospexisset, duplexque propugnaculum in vsum bellicorum tormentorum egeffisset, nauigiaq; pluscula compingi curasset, in quorum fronte crassiores asseres yndique perforatos erigi curauit, qui & suos defenderent ab hostili eiaculatione, & suos non impedirent ad eiaculandum in hostes, ponte denique etiam strauisset lacunam illam, quæ inter ciuitatem ad arcem

cem

cem aditum prohibebat, nono Decembris sub. seram vesperam, & decima eiusdem matutinis horis, tam ferocem qua maioribus tormentis qua fistulis minoribus fecit impetum, vt hostium nemo auderet vel tantillum è mœnijs prominere. Vbi vero Dux Florentiæ vidit bonâ clathrorum partem esse disiectam, ad refocillationem militis vini cereuisiæque dolia aliquot expromi iussit, quibus epotis milites animosiores sub vesperam eiusdem adhuc diei fortalitia scandere ceperunt, quæ primò statim insultu (vt supra dictum) occuparunt trucidatis trecentis aduersariorum. Ceperunt tunc quidem Colonellos tres, Vice Colonellos quinque, vigiliarum Præfectos totidem & quadraginta quinque Capitaneos, vexilla obtinuerunt quadraginta quatuor, tormenta bellica maiora aliquot. Visæ quidem dicuntur Suedicæ aliquot naues in succursum destinatæ iuxta Iisdum, sed cum impetum nostro-

rum tam vehementem viderunt, non sunt ausæ propius accedere, luccensis itaque in Insula leuibus aliquot tuguriolis, retrocesserunt. Sed & ipse Generalis Bannier haud sibi Stetini fidens Wolinū abiit. Mox ab expugnatione imperauit Florentiæ Dux, vt in prouisionem huius loci, militumque sustentationem omnia totius Insulæ pecora Wolgastum adducerentur, ac rite omnibus ordinatis tormenta sua bellica primo in castra reduci curauit, Inde vero Damnum, de quo obsidendo noua indies consilia agitabantur.

CAPVT XXVII.

De Pomerania.

Non minus prudenter quam fortiter Excellentissimus Dominus Generalis Comes de Gallas rem bellicam hoc tempore administrabat. Enim vero cum Generalis Bannier putaret
fran-

frangere, vel certè vt minimum fatigare Cæsareas copias sese continendo intra arctissimos Pomeraniæ meatus, ad quos, quoquo se verterent, difficile erat nostris penetrare, post multas quidem molestias exantlatas, in auctorem tandem propositum retorfit. Postquam enim ad Rostockium fixisset castra militi nostro aliquid quietis indulgit, quoad Banniericus exercitus lassus Suetinum ex latibulo suo exijt, relictis circa Damgardt & Triplesium Vrangelij copijs, quæ in Cæsarianas ad vigilarent, eum sine mora secutus est Gallasus. Interea S. Cæsarea Maiestas de milite suo sollicita, ne ob continuas diutinasque migrationes aliquid hoc loco incommodi pateretur, eum in hyberna ducere cogitat, nil monita de nostris contra hostem successibus; sed Gallas cum Fortunam fauentem haberet, ea vltèrius vti voluit. Interim Mareschallus Ligæ Ioannes Gorz Landgrauij Hassiæ exercitum, tam in Westphaliæ

phaliæ quam Hassiæ finibus adeo debilitavit, ut primores Cattorum procures de pace cum Cæsare restauranda militæque dimittendo consilia tractare ceperint. Hoc fere eodem tempore de centum & quinquaginta hostium navibus in nescio quam expeditionem præparatis nobis nunciatur, in quas cum nostri sedulo intenderent, nil quidquam tunc quidem attentarunt.

Nec in Alsatia minores progressus tunc agebat Ioannes Werthius contra Wimarîensium audaciam: cum quibus quotidianis velitationibus agendum erat. Emiserat Dux Bernardus Magistrum quendam Equitum cum octoginta Equitibus, ut de hostium commoratione & consilijs disquireret, qui cum aliquantum amplius progressus fuisset quam debebat, à tribus Legionibus Werthianis cingitur, ipseque cum sexaginta Equitibus capitur. Huius cladis nuncij cum reliqui viginti ad castra sua redijissent; iubetur confe-

confestim Colonellus Noa cum tribus turmis contra Cæsareos egredi, sed & hi à cataphractorum quinque turmis dissipati sunt, in quorum succursum decem turmas ablegauit Wimarientis, & ipse ex Bottendotffianâ legione manipulum eduxit, sed cum Cæsareanos videret strenuè & absque vlllo metu in suos ire, retrocessit. Eoque tempore Werthiani, erepto vno signo Equestri captisque vno præfecto Equitum & duobus locum enentibus cum quadraginta Equitibus ceciderunt quinquaginta Wimarientium.

Accersitus est sub hæc tempora à Galliarum Rege Serenissimus Sabaudia Dux Victor Amedeus Parisios, vt coniunctis consilijs de bello contra Hispanos in Italia promouendo tractaretur; Quò magis in pacem quam bella pronus optimus Dux vna cum Comite de Verua abiit. Sed non multo post cum domum redisset ex insperato vna cum dicto Comite suo mortuus est,

R 5 cumque

cumque iudicio medicorum mors illa medicato poculo adscriberetur, suspicio fuit ipsis inter Gallos venenum fuisse dilutum ac propinatum. Infelici quoque euentu quatuor Hispanorum millia in Gallias irruerunt; ex quibus, sexcentis captis, relictis post se omnibus impedimentis & sexaginta tormentis metallinis, ac quindecim signis, reliqui ægre ad suos euadere potuerunt.

Hæc dum ab alijs alibi aguntur, nostri interim in Pomeraniâ non otiantur, Damnum enim in eas redegerunt angustias, vt vigesimo quarto Decembris sub octauam ante meridianam de tradendâ munitione & conditionibus egerint præsidarij, quibus hæc propositæ, & ab illis libenter acceptatæ sunt.

I. Vt dimissis Damini vexillis oranis miles exiret. Et sine ardentibus funiculis.

II. Vt præter sua impedimenta,
nemo

nemo quidquam ex ciuium, aliorum-
ue bonis, sub pœna confiscationis o-
mnium quæ elaturi erant, secum edu-
ceret.

III. Vt omnia tormenta bellica,
quæ erant viginti quatuor in loco re-
linquerentur.

IV. Vt eos Generalis Goltz., qui
cum ijs pepigerat Siralsundiam inuio-
latos incolumesque traduceret.

Vigesima octaua Decembris Colo-
nellus Deueroux, vna cum Colonello
Carraschi ab Insula lisdum iussi sunt
Anclauiam transmeare, Iuniolemque
Wangler qui huc vsque strenue cura-
uerat, ne quâ Anclauiensibus succur-
reretur, aliquantum subleuarent. Tri-
gesima Decembris coactò concilio
bellico actum est de milite

in hyberna du-
cendo.

OS. (O) OS



CAPVT XXVIII.

*Quid in Hybernis sub initium Anni
M. DC. XXXVIII. actum
sit.*

Sub initium huius Anni, qui fuit re-
paratae Salutis per Christum M.
DC. XXXVIII. Comprehensæ
sunt ipsæ Calendis Ianuarijs in Legio-
ne Colonelli Carroschi octo muliercu-
læ, quæ erant de Diaboli Amazonibus
equitantibus super hircos (striges seu
sagas communiter appellant) ex qui-
bus vna, reliquis captiuis detentis, ad
inquisitionem ducta, cumque omni-
no, exceptis partibus secretioribus,
fasset denudata, & in equuleum ex-
tensa, inter prima tormenta nil quic-
quam est passa, cum autem ad grauio-
res pœnas esset deducenda, deprecata
est, & liberè se dæmoni fide obstrictam
dixit, cumque eo sæpe sæpius concu-
buisse sub specie virili, simulque com-
plices

plices earumque facinora aperuit. Ob quæ omnes ad mortem damnatæ supplicium pro merito luerunt.

Tertia Ianuarij Daminum versus perreximus, Gallassus verò Neobrandenburgum, vt inde Anclaiensem obsidionem, quæ sine fructu continuabatur, solueret, ne miles plus inde damni quam emolumenti, adulta iam hyeme, caperet. In itinere hoc plurimum equi nostri deficiente pabulo, ita vt ne stramenta quidem equis reficiendis sufficerent, passi sunt. Accedebat frigus intensissimum, adeo militum corporibus noxium, vt nonnulli statim conciderent mortui. Ad Preslyn vbi Quarterium (vt vocant principale erat, cum biduum substitissemus, inter Officiales plerosque aliquantum tumultuatum est, quod bonis tantum lactarentur verbis, nec rei pecuniariæ quidquam sibi aut militi exhausto pene & nudo daretur. Mouebatur quoque non obscuris sermonibus Generalium quorundam

dam iniquitas, qui eos, quibus bene-
vellent ad Imperatorem reliquosque
Principes mitterent nuncios expugna-
tarum à se urbium; ut eam quæ militi
deberetur mercedem anticiparent, mi-
les interim, qui laborem, sanguinem
& vitam exposuisset, præter miseras &
vulnera nil obtineret. Responsum est
ea nunc esse tempora, quibus satisfieri
omnibus non posset, si quandoque
fors melior afflasset imperium, fore uti-
que ut pro singulorum conditione præ-
mia cuius decernerentur.

Ibèrni nostri sua hyberna Mechle-
burgi acceperunt distat Mechlebur-
gum non nisi horâ Wismario unde
Duces Mechleburgenses ortum suum
& nomen trahunt: tenuerant eum
locum non multo ante tria Suecorum
millia; sed à Neoclaustrensis nuper
obruiti dispersisque erant, eripuerant
omnes prope Equos cum impedimen-
tis. Die quintâ decimâ Ianuarij Ge-
neralis Bredavy cum turmis aliquot Es-
quitum

quitum in Insulam Pyll excurrit sed amissi aliquot in aquis equitibus sine fructu redijt. Non multo post eodem missus est cum selectissimis Dragonum Colonellus Troan, vt si quid illic com-
meatus reperiret ad nostra castra deduceret, sed serius venit, iam enim ab aduersarijs omnia exportata fuerant sed & ex Insula lisdum adfuere hostes, qui nostros in fugam coniecere capto Petro Oroll Capitanei locum tenente cum alijs pauculis Ibernis, vigesima quarta eiusdem Wismaro Sueci emis-
serunt equitum turmam qui pauculos Equites & famulos è legione Colonel-
li Sichoë in captiuitatem abduxerunt. Quanta vero circa hæc loca militis nostri fuerint miseriæ dici aut describi non potest, cgebantur enim integræ tur-
mæ sub aperto Ioue, cælo frigidissimo multas noctes exigere, vix aliunde quam niuibz & pruinis asperissimis te-
cti: Atque hæc omnia tenacitati vnus aut alterius Generalis imputabantur,
qui

qui licet ipsi milites essent egregij nullum metuentes hostem, pecunijs tamen nimium quantum adhærebant, ideoque ut suas opes augerent militem reliquum pessundabant. Audiui non neminem illorum aliquando se cum Ioanne de Werth conferentem, sed visa est mihi hæc collatio velut Reguli cum Aquila. Werthius enim omnia quæ aggrediebatur suis auspicijs & consilijs faciebat, Hic autem aliorum iussu & ordinatione, & quod caput est Werthius se potius quam suorum militum aliquem temere perdidisset, hic autem integras legiones perire suâ avaritiâ sinebat. Sed hæc cum alterius sint fori ad alia progrediamur.

Hoc Anno quinque Hispanorum millia, Dûnkirckam quatuor auri vasa deuexerunt. In Portugallia quoque aliquis contra Hispaniarum Regem motus est excitatus, qui tamen quam mox sedatus est. Obijt quoque Mantuæ.

tuæ Dux hoc eodem anno. Sub finem
 Ianuarij Vice-Maraschallus Comes de
 Ridberg dum per aquas glacie obdu-
 ctas in Insulam Rye transitum molitur,
 præmittitque ex equitatu quinquage-
 nos, qui an commode transiri queat
 tentent: Hi omnes cum longius pro-
 cessissent glacie rupta perierunt, ita ut
 redire Comes coactus fuerit. Quid mi-
 rum verò, si quandoque DEUS sibi ad-
 uersantibus aduersetur? Quisquis mi-
 litum Baccho & Veneri deditur, sæpe
 à DEO necessaria ope destituitur. Pu-
 dendum est hodie castra illuc defluxis-
 se, ut merito dubites, an inter milites
 DEUS colatur, vel si colitur is vel Bac-
 chus est vel Venus. Quam quidem
 impietatem optimè nuper perstrinxit
 pudicissima illa iuxta & nobilissima
 Domina Antonetta La Roy in conui-
 uio: cui cum à magni nominis belli
 Duce vitrum porrectum esset, in quo
 suum ille esse DEUM venditabat ipsa
 dimisso in terram è manibus vitro ait,

ecce DEUM tuum vir optime valde
miserum & fragilem: noris vero DEUM
esse alium impietatis tuæ ultorem, qui
conterit impie sibi oblatrantes.

Interea in toto Mechleburgensi Du-
catu omnia necessaria tam pro milite
quam pro equis deficiebant. Sed &
Holsatæ & Hamburgenses in hyberna-
vllum admittere militem, detrecta-
bant: unde accidit vt indies singu-
los multi miserij inferiores, vitam ab-
rumperent.

C A P V T XXIX.

*De Progressu nostro aduersus
Suecos.*

TOto hyemis & Quadragesimæ
tempore, varia Spe lactati fue-
rant cum Ducibus milites nostri; Ne-
mo non credidisset fore, vt sub Ve-
ris ingressum & pecunia esset instru-
ctissimus, & vestibus indueretur opti-
mis:

mis: cum vero illa appulere tempora,
 vacuis loculis, nudoque corpore in
 campum denuo. ut ante eundem fuit.
 Ita inanibusimò mendacibus mundus
 gubernatur pollicitationibus, stultis-
 simus mortalium ille est qui mundo fi-
 dem adhibet. Ad aras, ærumnose mi-
 les, ad aras, nullum tibi alibi per-
 fugium. Cum totum Imperium imo
 omnis pene Europa ac vniuersus orbis
 bello flagrabat, vicinaque Austria ho-
 stilibus circumstreperet armis, tunc
 quidem eras in precio, nunc cum ho-
 stem eneruasti paululum, & ad exte-
 ros pepulisti plusculum, tua vilescunt
 obsequia, adeo vsque ut te vilissimi au-
 læ affectæ, infimæ sortis homuli, mun-
 di probra & excrementa, ac merissimi
 terræ filij nec in famulatuū admittere
 velint, imo fortissimos belli duces qui
 Cæsaris, Regumque, & Principum
 cum propriæ vitæ apertissimo discrimi-
 ne, bona, fortunas, & statum conser-
 uarunt. dedignentur vel ad aurigan-
 dum,

dum, vel ad triturandum adhibere. Sed agite Domini mei, expectate paulisper, nondum equidem omnium dierum sol occidit, quis scit quid serus trahat vesper caute ne in vos ille cadat alexi iactus, quem vos militi Cæsari suo fidelissimo iacere non sine turpissima iniuria molimini. Sed quorsum ego frustra imbellis bruta iacio fulmina, vanæ sunt sine viribus iræ, quin in campum potius egredior animum distrahendi & bilem decoquendi gratia? Ut primum miles noster in campum prodijt, mox in hostem ductus est. Atque mox die quinta Martij suę fortitudinis dedit specimina; Generalis enim Glidsyn Guartzium hostibus stratagemate seu dolo eripuit, omnesque prope in eo præsidarios interneccione deleuit, accepit septem & decē peditū vexilla, & tria equitū, Generalē excubiarum Magistrum Drommer natione Scotum cum multis Capitaneis

pitaneis officialibusq; in captiuitatem duxit.

Nunciata tunc quoque nobis est occupatio Hannouiæ nobilis ciuitatis ad Mœnum sitæ, quam Ramsay miles uer cum multo circum iacentium oppidorum incommodo iam multo tempore infederat: in qua obsidione multum operæ suæ posuit, nomine Eminentissimi Electoris Moguntini, quidam ex Nobili & generosa stirpe eorum de Metternich, & Prænobilis Dominus Ioannes Christophorus à Bertendorff Vice-Colonellus olim in Imperatorio exercitu, nunc præfectus in arce Königstein.

Accepimus hic quoq; vel non multò post de felicibus primùm successibus Ioannis de Werth contra Ducem Wimarensem, ac mox de miserabili clade ac captiuitate eiusdē G. Werth & trium aliorum Generalium, Puta Ducis Sauelli, Enckenfort, & Sperreuter. Strauerant primò nostri ad Rheinfel-

diam hostem, sed cum facta clade liberè nimium miles noster partim ad prædas, partim ad quietem abit, viresque temerè dispergit, colligit interim hostis cum milite animos, & renouata pugna, turpissimè eos fundit à quibus paulo ante fusus fuerat; Mox Rheinfeldiam, cum ei succurri haud posset, ad deditionem cogit. Quanto hæc nobis clades fuit lamentabilior ob tantorum virorum captiuitatem tantò lærior accidit illa quam Galli ab Hispanis perpeffi sunt in solutione obsidionis Pontarabie.

Excurrebat Princeps Condæus ante paucos menses, cū viginti quatuor militum millibus, equitum partim, partim peditum in Hispaniam, felicibusque auspicijs iam aliqua loca & portus commodiores in deditionem coegerat, vltcriusque progressurus erat; Cum verò videret magnum suis progressibus ponere impedimentum Pontarabiam, armis impetere & expugnare sta-

restituit. Toto igitur cum exercitu omni in eam rem subsidij genere instructo, ciuitatem cingit & acri obsidione premit, eoque iam progressus fuerat partim ignitis machinis, partim militum industria, vt propugnacula aliquot certa spe se obtinere putaret. Cum verò id Hispani viderent, probèque cognoscerent quanto id vrbs imotius Patriæ damno futurum esset, omnibus viribus contra niti statuerunt: Ad octodecim itaque millia selectorum militum in Francica castra educunt, ac septimo Septembris (erat is Natæ MARIÆ Virginis Pridianus) tanto impetu hostem sui propositi & stationis tenacissimum aggrediuntur, vt confuso primùm exercitus ordine, tum multis militum cæsis, eum tandem in fugam effuderint. Sempiternam laudem hoc in conflictu tulit, Senioris Principis Generosi Parentis Condæi, non degeneris sobolis legio, quæ tam fortiter se Hispanis opposuisse dicitur,

ut nisi aliæ duæ Legiones Mailleraidiana scilicet & altera, quam de corona vocitabant, in fugam abiissent, dubio procul irrito conatu non sine multo Hispanorum sanguine recedendum fuisset. Hoc in congressu ad quadraginta Franci nobiles occidisse dicuntur. Archiepiscopus Burdegalensis & Episcopus Arelatensis (qui melius calamo & precibus contra spirituales hostes Ecclesiæ pugnassent) ægrè salui euaserunt. Condæus Princeps vir militaris & in pugna hac primus, equo fluuium tranauit, ac se vna cum Cardinale de la Valette, Comite Grammont, Marchione de la Forcè, Marchione de Gente, alijsque Baionam retraxit. Occubuere ex militibus mille quingenti circiter, quingenti capti, tormenta bellica maiora triginta septem, omniaque impedimenta, inter quæ currus ipsiusmet Condæi Principis argento rebusque preciosis graues ad quadringenta coronatorum milia

lia æstimati nostris relicta sunt. Captiui postea, ab Regum humanissimo Philippo omnes in pristinam libertatem sine litro restituti sunt, ut primum de Principe Regi Franciæ recens nato in Hispanijs auditum est.

Plures interim legiones de nostris in Pomeraniâ sexto, septimo, & octavo Aprilis mandatum acceperunt transcendi Albim: Eodem fere tempore Inuidiissimi Imperatoris nostri Ferdinandi III. Coniux, magno summorum infimorumq; plausu Regina Hungariæ est coronata, postquam omnes Hungariæ status ad Generaliâ regui Comititia fuissent euocati: Dehinc Cæsar Pragam abiit. Generalis Gallas post huius anni varias contra hostes expeditiones, postquam omnia loca recens aduersarijs erepta sufficientibus præsidijs munierat, Cæsareas copias in varios ducatus pro hybernis partitus est. In ducatum Holatiæ varias misit legiones, Duci Florentino assignatum est.

territorium Bremenſe, qui in eone deſeſ eſſet hoſpes munitam arcem expulſis inde Suecis occupauit. Comiti de Ridberg obtigerunt Brunſuicenſis & Luneburgenſis alijsque adiacentes comitatus. alijs ceſſerunt Håmburgenſes & Lubecenſes terræ. Goltz Archiepiſcopatum Møguntinenſem & ei viciniora loca ſortitus eſt, Mechleburgenſem Ducatum obtinuit Generalis vigiliarum Magiſter Salis, cui commiſſa cura ſupprimendi & in officio continendi Bannierium ſi qua tentaffet erigere caput. Nõbis proficiſcendum fuit Dannenbergam, vbi cum tenuiſſemus paucos dies Wõlfsburgum tranſiuiſimus, atque in deſolatis pagis omni humana ope deſtitutis hoſpitari coacti ſumus vſque ad quintam decimam Aprilis, qua die cum fames nos diu preſſiſſet Brunſuigam mouimus ciuitatem amplam & ſpatioſam optimè circumvallatam, dicitur hæc vrbs à Brunone quodam eius conditore nomen.

men habere, exstructaque esse Anno post Christum supra octingentesimum sexagesimo primo, circa has partes duas prope septimanas nostram contributionem pecuniariam expectauimus. Inhumanum nobis imprimis visum est, quod cum Dux Brunsvigiæ & Luneburgi coram istic adesset, nihil nobis è ciuitate vel in equorum vel in hominum sustentationem dimitteret: sed & Brunsvicenses rustici impunè nostrum infestabant militem & si quos solos deprehendebant misera morte mulcabant, adeo vt nec ipsis officiarijs parcerent, si quos panis aliquid aut farinae ad victum necessariae quæfuisse reperi-
rent, ynde factum est, vt è militibus plurimi, fame & extrema necessitate cogente diffugerent.

OS (O) OS

CAPVT XXX.

*Describit iter nostrum in Comitatum
Schaumburgensem.*

Post inexplicabiles & planè miserandas calamitates, septimo tandem Maij iussi sumus, Hannoueram versus iter nostrum dirigere, ac istinc in comitatum Schaumburgensem flectere ille enim dicebatur nobis assignatus esse in hyberna. Ita ingenue Lector, omnia hac mundi tempestate sursum, deorsum quadrata rotundis miscentur: Hyeme pugnandum est, dum tempus appropriat, quo Reges ad bella procedere consueuerunt, in hybernis delitescendum: Non tamen id sine causa fieri putes, norunt illi quorum interest. Solent sæpe Commissarij exercitum, quasi necessitas id exigat, in campo retinere, vt ipsi ex hybernis illum, qui militi assignatus erat, fructum demetant. Et ipsi hæc neminem notare existi-

existimant, cum luce clarius meridianâ multorum doli iam pateant. Sed quæ supra nos nihil ad nos, obiter tamen & per transennam tetigisse veritatem nil nocebit. Ad Comitatum Schaumburgensem maturè, ne æstiu nos postea calores grauent festinemus, sed lente tamen, ne forte idem nobis quod Corraschianæ legioni nimium acceleranti contingat. Hæc enim cum ad eundem nobiscum locum esset destinata, nobis inscijs summo Generalis Gallassi fauore obtinuit copiam nos præueniendi ea (ni fallor) mente, vt optimam sibi commorationem deligeret, & sua stipendia seu contributionem prior extorqueret, atque ad nostrum accessum nil restaret, vel si quid restaret difficulter colligeretur multa cum subditorum difficultate. Sed qui omnia prudenter ordinat prouidentissimus Deus præclarè disposuit, strophamque in ipsorum retorlit caput, fecitq; vt Cursores isti prius fierent præda hosti-

hostibus, quàm locum destinatum
 contingerent. Cum enim aduersarius
 miles non procul inde dissitus per ex-
 ploratores rescisset legionem solam il-
 las vias transituram, mox emisérunt
 plusculos, qui ex insidijs erumperent,
 & cinctam vel sternerent, vel caperent,
 quod & factum est. Et licet dicta legio
 optimo & selectissimo constans milite
 ipsis duodecim horis cum hoste forti-
 ter dimicarit, occideritque cum Vice-
 Colonello & tribus Capitaneis cen-
 tum circiter & viginti tam pedites quàm
 equites, non potuit tamen aduersa-
 riorum vltèrius resistere potentia, sua
 igitur vexilla omnia cum vniuersis im-
 pedimentis relinquere coacti sunt, &
 captiuitatem subire vna cum famulis
 vxoribus & liberis ad vnum omnes, so-
 lo Colonello eiusque coniuge, qui op-
 portunè Hannoueram negotiorum
 causa excurrerant, exceptis. Atque
 id sub exitum Aprilis contigit ad Pa-
 gum

gum quendam Kleinenheydorn prope Neapolim.

Die tertiadecima Maij nostra legio cum Comite del Maestro Neapoli oppido egregiè munito, & ex vna parte Leinâ fluvio turo, in comitatû Schaûburgensem ingressi sumus. Comes loci illius Dominus vir est in paucis mansuetus, affabilis & comis, qui quam potuit humanissimè nos excepit: Ex huius Comititis & Ducum de Florentia familijs, Comites Geraldini Ibernî suam deducere dicuntur originem. Interea Sueci nostros animosè, ubicunque poterant, incessere non desistebant, inprimis vero eorum Generalis Kingen varia Cæsareanis damna intulit. Calendis Iunij ex inopinato clasticum cantari curavit, nostrosque inopinatos imo fere imparatos obruit, multosque ex Legionibus Colonelli Broy & Colonelli Lamboy, qui Verdæ confederant, stravit. Deinceps viginti dierum induciæ inter Cæsareanas & Suedi-

Suedicas turmas intercesserunt ob pacis foedera quæ inter aduersas partes tractari dicebantur, in quem finem à Cæsare Comes Kurtzius cum alijs quibusdam Imperatoris Consiliarijs Lubecam missus erat, vt de medijs Pacis opportunis & Imperio vtilibus conferret. Gallassus interim in Hybernis suis Grabouia in Ducatu Mechleburgensi subsistebat. Elapso induciarum tempore die vicesima tertia Iunij Comes del Maëstro & Colonellus Deueroux coniunctis viribus hostem inuadunt, & præter eos quos morti tradiderunt sedecim in captiuitatem abducunt; Aduersarij autem qui fugam ceperant ne inulti discederent Luncburgensibus equos plures furto subduxerunt. Circa eadem tempora contingit non minus iucunda quam vera historia. Tresequites, qui suberant Generali Bredavv è castris simul egressi, nescio qua Fortuna in sex aduersariae Regionis similiter equites incidunt, à quibus

quibus capti atque in Sylvam abducti, ad pudendam primum nuditatem exuti sunt, mox manibus post terga reuinctis in triplici sacco separatim includuntur, atque ita omni ope destituti feris pabulum relinquuntur. Hic cum se in omnem partem uincti totum biduum voluerent, nec euadendi rationem inuenirent, eorum vnus pedibus tandem exitum molitur, cumque manibus uti non posset, nec socij ipsum vinculis expedire, in terram denuo prouoluitur, ac ore vincula Sacci dissoluit emitteque socios, ac in castra semineces & tantum non fame enectos reducit.

Hic dum nos, collatà in vnum opera quoquo modo tuemur contra hostium incurfus ex improviso Comitissae de Ridberg mandato auocamur, & in diuersas partes separamur; ac Comes quidem del Maestro in Brunsvigiam exposcitur, Colonellus vero

T


Deue-

Deueroux ad Generalem vigiliarum præfectum Petrum Gôtz in Westphaliâ dimittitur.

Mense Iunio Cardinalis Hispaniarum contra Batauos prope Antuerpiam prosperrimo successu pugnauit, & præter stragem quam intulit aduersarijs luculentam, tria militum millia quadringentos sexaginta quatuor cepit, Naues etiam centum circiter omni munitiois genere instructas, cum tormentis omnibus maioribus minoribusque Hollandis eripuit. Dux quoque Lotharingæ ad metas incidit in varios mulos aureas partim argentasque, partim alias ex Gallia merces euehentes, precium preciosioris metalli sedecim millium aureorum excurrisse creditur, præter ea quæ in alio rerum genere portabant, quæ omnia secum abduxit. Sub exitum Iunij Generalis Gallas omnibus in Pomeraniâ urbibus nostræ potesta-

potestati subiectis suppetias misit. Wolgastum ablegauerat cum copiosa Cerere Generalem Salis, quam cum hic sine impedimento intulisset ac iam ad sua castra reuerteret, commodum nactus in via locum equos suorum pabulatum emitti voluit: Quos cum conspicati essent ex vicina aduersarij, subito in eos irruerunt sperantes prædam commodam, sed secus negotium quam sperarant cecidit, atque ipsimet nostris facti sunt præda. Circa hæc tempora nobis quoque innotuit clades quam Princeps Cardinalis Hispaniæ Piccolomini & Cæsareanorum ope Gallis intulit ad S. Anthomarum, in qua tredecim militum millia partim cecidit, partim vulnerauit, partim in captiuitatem abduxit cum omni apparatu bellico. Nos vero ut in Westphalam diuertimus, mox in Waldeckenensem Comitatum in confinibus.

Hassia situm, virium restaurandarum gratia deducti sumus, iussique expectare aduentum Generalis Marschalli Hatzfeldt. Tractabant tunc forte Hassi de Pace cum Cæsare instauranda, nec ideo nobis licebat in eorum conditionem excurrere, ne ansam daremus nouæ dissensionis. Interim sæuus Calvinistarum furor non quieuit, sed in Fuldensem Patriam debacchatus est, ac maxime in Religiosum virum ita ferocijt, vt frustratim ab immanissimis hominibus fuerit dilaniatus.



CAPVT XXXI.

*De origine & causis belli Germanici,
rebusque alijs in Imperio
gestis.*

SAepe mecum disquirenti, quæ tanta tam immanis belli, totquæ calamitatum in Germaniâ ab multis annis exortarum foret causa, non occurrit alia; quam nimia, ex affluentia rerum omnium; progenerata superbia: Quisquisque sibi ipsi Imperator & veluti parvus quidam Deus, sine respectu humanarum diuinarumque legum vivebat; cum enim Deus superbis resistat; humilibus autem det gratiam iure merito flagella iræ suæ infligere debebat, in eos qui nescio qua animi elatione supra terram incedentes vertice attingebant polum, quasi summam vo-

torum iam affecuti essent. Solet DEUS
graviora delicta quæ suam maiestatem
tangunt propius acrioribus etiam mul-
tare pœnis, cum vero vix graue aliquod
peccatum excogitari possit, quod non
ex fonte & matre vitiorum omnium,
superbia, progeneratur, merito id tam
violenta ac diuturna exagitat ultione.
Expergiscere aliquando afflictissima
Germania, & considera vilitatem tu-
am, ad quam te tuo merito redegit o-
mnipotens, humiliare sub potenti DEI
manu vt bene sit tibi & misericordiam
consequare. Iam satis delitui in pul-
uere miseriarum erige quandoque vul-
tum excute sortes, & conuertere ad
Dominum DEUM tuum. Sed mei in-
stituti memor alibi Ecclesiasten agam;
Hic Historicum.

Hoc tempore Serenissimus Prin-
ceps ac Dominus Ioannes Landgrauij
Darmstadiani Frater, Princeps varijs
naturæ & DEI donis ad portentum
dotatus,

dotatus, Generalem nostrum, pro ea qua est humanitate in ordinem militarem, inuilit. Mirabile fuit ex hac Principum lineâ nullum fuisse, qui contra suam Cæsaream Maiestatem, (quantumvis Religione ab eo discederent, & affinitate, cognationeque arctiori cum Saxone alijsque Germaniæ Principibus contra imperium tunc bellagentibus proxime accederent) attumpserit. Videbant scilicet sagacissimi Principes Imperatorem, quamuis ad tempus suppressi posset, opprimi tamen non posse. Non multo post durantibus etiamnum hisce turbis in Imperio, Iuniorem horum Principum Romam adeundi incescit libido, quo ut venit Religione tum loci tum hominum motus eiurata hæresi ad orthodoxam & antiquam redijt Ecclesiam.

Mense Iulio Comes Ioannes Gôtz Ligisticarum turmarum Mareschallus cum Duce de Sauelli cum multo exer-

citu ad Brisacum obsidione liberandum exierunt optimè annona & armis instructi. Sauelli primum agmen Ducere iussus est, subsequente cum reliquo exercitu Gôtz, vt vero impedimenta & commeatus securiori incederent: viâ, inter vtriusque turmas illa vehi voluerunt. Non poterant nostrorum consilia cum publica essent & aperta latere Wimariæ Ducem Bernardum, qui non otiosus miles omnes cum suis Ducibus iniit rationes & modos cedendi nostros & commeatum diuertendi aliò antequam locum contingerent, quem destinarant. Direxit itaque tormenta omnia bellica in prodromas Sauelli copias, ac mox cum selectissimo milite aduersarium sibi agmen aggressus est turbato non nihil militum nostrorum ordine: Qui vero vt se Ducis sui hortatu recollegissent, fortiter hosti deinceps restiterunt, coëgeruntque aliquantum retro mouere pedem.

Quod

Quod si hîc festinato ut debuerat ad-
 fuisset cum reliquo milite Ioannes
 Gôtz, res optime processura fuisset;
 hostisque sine dubio cæsus. Sed quo-
 niam vel ipse sibi soli liberationis Brisa-
 censis laudem arrogare volebat, alios-
 que præ se contemnebat Duces, vel cer-
 tē, quod quidē tunc constans fama
 aiebat, cum hoste colludebat, studio
 alicubi hæsisse putatur, & optasse hanc
 cladem ex animo Duci Sauelli. Cun-
 ctante itaque Gôtzio, nostrisque con-
 tra validissimum exercitum inferiori-
 bus, Wimario Duci cedere coacti
 sunt, qui præualens, cum nostri im-
 petum ultra haud sustinere possent, e-
 ripuit commeatum cum impedimen-
 tis omnibus quæ nostri secum adue-
 xerant. Ita vno die, imo intra pau-
 culas horas concidit potissima liberta-
 tis Brisacensis spes, at tot sumptus ab
 Imperij varijs Principibus impensi, in
 hostis commoda reciderunt. Ceci-

T 5, dere.

dere ex nostris peditum Tribuni tres cum alijs gregarijs militibus: Non pauciores tamen ex aduersarijs legionibus desiderati sunt, inter quos etiam captus est Generalis excubiarum Præfectus Dubadell. Diremit aduentans nox prælium, quæ nisi intercessisset forte diutius maiorique clade pugnatum fuisset. Redijt igitur ad suos triumphans & spoliis gaudens, Wimariz Dux Bernardus, Sanellicus vero & Gôtzianus exercit⁹ se sed serius cōiungere, atque in Wirtenbergensem Ducatum exercitum reliquum traduxerunt. Sed & in Pomeraniâ fors nobis aduersa obrigit, vbi Suedicus miles Guartzium viobruerunt & occuparunt. Poloni quoque magnum in Regno excitant tumultum ob Casimirum Principem Regis sui Fratrem ad exteros missum & à Gallis interceptum: Hic enim cum Neapolim iret Prorex ijs in terris ab Hispano destinatus, in Gallorum
manus.

manus delatus est & Parisios contra ius fasque abductus.

Nec multo post Carolus Ludouicus contra imperium mouet, ei, vt paulatim esset, qui opponeretur, obuiam missus est Petrus Gôtz ad explorandum quorsum eius consilia tenderent, quem mox secutus est Imperatoris decreto Generalis Hatzfeldt, qui exercitui Cæsareo ijs in locis cum imperio præesset. Hic primo quoque tempore, hoc est vigesimo sexto Augusti armilustrium haberi voluit non procul Lipstadio, quo confecto Susato Hammanam ad Fluvium Lippæsitam, ac tandem Tremoniam perreximus. Quarto Septembris cum non procul abesse intelligeremus Comites Palatinos cum suis copijs, duo Equitum millia contra ipsos mouere iussa sunt, sed cum ipsi iam per exploratores rescissent de nostro aduentu, totam noctem in acie militem suum tenuerunt,

runt, ita tamen ut ab aggeribus suis non multum recederent, per quos nostris nullus dabatur accessus.

Sub hæc tempora Fama ad nos non obscuris rumoribus detulit, nescio quas dissensiones contra suum & Britanniae Regem in Scotiam gliscere, adeo ut metuatur, ne parvæ quidem adhuc scintillæ in immane erumpant incendium, (Quod quidem bonus Deus pro eâ qua est in genus humanum providentia clementer auertat) velim vero subditos omnes diligentissime considerare totum Germaniæ statum à primo ortu ad hæc usque tempora: Quid amabo ad eas traduxit calamitates omnes Imperij Principes tam potentes tam magnificos, quam quod Cæsari suo obedientiam debitam negarint. Nollem sane videre (ut verum fatear) contrerraneos meos pro simili delicto iisdem implicari miserijs, subdant igitur se potius potestati eius, qui

qui ut Princeps est clementissimus, ita apud omnes exterarum nationes iustissimi Regis obtinet nomen: cui non aliunde quam à cœlo Sceptrum, datum est quo subditos gubernet populos.

CAPUT XXXII.

*De rebus bellicis gestis hoc anno in Imperio,
& de nostro successu contra Carolum
Ludouicum Principem Palatinum.*

Postquam iam sæpe sæpius nominatus Mareschallus, Excellentissimus Dominus Comes de Hatzfeldt Tremonia cum Architribunis consilium inierat, ac de militia in proximum tempus instauranda & promovenda consultarat; omnem militem ad armilustrium non procul Hammon-

nain-

na instituendum scripto exciuit, ad quod nostra legio se quamprimum contulit. Hoc in Itinere Relinghu-
sum delati sumus vidimusque Par-
thenonem & virtute & antiquitate
nobilem, non sine magna Fundato-
rum prudentia, in vsum fœminarum
nobili stirpe progenitarum, fun-
datum. Huc nullæ aliæ nisi ex nobili
prosapia ad leguntur. Subduntur ve-
ro & parent omnes vni communi-
bus suffragijs ad id delectæ, quam præ-
positam appellant, quæ iura etiam i-
pſis ſæcularibus dicit, cauſasque capi-
tales per ſuos decernit, atque ius gla-
dij vſurpat in eos qui in grauioribus
delictis comprehenduntur. Hæc An-
tiſtes ſola perpetuo ſe caſtitatis voto
obligat, aliæ vero virgines non niſi ad
tempus illud quo in monaſterio ſub o-
bedientia & directione Præpoſitæ ſub-
ſiſtunt ad continentiam ſeruandam te-
nentur: Poſſunt enim, ſi quando col-
libitum

libitum fuerit inde cum bona superioris venia discedere, & matrimonio se coniungere, vel ad alia se munia secularia transferre. In honestissimam & nobilitati raram convenientem alimoniam, Imperatores domus illius Fundatores cum consensu Summi Pontificis præposituram quandam præpinguem adiunxerunt, multisque indulgentiis donarunt.

Hinc per Essendiam, ciuitatem varia ac multiplici fide diuisam, quippe in qua Catholici, Lutherani, Calvinistæ, Anabaptistæ, Zvvingliani, Hussitæ, Iudæi quoque & gentiles domicilia fixerunt, contra Palatinos Comites Carolum Ludouicum, & Robertum profecti sumus. Obsidebant illi tunc forte serijs plane conatibus Lemgouiam, iamque in quartum decimum diem non sine spe deditionis maioribus tormentis quatiebant, & circum vicinas terras, intolerabili prope illa

pe iugo premebant. Nostros ergo ut Palatinus miles Suedicis mistus copijs, in prælium promptos appropinquare conspexit, pertinacibus animis ne pedem quidem à cæpta obsidione, dimouere conclusit, sed signa signis opponere, quod etiam tam constanter seruauerunt, ut irruptione facta, nostrum Equitatum quantumuis selectum duabus omnino vicibus terga vertere & retrogredi compulerit, exardescens deinde velitationibus in luculentum prælium tam fortiter in nostros egerit, ut victoria sub initia plerisque anceps sit visa, quoad tandem aduersario militi nunciatum est, novas legiones in Hatzfeldicum succursum à Barone de Westerholdt adduci: Quocirca ille quam mox impedimenta omnia cum tormentis ad oppidum Vlothæ in comitatu Rauensbergensi situm, transportari iussit. Cui proposito ut maturæ contraueniret
Hatz-

Hatzfeldius , Westerholdium præ-
 misit summa cum festinatione Gos-
 feldiam , ut pontem illius loci , per
 quem aduersariæ copiæ tuto Mindam
 euadere potuissent , disijci curaret.
 Hic ubi vidit hostis omnem sibi effu-
 giendi præscisam esse viam , ad pu-
 gnandum adiecit animos , remque
 prælio discernendam suscepit , exer-
 citumque nostrum septimo decimo
 Octobris sub horam primam fortiter
 se impetentem tanta fortitudine ex-
 cepit , ut à nostris partibus plurimi
 ceciderint , dubiaque multis horis in
 veramque partem nutarit victo-
 ria , imo prope sub pugnae exordia in
 hostiles partes inclinarit. Alam de-
 xteram Cæsareanorum Baro de We-
 sterholdt & Vice-Marschallus Sere-
 nissimi Lotharingæ Ducis Louthers-
 heim præibant , in sinistra vero ipse
 Campiductor Hatzfeldius cum Co-
 mite Petro de Götz viriliter quod

maſculos decet milites in prima ſemper acie depugnauerunt. Vnde dictus Petrus Goetzius, cum ſemper in fronte hoſtem aggredereetur primus tormenti bellici maiori globulo interijt, quod apud ſummos inſimoque militum maximam peperit triftitiam. Cum vero miles noſter nihilominus hoſtem premeret, palatina caſtra paulatim confuſa primum ſunt, dein in fugam effuſa, in qua maxima aduerſarijs eſt illata clades, vndique enim à noſtro equitatu intercepti ceſſique ſunt, ita vt pauculi præter eos qui aquis præfocati ſunt aciem gladij euaserint.

Hac in pugna interceperunt noſtri omnia impedimenta curulia, omnem militarem apparatus immane quanto impendio comparatum tormenta bellica maiora decem, minora alia pluſcula, vexilla tam pedestria quam equeſtria, præter ea quæ noſter miles in

in baltheorum militarium vsum dilaceravit, quadraginta & vnum; Periscelidem quoque recens ab Anglorum Rege Equestris ordinis sui signum ad Senioremem Palatinum transmissum; vna cum literis Secretioribus omnibus, quæ vniuersa quamprimum ad Comitem Hartzfeldium delata sunt. Inter impedimenta alia repertus & currus signato argento grauis, precium triginta millia imperialium excedebat, hic militum prædæ relictus est, vt aliquod saltem fortitudinis suæ reportarent præmium.

Captiuos secum noster miles hos ferre inter præcipuos abduxit, Iuniorem Principem Palatinum Robertum nomine, qui se vere insignem militem, sed præstantiorem in animo fortitudinem hoc in conflictu ostendit; Eius locum tenentem Ferentz, duos Comites Anglos totius Angliæ qua diuitijs qua honoribus præcipuos, sex Co-

lonellos atque inter hos Colonellum Boy, Colonellum Loënstein, Colonellum Bussardt, Colonellum Millardt, quinque præterea Vice-Colonellos, decem vigiliarum supremos præfectos, duodecim Tribunos Equitum viginti quatuor Capitaneos peditum turmis præfectos. Senior Princeps Palatinus Carolus Ludovicus cum essedum quod sex insignes equi trahebant, celeri fuga euasurus, conscendisset, Visurgim tranare aggressus est, cum vero in ceteriore ripa terra esset elatior quam ut equi eniti possent, currum reliquit & inter Salices multum luctatus, incolumis tandem in siccum exscendit, & pedes vltiorem salutem Mindæ quæsiuit, currus vero cum equis & Auriga Visurgi obruti perierunt. In loco prælij mille ducenti numerati sunt occisi, præter eos, qui in Sylvis & aquis aut alibi cum fugerent mortem obie-

obierunt. E Cæsareanis præter iam dictum Petrum Götziū interfecti sunt Colonellus Tyrell natione Ibernus, animo miles in paucis egregius, quod ipsum ipsi quoque hostes non semel fassi sunt & experti; Vnus ViceColonellus cum militibus gregarijs non plus quadraginta.

Pugna confecta Generalis noster Comes de Hatzfeld copias nostras in comitatum Lipiensem traduci voluit, & paucis diebus quiescere. Vigesima & secunda Octobris Princeps Palatinus Robertus cum reliquis captiuis Warendorpiū deductus est.

Non possum hîc prætermittere, quin mentionem faciam humanissimi illius conuentus qui ad Leuthmaritz habitus est ab Augustissimo Imperatore nostro Ferdinando III. & Serenissimo Saxoniae Duce & Electore, in quo de summi momenti negotijs a-

ctum est. Deduxerat secum Saxonum Dux ut Cæsari gratularetur imperiales honores, & insignes ab hostibus reportatas victorias, quaternionem filiorum suorum Principum, quos Cæsar amicissimè consalutatos intimè complexus est, iisdemque magnifica plane & Regia Maiestate digna dona distribuit; ac Serenissimo quidem Parenti Electori ac Duci Esse-dum Holoferico magnifice rectum auro argentoque supra Cæsaream opulentiam splendidum, quod sex Equi generosissimi trahebant. Senioribus duobus Principibus Duci Ioanni Georgio & Duci Augusto, cuius equum ornatu precioso opulentissimum munificè elargitus est, Junioribus verò Ducibus Christiano & Mauritio sicut & præcipuis Saxonum Aulicis preciosos torques aureos prodignitate & merito cuiusvis, dono dedit.

Intèrea

Interea nostri victoria sua contra Palatinos vsi, Cloppenburgo primum in deditionem accepto, suspensoque ex infami cruce eius loci Præfecto, quod nuper à Cæsareanis ad hostes nequiter transfugisset, ad Vechletensem obsidionem animum ac vires applicuerunt, quam quidem etsi noster miles haud diuturnam fore putaret, eo quod exili ambitu hæc ciuitas circumscribi videretur, ob incidens tamen cælum pluvium, & masculas obsectorum oppositiones, sex facile septimanis non sine nostrorum sanguine tenuit. In ea obsidione è nostris Perillustis Baro de Westerkolt ex ictu globuli plumbei extinctus est. Ex aduersarijs vero loci præses Colonellus Leslie vna cum Præfecto vigiliarum vno tormenti bellici maioris ictu occisus est.

Contra Suecos non minus actum est alibi fortiter, Comes enim de Broy in

quingentos Bannirianos equites, le-
 gionesque peditum duas opportuno
 loco incidens fudit plurimos fugavit
 reliquos. Nec minora damna reliquo
 aduersario equitatu, obluem quę tunc
 in equos immani clade grassabatur, il-
 lata sunt, ita ut potissima equitum pars
 pedes equitare ob equorum morta-
 litatem fuerit coacta. Gallassianus
 verò exercitus cum fame indies magis
 quam cum hostilibus copijs conflicta-
 batur, adeo ut quot diebus multi mili-
 tum inedia confecti ad sepulturam
 deferrentur alij vero, ut vitam alibi
 quęsita annona sustinerent
 clam fugere coge-
 rentur.

— 6 (o) —



CAP. V. T. XXXIII.

De deditioe Brisacensi, alijsque quibusdam rebus in Imperio exactis.

HVC spectat Brisacensis expugnationio, de qua iam supra sæpius fecimus mentionem; quæ sub finem huius anni M. DC. XXXVIII. per Wimarientium Ducem Bernardum non minus fortiter quam constanter non sine magno totius imperij incommodo contigit. Eius Historiam paulo fufius referemus.

Viderat iam multo ante sagacissimus Wimarientium Dux, Brisacum post diuturnam obsidionem vix posse diutius sustinere sui militis vigilantem cautelam, qua omnis commeatui quo maximè obfessi laborabant, accessus

præcludebatur , ita vt res eorum admodum curtæ illic iam essent, vt ob grauissimam famem & quotidiana funera præsidarij multò amplius munitionem tenere non possent. Emisit igitur tam ex peditatu quam equitatu suo , qui quorsum aut quam in partem se Gôtzius verteret , mature explorarent: Hi cum ex Cæsareanis varios captiuos adduxissent , ab ipso Duce Bernardo examinati sincerè edixerunt, nescire se quidem quid Gôtzius moliretur , quoue exercitum esset tracturus, Hoc certum quod Waldishudum non ita pridem venisset Philippus Comes de Mansfeld à Cæsare ad Bauarum, atque hinc ad totum exercitum maximè vero ad copiarum duces destinatus , in quem finem ne id quidem adhuc liquere. Militem porro Cæsareum sat copiosum minus tamen animosum vi irrumpisse in arcem Gутtenbergensem, in
qua

qua ad quingenta frumenti maltra reperissent. His nunciatis à Wimario sine mora supremus vigiliarum Præfectus Prignitz cum ducentis equitibus, trecentisque peditibus Guttenbergam versus mouere iussus est, partim vt vltiores progressus impediret, partim vt rei veritatem coram inspiceret. Quem vt Gôtzianæ copiæ adesse cognouerunt, opinatæ sunt omnem Wimariensis Ducis exercitum aduentare, ideoque necdum collectis vasis in effusam abiire fugam, seque omni cum festinatione Villangam contulere, relictis potissimis tormentis bellicis, quæ facile dictus Prignitz auertere potuisset, nisi equorum penuria id negotij impediuiisset, præter paucos itaque captiuos reliqua integra dimisit, retulitque ad Ducem suum, Comitem Mansfeldium nunc cum exercitu Cæsareo esse, militique Diploma Cæsaris à Serenissimo Bauaro subscri-

subscriptum exhibuisse, quo iubeantur nullam posthac Gôtzio, sibi verò omnem obedientiam & submissionem militarem præstare. Mox hinc ad Gôtzium adiisse ut vinctum ad Cæsarem vel certe Bauarum ablegaret, quod sine cunctatione factum, Rhedaque impositum cum ducentis equitibus Cæsari fidelissimis Monachium abduci iussit. Nec ipse quoque Mansfeldius multò post, cum militare imperium cum summa auctoritate ad ulteriorem Cæsaris dispositionem in Goltzium transtulisset, aliò profectus est.

Brisaci interea cum Generalis tormentorum Præfectus Baro de Reinach omni se ope destitui videret, nec liberandæ munitionis locum aut modum ullum cognosceret, nec superesset in vrbe quo suam suorumque vitam posthac sustineret, extrema famemes summaque miseria militem cæteroqui

roqui cordatum ad mitiores sermones adegit. Duodecimo igitur Decembris Tympanistam illum quem ante paucas horas Colonellus Erlach intro-miserat ex vrbe remisit cum officiosissimis literis, ex quibus facile notari poterat eum quidem certis & honestis conditionibus urbem dediturum, rogabant vero ut pro maiori utriusque partis securitate obsides utrimque mitterentur, quoad pacta concluderentur. Nec multo ante amicissimas omnino literas ad ipsum Wimarix Ducem dederat Reinachius quibus commodas rogabat conditiones. Has Reinachij literas cum Dux Bernardus legisset consilio bellico coacto nunciavit expedire ut ipse pactis coram interesset: Itaque sexto decimo Decembris ultro citroque missis primum obsidibus septendecim puncta Reinachius emisit, quibus ab aduersariis subscribi voluit, sed omnia vix lecta quam-

quamprimum à Duce Bernardo remissa sunt, nunciatumque victoriosi Ducis esse leges seu gratias potius victis præscribere, ipse igitur omnia pacta ad quatuordecim capita reduxit, hoc fere quo sequuntur modo.

I. Conceditur Generali tormentorum bellicorum Præfecto Baroni de Reinach commendanti in Brisach ut cum omni sibi subdito milite, reliquisque duobus Colonellis Escher & Wirtzen omnique comitatu, cum omni instructu bellico oneratis fistulis, tam pedites quàm equites salvis suis rebus omnibus egrediantur. Offert præterea Dux VVimariensis fame miserum in modum exhaustis militibus in duos dies sufficientem commentum. Vult ut nono decimo Decembris egressio instituat, & antequam ea fiat, imperat ut sibi tradantur aliquot ex præcipuis propugnaculis.

II. Ut omnium, quibus aquis descendende-

scendere collibitum fuerit, res saluæ & incolumes Argentinam vsque, per quasuis Brisacenses naues (vna nominatim certas ob causas excepta) deferantur, hac tamen conditione, vt Nautæ omnes vel Argentinâ, vel certè, si istic aliarum nautarum copia difficilis foret Philippoburgo Brisacum sine mora remittantur.

III. Indulgetur Domino Baroni de Reinach, & eius militi vt duo tormenta bellica maiora, quorum quoduis globum octo librarum capiat, cum viginti globis duobusque vasis tormentarij pulueris secum abducatur, in quem finem duæ aliæ naues, si opus fuerit, Bernenses, præter iam supra concessas Brisacenses, dabuntur.

IV. Vt de transitu ad Argentinam Dominus Baro de Reinach certus sit, poterit cum literis aliquem ex suis fidum Argentinam mittere, qui de ciuitatis voluntate intelligat. Quod si
istic

istic transitus negaretur, spondet VVimariensis Dux, se cum suorum militum saluo conductu facturum, ut omnia impedimenta salva Offenburgum deducantur, & pro maiori cautela seu securitate obsides dabit dicto Reinach.

V. Transfugas his pactis neutiquam concludi vult Dux, sed eos sibi reddi, qui verò capti se durante obsidione ad partes Cæsareas transtulerunt ijs liberum erit vel morari cum illis cum quibus sunt, vel ad se reverti.

VI. Obligabitur iam sæpe nominatus Baro de Reinach, ut his pactis conclusis mandet serio commendanti in Landskron, ut arcem illam VVimariensi Duci cedat. Promittit vero Dux se militem istic præsidarium vel Vilin-gam vel Offenburgum, quod quidem ipse voluerit erit saluum, sine vlla offensa deducturum.

VII. Omnes captiui tam Brisaci,
quam

quam in Landskron detenti sine litro restituantur V Vimario Duci. Pollice-
tur similiter Dux, se vtriusque loci ca-
ptiuos remissurum.

VIII. Officialibus qui res politicas
seu Camerae administrarunt, seu qui
de regimine Austriaco ante hac fuerunt
post bimestre spacium liberum erit a-
lio commigrare, interim tamen non
tantum acta scriptaue omnia fideliter
reddent, sed & sufficientem instructio-
nem ad cognitionem rerum omnium
ijs quos Dux designauerit facient. Vn-
de & quibusdam permittitur vt res suas
vna cum reliquo milite, aliò in tutiora
loca transferant.

IX. Nil eorum scriptorum, libro-
rum, &c: quæ ad Rempublicam, Ma-
gistratum, Cancellariã, Cameram, or-
dinem Teloniorum, Rationes &c:
spectant, violabunt aut quouis modo
mutilabunt, quo minus administratio
rerũ hactenus seruata, administrari pos-
sit.

fit. Conceditur tamen Generali de Reinach vt ea scripta secum exportet, quæ ab illo tempore quo ipse fuit Gubernator, Bellicam prouisionem, stru-
&uram aliosq; sumptus militares con-
cernunt.

X. Omnem apparatus & instru-
tum bellicum, cuiuscunque fuerit
nominis aut formæ fideliter ei quem
Dux nominauerit, tradet. nec quid-
quam eorum infodietur, destruetur
comminuetur.

XI. Ciuibus seu Incolis Brisacen-
sibus liberum Religionis exercitium
concedetur, eorum tecta domusque ac
præcipuè templa, monasteriaque in-
uiolata ac intacta absque vlla direptione
relinquentur. Quod si verò Re-
ligiosorum nonnulli alio commigrare
ipsi vltro cogitarent, cuius id liberum
relinquetur. Quod verò ad alios qui
ciues non sunt, sed tantum ad tempus
securitatis causa hospites, maximè ve-
rò No-

et Nobiles istius conditionis, ita Dux cum illis aget, ut conqueri iure nullo modo possint.

XII. Mobilia omnia ad domum Austriacam olim pertinentia, vniuersaque alia in Brisacensem munitionem tutelæ causa importata seu aduecta: Eaque quæ militi exituro aut ciuibus permansuris legitimo titulo atiribui nequeunt, intacta relinquantur, ac illis qui ad id officij à Duce designabuntur sine reservatione vllius fideliter tradantur.

XIII. Cauebit Generalis tormentorum Præfectus Baro de Reinach, & assecurabit obsidibus ad id post se relictis, ne quid occulte machinationis, quod munitioni Brisacensi, Duci V Vimario, vel suis illuc introeuntibus damno esse possit, illic relinquatur.

XIV. Denique omnia hæc absque dolo vtrimque seruabuntur. Quod si tamen aliquis priuatus contra hæc

legisse conuinceretur, non ideo reliqua
 communitas omnis vnus perfidiam
 luet, sed solus machinator fraudis, pro
 merito plectetur. In quorum omnium
 fidem imprimis ipse Serenissimus V Vi-
 mariensium Dux Bernardus; tum Ba-
 ro de Reinach, sua manu subscribent.

Quod & actum septimo decimo De-
 cembris Anno M. D. C. XXXVIII.

Pactis ex vtraque parte admissis, sta-
 bilitis & subscriptis, V Vimario Duci
 innotuit, triginta suorum militum Bri-
 faci in carcere durante obsidione mor-
 tuos, & octo alios à socijs concaptiuis
 ob famem & inedia in cibum esse ma-
 ctatos & deuoratos. Vnde Dux ita ex-
 canduit, vt pacta simpliciter rescinde-
 re decreuerit, concluderetque omnes
 præsidarios in egressu interneccione de-
 lere, fecissetque nisi omnes militiae pri-
 mores deprecati fuissent, quorum pre-
 cibus securitatem Brisacensibus annuit.

Egressi

Egressi itaque sunt nono decimo Decembris intra octauam & nonam matutinā quadringenti sani milites, quinquaginta ægri cum nouendecim vexillis, septuaginta equis duabus mulis, sex Rhedis, tribus curribus, ægri saneque separatim diuersis nauibus Argentinam versus secundo Rheno ducti sunt.

In Egressu Dux V Vimarius Baronem de Rheinach sub porta acriter perstrinxit; obijciens tum Barbaram ac feram immanitatem in milites quantumuis aduersarios in carcere exercitam: Cui excusandæ quid respondere possit, se quidem planè non videre. Cui Baro de Reinach non latere suam Celsitudinem, similem contigisse casum in obsidione Augustana, in qua similiter carnes humanæ in delitijs fuerint, ideoque se extra culpam esse si inopia & horrenda fames ad id delicti milites adegerit. Quod vero ipse eos in vin-

X. 3, cula.

cula compegerit , aliud prudenter se facere haud potuisse , cum enim captiui indies elabendi quærent occasionem , ac iam vidissent quo res Brisacenses loco essent , dubio procul id ad suos relaturi fuissent : vt ergo maiora suis damna caueret se ad illud mediũ compulsum esse. De cibo porro ipsis subtracto in carcere , id quidem falsa Ducis venia , aperte falsum esse , cum ipsis carnes equinæ fuerint subministratæ tã diu donec & suis illæ defuerint , ideoq; se eos mitius tractare tunc pro temporis iniuria non potuisse.

Post Reinachium Brisacensis Cancellarius Dominus Volmarius pullis vestibibus indutus , bacillum manu præferens ad Ducem accessit , ipsique ter in genua prouolutus supplex factus est , petijtque sibi ignosci nescio quæ verba temere & imprudenter in Ducem egesta. Cui Dux. Se quidem sufficientem habere causam , acrius in ipsum animad-

animaduertendi, sed se modo ignoscere, videret porro ipse ut imposte-
rum cautius de Principibus loqueretur. Colonellum quoque Escher aliosq; nonnullos perhumaniter est allocutus, constantiam & fortitudinem eorum in tanta rerum omnium penuria vehementer laudans.

Tormenta maiora bellica quæ in vrbe relicta sunt centum viginti quinque fuerunt, præter ea ex quibus signi-
ti globi emitti consueverunt. Quoad pulverem pyrium aliumque apparatus bellicum nullus fuit defectus, suffecissetque ad protrahendam deditionem in multos adhuc menses. Sola panis commeatusque penuria eam præcipitavit.

Fames porro tam incredibilis fuit, ut difficulter describi queat. Certe nulla vnquam in antiquis & recentibus historijs sæuior notata est. In hac obsidione vno die octo pueri perditii sunt,

ita vt nunquam post hac sint visi, constans fama & probabilis suspicio fuit eos ad lanienam & cibum hominum raptos. Mortui triduanı quadriduanique terra effossa eruti sunt, & in frustra dissecti & in epulas appositi. Milites qui ob delicta in vinculis agebant, fame compellente calcem è pariete avulsum comederunt. Sed nec fame tabescentibus parsum, quos audos ne simili malo perirent, focij concaptiui deuorarunt. Vix vltimis hebdomatibus vlla præterijt nox, quin decem in publicis vicis fame extincti reperirentur. Vendebatur modius siliiginis quadraginta omnino florenis; Hordei, quatuordecim; avenæ, duodecim imperialibus. Modius pisorum stabat nouem florenis, modius farris mistus tribus fursurum modijs emptus est centum viginti florenis. Vini mensura vnica & panis trium librarum aureo annulo cum Margaritta preciosa quam

quam Adamantem vocitant. Quis hæc credat? Sed maiora afferro. Butyri libra quatuor florenis æstimabatur, lardi duobus & medio florenis; salis, floreno vno; casei, sesqui floreno; pomum non admodum grande, dimidio floreno; cucurbita, septem florenis. Libra vna equinæ carnis medio floreno; quarta pars canis, septem florenis; Glires singuli, singulis florenis; vitulinæ exuviæ singulæ quinque florenis: non minus emptæ sunt. Sed quid his: tam tristibus immoror? ad alia progrediamur.

Obtenta victoria, & accepta in dedicationem vrbe postquam magnificè tam Brisaci quam in Gallijs triumphatum est, omnis cogitatio & labor in id incubuit, vt sufficienti commeatu hic locus muniretur, multa que mox millia curruum frumento onustorum in urbem illata sunt, ita vt in multos annos commeatus sufficeret.

Impense in hanc obsidionem collocatæ ad vndecies centena millia imperialium æstimantur. Milites vero qui vtrimque quadrimestri hac obsidione ceciderunt octoginta millia excessisse dicuntur. Hæc de Brisaco ad alia alibi gesta transcamus.

Sub vicesimum secundum Decembris Imperatrix felici partu filium Principem enixa est, quem appellari voluit Maximilianum Thomam.

Nostri interim milites qui in Westphalia & circum circa morabantur, miserum in modum pagos & oppida quæ sub ditione hostium erant depopulati sunt; Quoad secundo tandem Februarij die Anni M. DC. XXXIX. ad hyberna sunt evocati. Generalis Louthersheim ad Vechtam hybernauit, Generalis Bredavv montensem Patriam obtinuit. Generalis Hatzfeldt Tremoniam, Hammonam, aliasque circum ciuitates sibi retinuit. Alij in alios

lios comitatus deducti sunt. Dragones nostri vna cum Colonello Rambstorff, Colonello Winsheim, Colonello Sparr in Wetterauiam amandati, ad quorum comitatum accedere iussus est Princeps Palatinus Robertus nuper in prælio captus cum alijs ibidem concaptiuis, qui huc vsque à clade nuper à nostris acceptà in Monasteriensi Episcopatu egerat, nec aliud quidquam ipsi ad recreationem deerat quam plena libertas, ei enim submittebantur idem à Principe Carolo Ludouico Fratre ipsius pecuniæ largissimæ; acceperatque non ita pridem Minda mille quingentos Ducatus, sicut & Hagâ comitis vestes mire preciosas, Rhedamque imprimis elegantem in vsum Itineris ad Imperatorem quo abducendus erat à nonnullis nostrorum turmis. Colonellus interim noster Deueroux cum reliquis suis turmis Fridbergensem ciuitatem in hyberna
sua

sua sortitus est, quo ut cum milite suo venit portis exclusus est, unde in pagis desolatis omnique prorsus ope destitutus agere ad tempus compulsus est. Quam quidem iniuriam cum multi militum ulcisci armis vellent, aliorum saniori consilio retenti sunt, hi consultius fore putabant si totum negotium ad Generalem Hatzfeldium dirimendum perscriberetur. Cum vero ipse à nobis abesset longius, Cronbergam interea, donec ad nostras iustissimas querelas esset responsum, migrare constituimus. Erat Cronberga tunc varijs antecladibus afflicta, & secum ipsa intestinis odijs dissidebat. Isthic cum decem cohortibus ipsum triduum habitauimus: miserum erat videre copiosum militem in tantillis spacijs concludi. Nec aliud sperari poterat, ni mature prospiceretur, quam grauis ex foetore lues. accedebat quod annonâ deficiebat ante, quam prompta videretur,

retur, adeo ut ipse Colonellus Deueroux (cum media ciuibus suppetere haud amplius posse videret) suis sumptibus à Francòfurtenſi ciuitate, ſumma inedia cogente centum ſiliginis maltra coëmere deberet, miſſo vero ad id homine nauo & ſagace qui auerheret, ciuitas ſe frumenta ex vrbe diſmittere poſſe negauit. Ægrè tulit, ſuas pecunias remitti, Colonellus noſter, ſatique verbis ſignisque quam ſibi iſte procedendi modus diſpliceret, oſtendit. Vnde miles occaſionem ſumpſit iſtam Francòfurtenſium inclementiam quoque modo vlcifcendi, quæ ſe non multo poſt admodum commoda obtulit. Agebatur Francofurtum verſus porcorum grex centum quinquaginta ſuiſus conſtans, in quem noſter miles incidens omnem ſtrauit atque depaſtus eſt. Urſellà interim Domino Colonello noſtro manſuetiores, pro precio frumenta ſubminiſtrauere,

ut gregarius saltem tunc miles in campis stationem figere potuerit. Miseri autem Cronbergenses officarios omnes cum equis & famulatu intra mœnia habebant, & alere compellebantur sola Fridbergensium peruicaciâ, qui nos contra Cæsaris expressa decreta à se excluderant.

Hic ergo dum statur in varia loca excursus est, nescio an famis magis quam temporis fallendi causa. Inuisimus quoque Kônigsteinianam arcem vicino quidem sed edito colle ædificatam, situ & munitione contra quosvis hostium impetus securam. Locum tenens Prænobilis Dominus Ioannes Christophorus ex clarissima & antiqua Bettendorfforum prosapia oriundus nos non minus liberaliter quam humaniter accepit, omnique honoris & obsequij genere vna cum Prænobili ac honestissima matrona coniuge sua Colonellum nostrum eiusque

iusque comites profecutus est. Cum autem ipse tunc forte podagra impeditus, pedibus consistere non posset, primores præsidij sui nobis adiunxit, qui nos per arcem deducerent, ostenderentque omnem eius ambitum: In egressu quoque nostro, honoris & raræ benevolentiae causa tormenta maiora bellica solui fecit, quod humanitatis prolixissimæ officium, Colonello Deueroux plurimum placuit.

Hinc domum reuersi intra paucos dies responsum accepimus, vt denuo Fridbergam adiremus. Quamprimum igitur Colonellus noster cum quatuor turmis illuc mouit, sed & tunc ægrè admodum admissus est, ita vt ciuitas arma hostilia in nos pararet, & ni fallor expediuisset contra nos, nisi centurio, qui forte tunc Fridbergen-sium arcem exili spacio vallis & aggeribus ab vrbe separatam, insidebat, eos fuisset dehortatus.

Hoc

Hoc tempore nunciatum nobis est
 Generalem Salis, cum per Thuringiam
 commearet, incidisse in Bannirianos,
 fusum cæsumque cum sex legionibus
 esse, ipsum Ducem cum multis è prima-
 ribus captum, quæ res multum nostros
 afflixit.

CAPUT XXXIV.

*Quid in Hybernis Anno M. DC. XXXIX.
 actum. Et de Iudaicis quibusdam
 sacris.*

Mense Martio Magister Iacobus,
 miles sanè non minus animosus,
 quam fortis, cum selectis aliquot e-
 quitibus ex Ramsdorfianâ & Wintzia-
 nâ legione, rogatu Nobilissimi Do-
 mini per Eisfeldiam Satrapæ, contra
 hostem passim impunè vagantem & o-
 mnia deprædantem movit; in quem
 cum

istic erat copiosa; septimo itaque Aprilis ad eam accessimus, ut superstitionas eorum cœremonias seu consuetudines obseruaremus, sub horam matutinam sextam, qua ipsi suas preces mussare consueuerunt. Synagoga hæc erat antiquitate æquè quam cultu deformis; in eius medio rotundum locum spectare erat, sedili pensili vario intus & de foris grauem, superius in modum conopæi; quod lignæ columnæ aliquot sustentabant, tectum, in eum duobus ostiolis sibi aduersis patebat aditus, in eo tres quatuorue ex præcipuis Iudæorum longis togis, alioque habitu insuper velut dalmatica vestiti, vetus testamentum in chartâ Pergamenâ nitidè descriptum euoluebant conuoluebantque, conuolutum deinde in scriniolum aliquod seu tabernaculum potius, quod ipsi sacramentum appellant, deportabant, accedentibus qui iuxta stabant & deosculantibus

stantibus legem DEI in manibus sacrificuli. Mox ad preces multa vocis & oris inflexione, sublatione depressionemque redibant. Separatæ erant à viris mulieres loco paulum editiore, ita tamen vt commodè ceremonias omnes despicere possent, quæ simul nescio quid triste inarticulata quadam voce murmurabant.

Absolutis precibus vt apparebat ad speciem multà cum deuotione, Rabinum hoc est sacrificulum ipsorum euocaui, vt ab eo curiosa quædam hinc inde occurrentia disceremus. Hic vt nos conuenit veniam statim humillimè postulauit quod pileum non aperiret, causans legem suam vetantem in Synagogâ detecto esse capite. Simulque nos in vicinum locum deducens vbi suos matrimonio copulare consueuerunt, ostendit ex proximo pariete duarum stellarum in lapide excisarum effigiem, contra quas

Y 2 sponsus

sponsus vitro collimare debebat & confringere, de hac ceremonia cum in lege eorum nil præcipi obijceremus, peteremusque quorsum id fieret, respondit Rabbinus, eam esse à maioribus pie introductam consuetudinem, non à DEO præceptam legem, vel leque ipsos hoc ritu monere novos coniuges, quàm fragilis esset mortalis vita, cauere simul ne immodicis voluptatibus à DEO se abripi sine-
rent. Notare quoque mulierum leuem inconstantiam, quæ ad quemvis statum omnem formam veluti vitrum induunt. Vt ergo noua nupta constanter cum coniuge suo perseueret hoc vitri iactu moneri.

Hîc dum variè discurremus, ad-
est qui nobis de nescio qua piscinâ clanculum vellit aurem, in quam mox inquisitum est. ad eamque deducti sumus curiosi Iudaicarum ceremoniarum exploratores. Descendebatur in
eam

eam velut profundissimum puteum, gradibus facile nonaginta quatuor: illic mulieres secundum legem Mosaicam post partum purificari dicebantur. Purificatio vero non est aliud quam totius corporis ita ut nil quidquam appareat, in aquam immersio, fierique debet tam hyeme quam æstate, quod si frigore constringatur piscina securi aperiendus est aditus. Vidimus quoque lauacrum, ad quod manus abluunt qui mortuum fortè conrectauerunt, ne immundi Synagogam accedant.

Postero die ad circumcisionem inuitati sumus, ad quam spectandam plurimi cum ipso nostro Colonello adierunt. Fit ea non sine infantis periculo hoc fere ordine.


In primis postquam acutissimus culter ex chalybe oleo illitus, aliaque ad obligandum vulnus pueri circumcisi ne-

cessaria in promptu sunt, affertur puer circumcidendus. Tunc accedit susceptor Iudæus seu Parrinus, & scilæ ad id destinatæ insidet, excipitque puerum genibus seu sinu; Quem Rabinus geniculans denudat, arreptoque virili vel infantili potius membro præputium cultro resecat. Dein applicat hiantes fauces, atque ex vulnere tertium exsugit sanguinem, eumque in poculum argenteum, in quod etiam præputium resectum ante iniecerat, exspuit; applicat mox lineos panniculos liberaliter in oliuarum oleum immersos, curando vulnere, vociferante interim miserandum in modum puello, & congemiscantibus adstantibus Iudæis. Absoluta circumcissione offertur puer DEO, manibus sacrificuli, distribuiturque tam aduenis, quàm indigenis vinum & saccharum. Quæ tamen omnia nos reieci-
mus. Dicuntur sæpe numero par-
uuli

uuli deficere sub crudeli hoc tormen-
to, aliquando etiam sub manibus Rab-
bini, vel non multo post ob do-
loris impatientiam.
emori.

DEO HONOR ET GLORIA.





*Emenda ex potioribus notata
sic Emenda.*

IN dedicat. p. 6. dum tibi deest eorum in
ead: musculo l. musæolo. Ad Lect. p. 4.
paucæ l. paucis. p. 10. tam mari quam. p. 11. l.
potestate. p. 12. l. collectam. p. 17. l. latissimā.
p. 19. l. militi. p. 23. l. diuturnam. p. 25. l. Cæ-
sareanarum. p. 36. l. sat. p. 37. l. discurrunt. p.
39. l. continua. p. 43. l. Nobiles. p. 51. huc l.
luc. p. 73. multa l. nulla. p. 74. l. cataphracto-
rum. p. 78. voits l. votis. p. 80. male l. malle.
p. 96. l. lecticæ. p. 103. l. proditiōis p. 105. &
cum. l. at cum. ib: hostile l. hostile. p. 114. le-
rentel. tenente. p. 116. rexit. l. crexit. p. 142.
impetitu l. imperu. p. 186. sum l. sub. p. 196.
nobi l. nobis. p. 201. insequendam. l. insequen-
dum. p. 204. lin. 7. post insidijs l. qui. p. 205.
l. omniaque. p. 208. exuertit l. vertit. p. 220.
qui quis l. quisquis. ib: dani l. damni. p. 228.
l. elegerat. p. 229. l. Capiraneo. p. 239. l. suble-
uare. p. 243. l. amissis. p. 277. l. vtramque.
p. 278. l. fronte.

F I N I S.





